

BEATISSIMO PA- 3


TRI, IVLIO TERTIO

Pontifici Maximo Ioachimus

Pgrionius Benedictinus

Cormæriacenus

S.P.D.



V M ipse mecum reputo,
Iuli Pontifex Maxime,
quàm multi & Graci &
Latini scriptores vitas res-
que gestas imperatorum li-
terarum monumentis man-
dare & ab hominum obli-
uione vindicare studuerint, nō possum equidem
non magnopere mirari, tã paucos esse, qui idem
officium sanctissimis clarissimisque illis duode-
cim viris, quos Christi Apostolos Græco ser-
mone, id est legatos & quasi nuncios, maiorum
nostrorum instituto nuncupamus, sibi prestan-
dum putauerint. Etenim si tot homines ad il-
lud officium cōmuni voluptas atque vilitas,
quæ duo in hystoria vel sola vel maximè spe-
ctantur, excitauit, eadē profecto cause, quæ hic
multò & grauiores & veriores, quàm illic o-
mnibus propositæ sunt, nō solum eundē parē-
que hominum numerum, verum etiam plures,
ut idem horum causa susciperent ac efficerent,
impellere & potuerunt, & verò debuerunt.

Nam, ut de oblectatione primum dicam, cum illi quod maximam in eo voluptatem posteris propositam putarent, si quibus armis, quibusque artibus ac rationibus imperatores tam Græci quam Latini vel auxerunt imperium quod initio paruum acceperant, vel quod maximum acceperant conseruauerint, cognouissent, sibi in eorum rebus gestis scribendis, studiū diligentiamque ponendam censuerint: quantam quæso, quamque veram cum maxima admiratione coniunctam voluptatem omnes ex Apostolorū vitis percipere possunt, si eos duodecim vniuersos totum penè orbem terrarum, singulos infinitam hominum atque adeò populorum multitudinem ad Christi fidem religionemque deduxisse cognoscant? quanta verò eosdem affici necesse erit, cum illos hoc totum sine vi, sine minis, fraude, insidiis, armis sanguine ac morte cuiusquam, quibus illis imperia sibi pepererunt, sed adhortationibus, precibus, modestia, continentia, parsimonia, patientia, aliisque virtutibus, id est, ut paucis omnia complectar, sermone & opere perfecisse intellexerint? Si enim eorum imperij initium recordando repetere velimus, tria milia hominū à Petro primo sermone, altero, quem non ita multò post habuit, quinque ab ingrata Deo vita ad gratā sanctāque deducta reperiemus. Quod si longius etiam progrediamur, in eis præsertim quæ quod diuinis libris continen-

continentur, maiorem habent auctoritatē, quot
 milia hominum tota *Gracia & Asia* *Pan-*
lum sola oratione & voce adiunctis nouis qui-
 busdam inusitatisque operibus sub Christi im-
 perium subegisse dicemus? Quod de ceteris quo-
 que eodem modo indicandum est. Conferantur
 nunc si placet, ea omnia quæ ab imperatoribus
 gesta sunt, quò facilius quāta sit in excitanda
 admiratione, pariendāque voluptate dissimili-
 tudo, intelligatur. Alius apud Romanos *Gal-*
liam Romano imperio adiūxisse, alius *Germa-*
niam dicitur, alij alias prouincias. An hac il-
 li sine agrorum depopulatione, sine urbium euer-
 sione, sine cade innumerabilium hominum, tem-
 plorum direptione, iurisque diuini ac humani
 violatione aut perfecerunt, aut perficere potue-
 runt? Ex quibus intelligi potest, quæ aut quorū
 voluptas sit ea, quæ iis legendis paritur, ex qui-
 bus maximū animo dolorem omnes capere de-
 bent. Quòd si nihil tale in *Apostolorum* expe-
 ditionibus reperitur, contrāque hominum sa-
 lus, Rerum publicarum à miserabili deorum,
 id est demonum seruitute liberatio, verique
 Dei religio eorum diligentia procurata & con-
 stituta est, certè horum omnium cognitione in-
 credibilis quedam ac vera delectatio pariat
 necesse est. De utilitate eadem dici possunt. Si
 enim omnes ea & legere libenter, & attentis
 animis audire solent, quæ ad se pertinere intel-

ligunt, legēdis autem audiēdisque rebus gestis
 Apostolorum ea cognoscuntur, & discuntur
 omnia quæ ad summam omnium hominū vti-
 litatem, dignitatem, salutēque conducunt, an
 non indecorum videtur, hæc tam vtilia aut ne-
 cessaria potius posteris nō tradere, vitas autem
 imperatorū memoriæ prodere, quæ nec utilitate
 cum his, nec necessitate, nec verò dignitate com-
 parari illo modo possunt? Nam ut de hoc quo-
 que aliquid dicam, fuerint sanè in illis virtutes
 quæ eis à scriptoribus tribuuntur, fuerint in eis
 bene viuendi exempla, fuerint iidem continen-
 tes, iusti, sapientes, fortes: at veræ illæ virtutes
 non sunt habēda, præsertim cum à fide sine qua
 Deo nihil gratū esse potest, seiunctæ fuerint at-
 que secretæ. Hoc etiam verè dici potest, cum ea
 ferè quæ illis tributa sunt, scriptores vel ignora-
 uerint, vel gratiæ causa & ad eorum vel alio-
 rum voluptatē scripserint, illos magna ex parte
 libros suos mendacis & vanitatibus referuisse.
 Quæ pro omnia si mihi propositum esset, facile
 docere possem, præsertim cum summas eorū qui
 his temporibus vixerunt, virtutes in historia le-
 gamus, quorum scelerum ita plerique spectato-
 res fuerunt, ut eos suo testimonio iugulare pos-
 sint, non subleuare. At in his duodecim viris
 quos Apostolos ut dixi maiorum nostrorum
 instituto vocamus, nihil fucatum, nihil fictum,
 nihil denique simulatum reperiri potest, sed om-

171
nium verarum virtutum in illis quasi splendor
quidam expressus earumque summa consistit,
eiusque rei non hominē testem habet, sed Chri-
stum, id est Deum qui eos & lucem mundi ap-
pellat, & doctores eiusdem instituit, ut lucem
ad sanctissimam eorum vitam, doctrinā ad ea
quae eos alius tradere iussit, retulisse videatur,
Quod si eorum vitam atque doctrinā Deo gra-
tam acceptamque esse videmus, quid de utilita-
te existimare debemus? Legendis quidem vete-
rum historiis nobis saepe verbum prudenter, for-
titer, moderatē, iustēque dictum placet, sed ta-
men an vita eorum quorum illud est, ei consona
fuerit, ignoramus semper, aut plerumq; dubita-
mus, propterea quod ferē vsu venire videamus,
ut oratio pulcherrima sit hominum, vita tur-
pissima, & ab oratione dissentiens: ex quo di-
cta ferē contemni solent. Quae autem ab Apo-
stolis in eo genere dicta feruntur, ea nobis simi-
liter venire in dubium non possunt, propterea
quod illi & eam vitam traduxerunt, ut ipsius
comes illorū esset oratio, & eo sermone vsi sunt,
illum ut non refelleret vita, sed comprobaret.
Hac igitur aliāque talia cogitāti mihi, visum
est indecorum maximē, cum non solum impera-
torum, sed etiam priuatorū hominum vitas, id
est dicta & facta quae magna ex parte eiusmodi
essent quae dixi, tam multi scripsissent, nemi-
nam adhuc ferē extitisse, qui horū sanctissimo-

rum clarissimorumque virorum res gestas sibi
 literis mandandas censuerit. Itaque hoc mihi
 opus suscipiendum esse statui, quod quò maiorem
 auctoritatē haberet, ea primum de hīs talibus
 viris tradidi, quæ diuinis literis ac libris conti-
 nentur: deinde ea quæ probati auctores, ū præ-
 fertim qui id genus vitæ quod Christum nobis
 in præceptis reliquissē videmus, magnā cū lau-
 de & gloria secuti sunt, memoriæ prodiderunt.
 Nam si qui fortē tales sunt, qui ea quæ de illis
 nō iam diuina litera, sed vel Egesippi, vel Ire-
 næi, vel Eusebij, vel etiam Hieronymi aut a-
 liorum eiusdem generis scripta confirmant, con-
 temnenda putant, aut nullius esse auctoritatis
 censent oportere, aut eodem in numero & loco
 habenda illa iudicant, quæ de illis vniuersa
 Ecclesia multis iam seculis comprobauit: nō vi-
 deo quid verum in historia quæ veritatis ma-
 gistra est, aut sequi ipsi possint, aut aliis appro-
 bandum pro vero tradere. Si enim; exempli cau-
 sa, Aemylj Probi, si Suetonij, Plutarchi, a-
 liorumque scriptorum historias veras esse, ob
 eamque causam retinendas approbandasque in-
 dicant, horum autem falsas, & ideirco respuen-
 das: primum maximam iniuriam cum illis ta-
 libus viris tum Ecclesiæ facere videntur, qui ho-
 rum scripta & Ecclesiæ iudicia minus habere
 virium ad faciendam fidem, quam illorum cen-
 seant oportere. Deinde cū nihil afferre possint,

cur illis potius quam his fides habenda sit, & nos contra graues causas asserere possimus, quare his potius credi oporteat, isto quidem praeiudicio suo planè declarant, & quantum ipsorum iudiciis tribuendum sit, & quid de eis omnes boni existimare possint. In eodem mihi errore versari videntur ij, qui quales fuerint apostoli ceterique quos sanctissima beatesimaq; vitae opinione clarissimos in caelum hinc euolasse credit Ecclesia, scire non curant tenere verò quos se in vita praestiterint ac gesserint omnes ij, qui vel omnino à religionis nostra abhorruerunt, aut eam quidem coluerunt, sed ei turpitudine vitae quantum in ipsis fuit, tenebras offuderunt, sibi laudi esse ducunt. Videndum est enim, quantum cuique scriptori tribuendum sit & fidei & temporis, ut in eo & locus retineatur, & modus necessarius adhibeatur. Quorum omnium si ratio habeatur, sicuti certè imprimis habenda est, non est id quidem dubium, quin quoniam historia & ad veritatem & ad maiores dirigi debet, horum duodecim virorum sanctissimorum & ceterorum quorum litera diuinae mentionem faciant, vitae primum locum tenere debeat, proximum, ceterorum quos Ecclesia veneratur, tertium, eorum qui à nostro viuendi instituto non abhorruerunt, nec ab Ecclesia coluntur, postremum, eorum qui ab eodem abhorruerunt. Quae enim (malum) ratio

est id quod plerisque in more positum est, primas in hoc genere iis tribuere, quorum res gesta traduntur, nec tam vera sint, si modò sunt, quàm cum superiorum omnium tum vel maxime primorum, nec tantam lucem tamque certam ad vitam & mores afferre possint? Nec vero si quis splendida orationis rationem ita habendum esse censeat, ut hunc tam necessarium tamque utilem ordinem perverti continuo putet oportere, audiendus est. Isto enim pacto fabula, id est rerum falsarum fictarumque narratio historiae, verique cognitio falsi perceptioni anteponetur. Sed de his haecenus. Nunc cur & eum ordinem quem in exponendis eorum vitis servari tenuerim, & ad te potissimum, Iuli Pontifex Maxime hunc libellum miserim, dicendum est. Ego cum hos duodecim viros à Matthæo, Marco, & Luca non eodem ordine nominari animadverterem, nec alium ordinem addendum putarem, eum potissimum secutus sum quem Lucas in euangelio suo tenuit, nisi quòd Paulum commodè inter Petrum & Andream interici posse iudicavi, cum eos ab Ecclesia coniungi cernerem, & Mathiam postremum tenere locum, quòd Iuda proditori ceteris prater Paulum iam delictis successerit. Tibi autem potissimum Iuli Pontifex Maxime, horum talium virorum id est Christi Apostolorum vitas dicandas censui, quòd

sui, quòd sedes Romana, cui hoc anno providen-
tia diuina præesse cœpisti, semper iam ab ini-
tio Apostolica appellata sit, nō ob aliam cau-
sam, nisi quòd Petrus princeps Apostolorum
primus eam vniuersamque Ecclesiam rexit.
Eum equidem maiestate tua indignum esse
scio, sed cum multos scribere de rebus diuinis cœ-
pisssem, atque hic vnus absolutus esset, cum ad
te hoc tempore dum alij absoluentur, mittere
malui, quàm gratulationis officio deesse, quod
omnes boni certatim & votis, & oratione se-
querentur. Neque enim mihi committendum
putaui, vt cum illi eam voluptatem quam in-
credibilem ex ista maxima dignitate tua ani-
mis suis perciperent, declararent, vellētque te
hunc summum honorem ex tua tuorumque, id
est Christi ouium dignitate administrare, ego
vnius in tāta omnium laticia facerem, nec ora-
tione, scriptoque testificarer commune omnium
nostrum gaudium ex eo natum esse, quòd te di-
uinitus delectum esse speremus, vt quemadmo-
dum iam cœpisti, Ecclesiam quàm perniciosiss
quibusdam opinionum quasi tempestatibus flu-
ctibusque iamdiu agitatam & perturbatam,
tuendam conseruandamque accepisti, pro sum-
ma sapientia & doctrina tua quam cum par i
auctoritate Deus coniunxerit, ad eum tran-
quillitatis pacisque portum, quem tantopere o-
mnes quasi ex longa navigatione aspirantes te-

nere cupiant, perducas Faxit Deus optimus
 Maximus, ut potestas & voluntas quas tibi
 dedi, eos exitus habeant, qui & illi maxima
 gloria sint, & Ecclesia utilitati, & tibi di-
 gnitati. Vale Beatissime pater. Cormæriaci
 quod est oppidum Turonum in Gallia Deci-
 mo Cal. Decemb. I 550.



i Ch
 de a
 pref
 frill
 dem
 lap
 cata
 com
 mu
 que
 &
 ex
 uis
 fili
 ap

7
174

VITA BEATI PE- TRI APOSTOLI,

Ioachimo Perionio Benedicti-

ctino Cormariace-

no auctore.



SIMON is qui Petrus à Christo, vt mox docebi-
mus, appellatus est, frater
Andree Apostoli, Ioanne;
siue Iona patre natus est in
oppido Galilæe prouinciæ,
quod Bethsaïda dicitur. Is
à Christo primum discipulus delectus est, dein-
de apostolus, postremò ceteris totique Ecclesiæ
præfectus est. Quod quemadmodum factum sit,
sigillatim exponendum censui. Andreas qui-
dem eius frater, cum Ioannem, qui Christum Ioan. I.
baptizauit dicentē audiret, Iesum esse qui pec-
cata tolleret, eum secutus, apud illum eo ipso die
cōmoratus est. Postridie Simonem fratrem pri-
mum inuenit, ei que se Christum, id est eum
quem lex & propheta venturum prædixissent,
& inuenisse & vidisse dixit. Simon qui hoc
experiri vellet, ad Iesum se adducendum cura-
uit, quem vt ille vidit, eum esse Simonem Ionæ
filium dixit, ei que nomen Petri imposuit quo
appellandus esset. Petrus Iesum his gestis sequi

non cœpit sed tum denique, cùm ad mare Galilee cum se vocantem audiuit. Cùm enim dæ
Matth. 4. naues ad lacum Genesarenum starent, earum-
Mar. 1. que vnā quæ Simonis erat, Christus conscen-
disset, eum, vt à terra paulū subduceret, roga-
uit. Christus sedens ex nauicula multitudinem
docebat: qui vt dicendi finē fecit, Simonem ad-
monuit, vt rete laxaret, ac in mare dmitteret.
Simon se ac socios tota nocte in piscatione ope-
ram perdidisse dixit, se tamē dicto eius audien-
tem, rete laxaturum. Quod cùm fecisset, piscium
multitudinem cæperunt tantam, vt rete rum-
peretur, cogereturque ipse & socij eiusdem na-
uis alios qui in altera nauis erant, rogare, vt ve-
nirēt, & se adiuarēt. Illi cùm venissent, vni-
uersi vtrāque nauem implenerūt, quo quidem
pondere penē naues submersæ sunt. Simon autē
Petrus qui hoc Christi factum secum animo
penitus vt inusitatum, reputaret, & miraretur,
se ad illius pedes infirmitatis conscius misit
eūque rogauit vt à se qui peccator esset disce-
deret. Christus Petrū vt bono animo esset ad-
monuit, ei que fore dixit, vt homines caperet, id
est retibus orationis eos ad ipsius fidem deduce-
ret. Hinc Petrus ac socij eius relictis omnibus,
Christum ita secuti sunt, vt nunquam postea
ab eo discesserint. Itaque cùm non ita multo
post, multi eius discipuli, propter eum sermonem
quem ab illo de edendo corpore, & potando san
guine

guine suo habitum præpoſterè acceperant, diſce-
 derent, rogarètque Chriſtus duodecim apoſto-
 los, num ipſi etiam abire vellent, Simon Petrus Ioan. 6.
 vnus pro omnibus reſpondit, Domine ad quem
 nos conferemus? Verba enim eum vitæ æternæ
 habere. Se etiam ac diſcipulos credere, ac co-
 gnoiſſe iam eum eſſe Chriſtum Dei vni filiū.
 Erant iam tum ex communi diſcipulorum nu-
 mero duodecim delecti, quos apoſtolorum appel-
 lauit nomine. Quod cum Matthæus, Marcus
 & Lucas exponunt, Petrum primo loco nomi-
 nant: Matthæus verò præterea primum eum Matt. 10.
 vocat. Duodecim autem, inquit, apoſtolorum
 nomina ſunt hæc, primus, Simon qui dicitur
 Petrus, & Andreas frater eius, Philippus
 & Bartholomæus, Iacobus Zebedæi, & Ioā-
 nes frater eius, Thomas & Matthæus publi-
 canus, & Iacobus Alphæi, & Thaddæus, Si-
 mon Chananæus, & Iudas Iſcariotes qui &
 tradidit eum. Sed ad alia veniamus. Chriſtus
 cum quinque milia hominū quinque panibus
 ac piſcibus duobus ita ſatiſſet, vt reliquiæ etiā
 permultæ ſuper'eſſent, apoſtolos conſcendere na-
 uem, & trāſmittere, dum multitudinem dimit- Ioan. 6.
 teret, iuſſit, ipſe dimiſſa turba, ſolus in montem Matt. 14.
 oratum aſcendit, ibique veſper etiam orat. Na- Marci. 6.
 uicula autem in qua erant apoſtoli, in medio
 mari ita fluctibus iactabatur, vt penè ſe eua-
 dere poſſe iam diſſiderent: cum Chriſtus re co-

gnita, quarta noctis vigilia ad eos venit ita pedibus, ut si terra eundum fuisset. Quem cum ita ambulanti discipuli animaduertissent, metu perculsi, clamare, ac visionem esse dicere. Ipse statim ut bono animo essent hortatus est, se esse, ne timerent. Petrus rogare eum, ut si ipse esset, se ad ipsum venire iuberet. Cumque Petrus illius iussu de nauicula descendens, pedibus ingredi cœpisset, exorta vi magna ventorum timuit, iamque submergi incipiebat, cum Christum ut se seruaret, rogauit. Christus autem porrecta manu comprehensum & creptum obiurgauit, quod de ipsius auxilio & ope diffusus esset. Christus in agrum Cesarien-

Matt. 16. sem nec ita multo post cum discipulis venit. In

Marc. 8, ipso itinere cum ab eis quaesuisset, quenam es-

Luc. 9. set hominum de ipso opinio: illique ita respon-

dissent, ut diceret eum alius Ioannem Baptistam, alius Eliam, nonnullus Hieremiam, aliquibus

unum aliquem ex prophetis videri, eos rursus ro-

gauit quemnam illi ipsum esse dicerent. Tum

Petrus vnus pro omnibus respondit, eum esse

Christum Dei viui filium. Quo ille respo-
Mat. 16. 17. so sa-

tis declarauit, quantum ei tribueret, quamq; ve-

re de illo ipse sentiret. Itaque Christus ipse bea-

tum eum esse dixit, quod ei non caro & sanguis,

sed pater ipsius qui in caelo esset, talem de eo opi-

nionem patefecisset atque enunciasset. Eumque

Petrum esse professus, supra, & in ea petra eccle-

siam

suam suam edificaturum se esse promisit, quam
 portæ inferorum nulla vi labefactare possent
 aut euertere. Claves praterèa ei se traditurum
 cælorum, id est, eiusmodi duplicem potestatem,
 ut quicquid alligauisset in terra, id ipse ratum
 in cælo habiturus esset. Eodem ferè tempore a- *Ibidem.*
 moris summi illius quidem, sed parum conside-
 rati signa magistro discipulus ostendit. Nam
 cum idem discipulis, sibi propediem Hieroso-
 lymam eundem esse exponeret, ibique fore, ut à
 pontificibus primisq; ciuitatis irrideretur, cõspu-
 taretur, verberaretur, interficeretur, ac tertio die
 ab inferis excitaretur: Petrus qui hac eius ma-
 iestate ac virtute indigna existimaret, nõ diui-
 nam prouidentiam charitatẽq; illius in genus
 hominum consideraret, eum obiurgauit his ver-
 bis, Deus ista prohibeat, hac tibi minimè acci-
 dẽt. Hoc Christus ita acerbè tulit, ut eũ aduer-
 sariũ vocauerit, eiq; ut se sequeretur imperaue-
 rit, quòd non ea quæ Dei essent, verum ea quæ
 hominũ spectaret. Sexto post die illũ Christus
 vnà cū Iacobo & Ioanne eius fratre in montẽ
 quendã remotis arbitrus duxit, vbi cū ita illius *Matt. 17.*
 & vultus immutatus esset, & vestis, ut ille so- *Marc. 9.*
 lis lunẽ imitaretur, hac niuis cãdorem: eodem- *Luc. 9.*
 q; puncto temporis Moses & Elias visi essent
 cū eo loquẽtes de morte quã Hierosolymis per-
 pessus esset, tũ Petrus loci amœnitate, Christi-
 q; incũdisimo illo gratissimòq; aspectu captus

Ibidem.

& delinitus, Domine, inquit, gratus est hic &
 cōmodus nobis ad habitandum locus. Itaque si
 tibi videtur, tria hic tabernacula, tibi, Moysi,
 Eliaq; faciamus. Nihil ad hæc ille respondit,
 tantumque visi sunt illi vocem exaudire mo-
 nentis ut Christum filium suum charissimum
 audirent. Quod cum audirent, præ metu proni
 in terram ceciderunt: ad quos Iesus accedens, eis,
 ut surgerent nec timerent, imperavit. Illi sur-
 gentes cum oculos sustulissent, præter Iesum vi-
 derunt neminem. Capharnaum Galilææ oppi-
 dum Christus docendi causa tum forte venerat,
 cum nonnulli quorum hoc munus erat, ibi tri-
 butum exigebant. Ii ad Simonem Petrum ad-
 euntes, eum rogarunt num Christus eius ma-
 gister tributum pendisset. Cumque ille annui-
 set, domum in qua Christus erat ingressus est.
 Christus eum occupans quæsiuit, à filiisne suis
 reges tributum exigeret, an ab alienis. Cum ille
 ab alienis respondisset, tum Christus conclusit,
 liberos esse filios, sed ne ipsi illis causam sermo-
 nis de se afferret, eum ad mare iussit ire, & ha-
 mum iacere, cumque piscem quem primum cœ-
 pisset auferre, eiusque ore aperto numum quem
 inuenturus esset, pendere. Idem cum Christum
 audisset siue docentem, siue admonentem, siue
 etiam præcipientem, ut si quis nostræ religionis
 ac disciplinæ alteri peccasset, is primum clam
 remotisq; arbitriis, ab illo obiurgaretur: si ipsum

daret, duos testes adhiberet: si ne tum qui-
 em in viam rediret, idem apud ecclesiam ab
 ipso accusaretur: cui si minimè ille obtempera-
 ret, iam pro alieno à nostra disciplina habere-
 tur: quoniā quoties peccanti nobis veniam dare
 nos oporteret, ex Christi oratione non planè in-
 tellexerat: eum rogavit, quoties peccanti fratri
 ignoscere deberet, & an si septies peccasset, in eo
 modum statuendum esse censeret. Christus au-
 tem non in septima quoque peccato modum se
 statuere responderet, sed in septimo & septuage-
 simo, Quo ille respōso facile declaravit quoties-
 cunque Christianus aliquis contra nos quippiā
 aut dixerit, aut scripserit, aut fecerit toties nos
 si ex animo ut sibi ignoscamus, roget, veniam
 dare oportere. Adolescens quidam admodum *Matt 19.*
 locuples ad Iesum adiens eum, ut viam salu- *Mar. 10.*
 tis sibi ostēderet, rogauerat, Christus legis Mo- *Luc. 18.*
 saica præcepta quæ roganti ille commemorasset,
 eiusmodi esse respondit, ut iis si pareret, vitam
 & gloriam consequeretur sempiternam. Qui-
 bus cum se ille iam inde à puero obtemperasse
 dixisset: Christus quiddam illi deesse addidit,
 quod si faceret, fore dixit ut perfectō absolutūq;
 virtutis munere fungeretur. Hoc autem in eo
 positum esse, ut omnia quæ haberet, rēderet da-
 rēque egentibus, veniēsq; ipsum sequeretur.
 Ille qui multa, ut dixi, habebat, cum de bono-
 rum cōtemptione ac despicientia verba Christi

facere audisset, tristis abiit. Christus autem hoc comperisset, discipulorum animos à diuitiarum & opum studio hoc modo abduxit, difficile esse eos qui essent locupletes, in cælum peruenire: quin etiam facilius esse camelum per foramen acus trāsire, quàm eum in cælum conuolare, cuius spes omnis in opibus acquiesceret: Quod cum illi intellexissent, mirari & querere cœperunt, quisnam gloriam sempiternam consequi posset. Ille & hoc in hominibus situm esse negauit, & nihil esse dixit quod Dei potestatem potētiamque effugeret. Petrus verò qui Christum de cōtemnendis deferendisque omnibus ita differuisse meminisset, ut ei etiam qui hoc fecisset, si gloriam consequi sempiternam vellet, necesse esset ipsum sequi, rogare eum cœpit, quòdnam præmiū ipse ac discipuli, qui eum contemptis relictisque omnibus secuti essent, ab eo expectare deberent. Tum Christus iureiurando confirmauit, ipsos illos qui eum secuti essent, in mundi renouatione cum cœpisset iudicare, in sellis duodecim sedentes, duodecim tribus Israëlitiçi populi iudicatueros: omnes verò qui vel domum, vel fratres, vel sorores, aut patrem, aut matrem, aut uxorem, aut liberos, aut agros ipsius nomine causaque reliquissent, vitam sempiternam esse consecuturos. Idem in conuiuiō illo ad quod extremum duodecim apostolos pridie quàm in crucem ageretur, adhibuit, quantum

Iesu tribueret, & de se detraheret declarauit, quātōque studio ad gloriam aspiraret sempiternam. Cum enim Iesus abluere eū omnibus pedes ac detergere constituisset, primum à Petro initium cœpit. Quod ille primum cum & magistri dignitatē, & suam infirmitatem, & vt ita dicam, indignitatem cōsideraret, pati noluit: deinde cum illum dicentem audisset, si eum non ablueret, nihil ipsi cum eo commercij, nihil commune futurum, tanta animi alacritate concessit, vt non solum pedes, verum etiam manus & caput quo minus ab eo abluerentur, minime recusaret. Eadē in cœna paulo pōst, idem Christum tristem perturbatūque animo animaduertērat, eodēque affectum animo ipsi ac cōdiscipulis prœdicentem audiuerat, fore, vt vnus eorum ipsum proderet. Qua illius oratione cū vehementer omnes, vt æquum erat, commoti essent, ipse Ioannem silentio admonuit, vt ex Christo quisnam hoc tantum tamque immane scelus admissurus esset, cognosceret. Ille in Iesu sinum capite deposito, intellexit ad eum hoc crimen pertinere, cui frustum intinctum Iesus porrecturus esset. Quanta in magistrum fide esset, ibidem ostendit. Nam cū ille omnibus prœdixisset fore, vt ipsi ea ipsa nocte se deserto discederent, ipse multis verbis, iterū ac terciū pollicitus ei est, vt ceteri illū defererent, se tamen cum illo pariter antè moriturum, quā tanto scelere

se contaminaret. Quod quidem aliqua ex pa-
 rum præstitit, cum paulò post, in eo hortu qui
 quod oliuæ cõsitus erat Oliueti dictus est, mul-
 tudo omnis generis armatorum qui eum com-
 prehensuri erant, à defendendo magistro non
 Mat. 26. deterruit, districtoque gladio Malcho qui vim
 Marc. 14. primus inferebat, aurem pracidit. Itaque solus
 cum Ioanne postea ex apostolis Iesum cum eum
 vinctum armata cohors ad pontifices & pha-
 riseos hostes ducebat, vsque ad Annæ aedem
 secutus est. Sed iam tẽpus illud venerat, in quo
 Christus ei amicitie officia nulla, morte etiam
 proposita se prætermisurum pollicenti prædixe-
 rat fore, vt antequàm gallus ea ipsa nocte ca-
 neret, ter se ipsius esse discipulum negaret. Ita-
 que amor ille quem tam eximium & singula-
 rem præ se ferebat, puncto temporis ac repente
 ita refrixit, & immutatus est ei animus, vt qui
 tot, vt dixi, armatorũ metu deterritus non fuisset
 paulò antè à defendendo magistro, tum mul-
 liercule voce & interrogatione impulsus se il-
 lius esse discipulum negauerit. Quod quia metu
 coactus fecit, non est à magistro quem ipse ne-
 gauerat, desertus discipulus, fecit enim vt statim
 in viam rediret, vt colligeret, culpamque & cõ-
 fessione tacita agnosceret, & lachrymis dilue-
 ret: quemadmodum paulò antè ei prædixerat,
 cum se rogassẽ patrem exposuit, ne illius fidem
 deficere tollique pateretur. Itaque hac illius pœ-
 nitentia

nitentia tam grata Iesu fuit, ut tertio inde die cum ab inferis excitatus esset, & nominatim uni Petro se reuixisse nunciari voluerit, & se ipse illi cum solus esset eodem die ostēderit. His ita expositis, ad maiora nūc letioraque veniamus. Ex eis enim id quod adhuc dixi, intelligi licebit. Eo ipso quo Iesus renixerat die cum mulieres quadā, in his Maria Magdalena, se ad sepulcrum Christi prima luce officij causa contulissent, neminēque ridissent, sed modò sepulcrum vacuum, Magdalena statim ad apostolos veniens, eis nunciauit sepulcrum inane esse, dominūque sublatum. Petrus hoc nuncio valdē conturbatus, vnā cum Ioanne cursu eò contendit. Cūque illi ita esse animaduertissent, domum se receperunt. In quo quidem officio quoniam illi duo soli fuerunt, facilē intelligi potest, in eis magistri amorem maiores vires habuisse, altiūque radices egisse quā in ceteris. Quod autem sequitur, eiusmodi est, ut ex eo vno illum magistro discipulum omnium charissimū fuisse appareat. Fortē Iacobo ac Ioanni eius fratri, & Thoma, aliisque nonnullis cōdiscipulis se ad mare Tiberiadis piscatum ire dixerat, quibus etiam visum est eò vnā proficisci. Conscensa naue cū totam noctem frustra in piscatione consumpsissent, mane Iesus in litore cōstitit eo quidem habitu, ut eum minimē agnoscerent. Querit ille nunquid cœpissent, quod cū negarēt, eu-

dixit, si rete ad dextrum nauigij latus iacerent,
 fore, vt inuenirent. Paruerūt illi pisciūmq; mul-
 titudinem cœperunt tantam, vt rete iam trahere
 non possent. Ioannes animaduerso miraculo,
 Petro Iesum esse dixit. Petrus in mare se deiecit,
 alij nauigio terram tenuerunt, trahentes rete
 plenū piscium. Cū descendissent, piscem qui
 subditis ignibus coquebatur, & panem vident.
 Iubet eos Christus pisces afferre quos cœpisset,
 cōscensq; naue Petrus rete traxit, in quo cū
 centum quinquaginta tres essent, integrum ta-
 men remansit. Ad prandium cū discipulos
 Christus vocasset omnes ab eo panem piscem-
 que acceperunt. A prandio Petrum ille rogat,
 an se chariorem, quā alij qui aderant, habe-
 ret, idque fecit iterum ac tertio, cū & Petrus
 singillatim ad rogata etiā responderet, & Chri-
 stus toties ei se oues suas id est ecclesiam suam
 cōmittere diceret. Hoc praterea Christus ad-
 didit, eum cū adolescens esset, proficisci quō
 vellet solitum, fore cū prouecta ætate fuisset,
 vt porrectis manibus eum alius cingeret & du-
 ceret, quō minimè vellet. Qua ille sua oratione
 significauit, quo mortis genere gloriam Deo tri-
 buturus esset. Idem cū in cælum Christus
 ascendisset, ante missum spiritum, iam tum non
 solum scriptura sanctæ mysteria intelligebat,
 verum etiam eorū veritatem re & euentu doce-
 bat. Cum enim duodecim apostolos à Christo
 delectos

delectos recordaretur, eum numerum Iudæ pro-
 ditione ac morte & imminutū, & restituendum
 esse ex Davidis psalmis intellexit. Itaque cum
 surrexisset, hoc condiscipulos docuit, his verbis.
 Scripturā impleri oportere, quam spiritus san-
 ctus ore David de Iudæ proditoro magistri,
 prædixisset. scriptū enim esse in libro Psalmo-
 rum, Fiat domicilium eorū desertum, nec sit qui
 in eo habitet: & episcopatū eius alter accipiat.
 Itaque diligendum esse ac sufficiens in eius
 locum vnum ex iis, qui semper Christum vnā
 cum ipsis secuti essent ex eo iam tempore, cum à
 Ioāne ablutus & baptizatus est, ad eum diem
 quo in cælum ascendisset. Hac Petri oratione
 ceteri apostoli adducti, duos vnā cum eo pro-
 posuerunt, Iosephum qui Barsabas dictus est,
 & Mathiam, oraueruntque Deum, vt osten-
 deret virum eorum vellet in Iudæ demortui lo-
 cum succedere. Cūq; eis sortes dedissent, Mat-
 thia sorte magistratus & apostolatus obtigit.
 Paucis post diebus, quinquagesimus dies, quem
 pentecosten Græco nomine appellamus, venit.
 Eo die cū spiritum sanctum Christus discipu-
 lus misisset, quo completi variis linguis Deum
 laudarent, eius rei fama innumerabiles qui ex
 omnibus nationibus Hierosolyma tum erant,
 ad rem cognoscendam excitauit. Cūque in
 eum locum vbi erant discipuli, conuenissent,
 nemoque esset qui non illos eo sermone rti,

Act. 2.

eaq; lingua loqui perciperet, quæ regionis cuius
 erat, ppria esset, partim stupor eos inuasit, par-
 tim admiratio. Sed tamen nonnulli iridentes
 eos vino onustos esse dixerunt. Itaque Petrus
 vnus hanc illorum audaciam & calumniandi
 libidinē hac oratione reprehendit, falso eos exi-
 stimare nostros esse ebrios, cum tertia etiam tū
 diei hora esset, esse autem hoc ipsum, quod Deus
 Ioēls propheta voce prædixerat, fore, vt ipse
 extremis diebus in omnes hominēs spiritū suū
 diffunderet, prophetarētque ac prædicerent res
 futuras liberi Hierosolymitanorum: conuersa-
 que oratione ad Hierosolymitanos, eis Iesum
 dixit virū inter eos signis virtutib;que à Deo
 probatum, quem ipsi interemissent, ab eodem ab
 inferis excitatum esse, quòd eo in loco retineri co-
 hiberique minimè potuisset. Id enim Dauidem
 his verbis prædixisse, Insuper & caro mea in
 spe acquiescet, Quoniam nō relinques animam
 meam in inferis, nec sanctum tuum corruptioni
 obnoxium facies. Dauidem enim non ipsum de
 se hac dixisse, cum & mortuus esset, & sepul-
 crum illius vsque ad eum diem ibi viseretur, sed
 cum propheta esset, Deum ei iurasse quendam,
 qui ex illius semine nasceretur, in folio illius ses-
 surum esse, hinc eum hac de Christi, vt hoc ver-
 bo utar, resurrectione multò antè prædixisse.
 Eum Iesum à Deo excitatū esse, cuius rei ipsi
 omnes eius discipuli testes essent. Itaque eum
 qui su-

qui sublatus esset in cælum, promissione patris
 donum illud effudisse, quod ipsi cerneret & au-
 dirent. Eum autē in cælum ascendisse Davidē
 docere, his verbis: Dixit dominus domino meo,
 sede à dextris meis, donec ponam inimicos tuos
 scabellum pedum tuorum: cum David ipse in cæ-
 lum minimè ascēderit. Quapropter hoc sibi per-
 suaderent, Iesum eum, quē cruci suffixissent, &
 dominum à Deo & Christū esse factum. Hac
 cum Petrū perorantem audissent, subiit eos pæ-
 nitentia, eūque ac ceteros apostolos rogarūt,
 quidnam facere eos oporteret: tum Petrus eos
 hortatus est, ut & eos veteris vitæ pæniteret,
 & unusquisque eorum Iesu Christi nomine
 aqua saluari expiaretur. sic enim fore, ut donū
 spiritus sancti acciperent. ad eos enim eorūque
 liberos, & ad omnes qui procul abessent, quos
 quidem dominus vocauisset, hanc promissionem
 pertinere. Aliis etiam verbis plurimis eos hor-
 tatus est, ut se ab eo hominum genere qui Chri-
 stum in crucem egissent, abducerent, atque secer-
 nerent. Valuit apud tria milia hominum hac
 Petri oratio, omnesq; aqua saluari abluti ex-
 piatique sunt. Multo etiam plures, nec ita mul-
 to post, ad nostram fidem religionēque deduxit.
 Is enim unā cum Ioanne in templam oran-
 di causa ad horam nonam veniebat, cum clau-
 dus & paralyticus quidam, quem morbus is ex
 utero matris inuaserat, portaretur: ut quemad-

Ibidem.

modum quotidie solitus erat, ante ianuam templi quæ Speciosa dicebatur, positus, aliquid ab iis qui introirent in templum acciperet. Is, ergo, cum Petrū & Ioannē introeuntes animaduertisset, eos ut sibi aliquid largirentur rogare cepit. Quem cum illi intueretur, Petrusq; eum in ipsos oculos conijcere iussisset, ille paruit, quod se ab eis pecuniam accepturum esse speraret. Sed cum Petrus sibi argentū esse negasset, hoc se illi dare quod haberet, dixit, imperauitque ut Iesu Christi Nazareni nomine se in pedes erigeret, atque ambularet. Se erigit ille statim, & in templum rectè ingrediens, Deo gratias agit, quod tanta admirationi fuit omnibus, ut maximus cōcursus factus sit populi in porticum Salomonis ad Petrum & Ioannem, cum ille eos teneret. Quam multitudinem ut vidit Petrus, nihil esse dixit quod mirarentur, aut in se & Ioannem oculos conijcerent, quasi vi sua atque auctoritate fecissent, ut ille incederet. Iesum enim esse quem & illi deditū Pilati libidini, dimisso liberatōq; scelesto homine, interfecissent, & Deus ab inferis excitauisset, cuius fide & nomine is quem cernerent ac noscent, sanus esset & incederet. Scire se hoc ab illis imprudentia esse factum, quemadmodum etiam ab eorum magistratibus: quod autem omnium prophetarum sermone pradictum esset Christū esse perpesurum, ita absolutum esse à Deo. Quare eos
facti pæ-

facti pœniteret, ipsiq; in viam redirēt, vt eorum peccata eluerentur. Multaque alia in eandem sententiam ipse & Ioannes dicebat, cum sacerdotes & magistratus templi atque Saducaei interuenerunt, qui iniectis manibus comprehensos eos in custodiam in crastinum tradiderunt, quod molestè ferrent, doceri ab eis populum, & Iesu exemplo & nomine induci mortuorum resurrectionem. Quinque autem milia hominum qui hæc audierant, eis crediderunt. Postero die dum Annas & Caiphas aliiq; sacerdotes & scriba conuenissent, eos produci iubēt, ab eisque requirūt, cuius hoc nomine fecissent. Petrus spiritus sancti plenus, hoc scire omnes qui adestent oportere dicit, si ab ipsis queratur in iudicio, cuius nomine curatus esset is de quo ageretur, curatū eum esse Iesu Christi Nazareni nomine, quē cum cruci suffixissent, Deus à mortuis excitasset. Hunc esse lapidem, qui cū ab eis edificantibus improbatu esset, ad anguli caput sit accommodatus, neq; in alio spem salutis esse collocandam. Neque enim nomen aliud esse in terra datū hominibus, quo omnibus salutē dari oporteat. Illi cū Petri & Ioannis, quos idiotas & ignaros esse scirent, constantiā tantā cernerent, & virtus eorum magnam eis admirationē attulit & oratio. Cūq; hominē qui curatus fuerat, stantem cum eis viderent, nihil habebant quod contrā dicerent, Secedere tamen eos extra

concilium paulisper iusserunt, ut inter se quid faciundum esset constituerent. Rem esse ita claram & illustrem dicunt, ut eam ipsi iam negare non possent. Itaque hoc tantum placere, ne deinceps loquerentur aut docerent Iesu nomine.

Quod cum eis imperarent, illi responderunt: Si æquū esset diuino iudicio, eos potius quam Deū audire, ipsi viderent, Se autem non posse de iis quæ vidissent & audiissent non loqui. Eos tū cum minis dimiserunt, cum nullam satis iustam causam animadversionis inuenirent. Discipulo-

Act. 4. rum omnium eiusmodi erat vta institutum, ut nec quisquam eorū quicquam haberet ut suum; & si qui eis se adiungerent, omnia quæ possiderent venderent, preciumque ante apostolos ponerent. Vir autem quidam Ananias nomine

Ibidem. 5. cum Sapphira vxore sua, cum agrum vēdidisset, multūque de precio detraxisset vxore conscia, partem quādam afferens ad pedes apostolorum posuit. Quod cum Petrus Spiritus sancti permotione cognouisset, ab Anania quæsiuit, cur à Satana impulsus, spiritui sancto mentitus esset, fraudassetque de agri precio, cum præsertim maneret ei, venditaque possessio in illius esset potestate. Neque enim eum mentitum esse hominibus, sed Deo. Hac cum Ananias audiret, cecidit, & spiritum edidit. Quæ res omnium animos vehemēti metu perculit. Vix autem triū horarum spatium intercesserat, cum Sapphira

Sapphira eius vxor huius rei ignara, introiuit. Eam Petrus rogauit, an tanti agrum vēdidissent, quæ cum annuisset, reprehensaque esset ab illo, iisdē verbis quibus vir eius statim id quod ei Petrus prædixerat, cecidit mortua. Quanta *Ibidem. 8.*
autem vis in eo curandorum morborum fuerit, quantaque omnium de eo in hoc genere opinio, hinc intelligi licet, quod cum omnes egros & debiles in viis quibus iter facturum eum sperarent, posuissent, non expectabant, dum eos ipse tangeret, sed vim in eius umbra tantam inesse putabant, ut se ac suos liberatum iri considerēt, si ea ad ipsos perueniret. Quæ eos spes minimè fefellit. Omnes enim qui tum è finitimis oppidis Hierosolymā venerunt aut delati sunt, Petrus sanitati pristina restituit. Aeneam etiam quendam, qui annis octo iacuerat in grabbato paralyticus, Lydda curauit, quod cum Lyddenses & Saronenses comperissent, ad Christianā religionē deducti sunt. Quinetiam mortuos excitauit in iis Tabitham quæ Dorcas dicitur. Hæc Ioppe habitabat, mulier cum virtutibus *Ibidem.*
omnibus, tum liberalitate in egentes prædita. Cum autem ex morbo interiisset, discipuli qui Ioppæ erant, missi duobus Lyddam, quoniam haud procul inde aberat, Petrum rogant, ut ad se venire ne grauaretur. Venit ille. circumstant eum omnes viduæ flentes, eique restes ostenderunt, quas ipsis Dorcas faceret. Eiectis foras

omnibus, ipse orat, cōuersusque ad cadauer, *Ta-*
bitha, inquit, surge : illa continuò oculos aperit
 quam sua manu erecta, sanctis ac viduis viuā
 reddidit. Cuius miraculi fama cum totā urbē
 Act. 8. peruasisset, multi crediderunt. Sed eò vnde di-
 gressus sum, reuertor. Simon quidā erat in quo-
 dam oppido Samaritanorū, magicis artibus &
 rationibus eruditus. Is cum longo tempore ante
 aduentum Philippi, qui fuit ex septem diaconis
 vnus, Samaritanos suis illis artibus prestigiisq;
 ita captaſſet ſemper, vt illum vim magnā eſſe
 Dei dicerent : tamen Philippo multa de regno
 Dei ibi diſſerenti cum multi aſſentirentur, ipſe
 etiam aſſenſus eſt, aquāque ſalutari expiatus,
 cum ſequebatur. Apoſtoli autē qui erāt Hie-
 roſolyma, cum Samariam diſciplinam noſtram
 approbaſſe audiſſent, eò Petrum Ioannēmque
 miſerunt, vt Samaritani oratione eorum, ma-
 nuūque impoſitione ſpiritum ſanctum accipe-
 rent. Simon quem Magum paulò antè fuiſſe
 diximus, cū ita ſpiritum ſanctū dari ab apo-
 ſtolis cerneret, contendit ab eis vt precio ad hāc
 vim & poteſtatē perueniret. Petrus qui ſcelus
 hominis perſpectum haberet, Pecunia, inquit,
 tua tibi ſit exitio, quòd Dei munus pecunia cō-
 ſtare, querique exiſtimasti. Itaque eum admo-
 nuuit, vt ipſum iſtius ſcleris pœniteret, Deūmq;
 ipſe rogaret, ſi fortè hoc animi tam peruerſum
 præpoſterūque iudiciū remitteret. Ille apo-
 ſtolos

Stolos orauit, vt dominum causa sua rogarent, ne quid eorum quæ dixissent, ei cōtingeret. Petrus Ioppæ apud Simonem quendam sutorem, Ibidem. 9. eo tempore, quo Thabitam mortuam excitauit, & .10. habitabat. Paucis interiectis diebus, quadam ei visio hora diei sexta cum esuriret, & cilium capere vellet, hec modo oblata est. Cælum apertum visus est videre, ex eoque linteum magnū quatuor initis & oris in terrā demitti, in quo essent omnia genera quadrupedum serpentium, & volucrum. Secuta est tum vox, siue admonentis, siue imperantis, vt ea occideret & comederet: cumque negasset ille se illa re vefci posse, quæ immunda sacræque esset, tum vocem audire visus est dicentis, quod Deus consecrasset & expiasset, id ne profanum diceret. Quod cum iterum ac tertio factum esset, ras illud speciem linteï præferens, in cælum receptum est. Petrus cum se collegisset, cogitare ac reputare secum cepit, quidnam visio illa portenderet. Interea & viri tres missi à Cornelio centurione cohortis Italicæ, ad ianuam Simonis sutoris perueniunt, qui euocatis nonnullis querunt, num Simon Petrus ibi habitaret: & spiritus eum admonuit, esse tres qui eum vellent, cum quibus proficisci ne dubitaret, quod eos ipse misisset. Itaque descendens, vltro eis se obtulit, dixitque eum esse se quem quærerent rogauitque quid venissent. Illi se à Cornelio Centurione viro probo, cuius da

virtute & liberalitate in egentes Iudæi omnes
 testarentur, missos esse dixerunt, quod ange-
 lus sanctus eum admonuisset, ut illum accer-
 sendum curaret. postero die vnà cum illis pro-
 sectus, sequenti Casaream peruenit. Cornelius
 conuocatus necessariis & amicis eos expecta-
 bat. Itaque ut eum appropinquare cognouit, ci-
 obuiam prodiit, misitq; se ad pedes eius ut illum
 adoraret. Quod ille facere, cum se etiam homi-
 nem esse diceret, prohibuit. Domum vnà cum
 eo loquens cum intrasset, ut multos qui con-
 uenissent vidit, eos certò scire dixit, nefas esse
 viro Iudæo societate coniungi cum alienis aut
 ad eos accedere. Sed quoniam Deus ipsi osten-
 disse, neminem hominem profanum aut im-
 mundum esse habendum, propterea accersitum
 se non grauati venisse. Hinc querere cæpit,
 quãobrem ab eis accersitus esset. Tũ Cornelius
 quatruiduo antè exposuit, cum solus domi sue ho-
 ra diei nona oraret, virũ quendam veste candi-
 da ornatũ ita visum esse qui & orationẽ ipsius
 & eleemosynas Deo acceptas gratasq; diceret,
 ac moneret, ut ipse Ioppa Simonem Petrũ ac-
 cerseret: itaque se gratias illi agere dixit, quod
 venisset, & simul se paratos ad audiendum id
 omne quod ei à domino præceptum esset. Petrus
 cum hæc audisset, sibi cõpertum esse dixit, nul-
 lius rationem à Deo potius quàm alterius, ha-
 beri, sed acceptos gratosque esse omnes apud
 omnes

omnes gētes, qui eum timeāt, iustēque vixerint. Verbum misissē dum filius Iscaēlitis quod pacem Iesu nomine nunciaret, eum esse dominum omnium. Eos scire verba habita esse ab illo per vniuersam Iudaeam, quibus à Ioannis baptismo intellectum sit, Iesum à spiritu sancto vinctum esse, eundēque omnes qui à diabolo oppressi essēt, p sua benignitate curasse, cum Deus in eo inesset, & cum eo versaretur. Se ac discipulos testēs esse eorum omnium, quae ipse in Iudaea Hierosolymaēq; fecisset. Eum cum Iudaei cruci suffixissent, tertio die à Deo ab inferis excitatum esse ostensumque non omni populo, sed ipsis qui à Deo prouisi essent, conuiuioque ab eo adhibiti vnā cum eo edissent atque bibissent, cum à mortuis excitatus esset. Eundem eis imperasse, vt populum docerent, ac dicerent pro testimonio, ipsum à Deo viuorum & mortuorum datum esse iudicem, Eum prophetas omnes ostendere, cuius nomine omnibus qui ei crederent, errantibus & peccantibus venia daretur. Nondum finem dicēdi fecerat, cum spiritus sanctus in eos descendit, qui eum audiebant. Quos cum linguis loquētes, & Deum laudantes cernerent, Iudaei Christiani qui cum Petro venerant, obstupuerunt, quòd munus spiritus sancti ad Gentes etiam pertineret. Tum Petrus eos Iesu Christi nomine baptizandos expiandōsque curauit. Hierosolymam cum

Ibidē. 12. Petrus paulo pōst adiisset, Iudæi qui nostram disciplinam comprobassent, eum grauitur obiurgarunt, quòd ad homines qui præputium haberent, diuertisset. Quibus cum rem omnem ordine narraſset, ita in eius sermone acquieuerunt, vt Deo gloriam tribuerent, quòd etiam Gentibus pœnitentiæ locum ad vitam dedisset. Iisdem ferè temporibus Herodes rex Iacobum Ioannis fratrem securi feriēdum curauit. Quod oim Iudæis probari ac placuisse cerneret, Petrum etiam comprehendi iussit, & in vincula conijci, iis ipsis diebus, quibus Iudæi panibus fermento confectis vesci non solent, vt eum post Pascha populo produceret, Ecclesia toto illo tēpore Petram precibus suis Deo commēdare nō desisteſſet. Nocte autem quam is dies sequebatur, quo eū Herodes producturus erat, Petrus inter duos milites vinctus catenis duabus dormiebat, & custodes ad ianuam carcerem custodiebant, cum Dei angelus præsto fuit, qui excitato Petro, vt surgeret, vestemque sibi sumeret, seque sequeretur, imperauit. Ille catenis repente è manibus elapsis, sic eum sequi cœpit, vt sibi visum oblatum existimaret. Nec verò ab ea erratione antè liberatus est, quàm præteritis primis & secundis vigilibus, portaque Ferrea quæ eis vltro aperta est; quæ eadem ad urbem ferebat, viaque vna confecta, ab eo angelus disceſſit. Tum demum cum se collegisset, certò scire se dixit;

se dixit, angelum à Deo missum esse, qui ipsum è manibus & potestate Herodis eripuisset, & Iudæorum expectatione. Domum cum venisset Mariæ matris Ioānis, qui Marcus dictus est, in qua multi orabant, pulsavit fores. Cùmque puella quædam Rhode nomine accurrens, quisnam pulsaret, rogaret, cognita Petri voce non aperuit, sed gestiens latitia omnibus nūciatum rediit, Petrus ad fores stare. Illi qui eum in carcerem coniectum custodiri etiam existimarent, primum insanire eam dixerūt, deinde cum illa ita esse affirmaret, eius angelum esse fatebantur, in eaque sententia permanserūt, quoad Petrus qui semper pulsabat, intronissus, rei veritatem comprobavit. Ipse manu indicto silentio, eis rem omnem ordine exposuit, eosque rogavit, ut ea ipsa Iacobo & condiscipulis nunciarent. Iudæi postea extiterunt, qui primum Antiochiæ, deinde etiam Hierosolyma docerent, qui *Ibidem. 9.* non circuncideretur, vitam sempiternam consequi posse neminē. Tum fortè Antiochiæ erant Paulus & Barnabas, qui cum contrà docerēt id non esse necessarium, res ad magnam contentionem seditionemque peruenit: itaque Christianis omnibus qui eam urbem incolebant, Paulum & Barnabam unus, quosdamque alios alterius factionis, mitti placuit de hac controversia Hierosolymam ad apostolos atque maiores natu. Quò ut venerūt, apostoli maioresque

natu conuenerunt vnum in locum, vt quid de
 hac re teneri oporteret, viderent. Cūque res di
 ligenter tractaretur, Petrus surgens, scire omnes
 qui aderant, dixit, prouidentia diuina iam pri
 dem factum esse, vt ex ipsius ore Gentes euan
 gely verba audirent, & crederēt, idque Deum
 ita approbasse, vt eis æquē ac ipsis qui Iudæi es
 sent, spiritū sanctum daret, nihilq; inter vtrōs
 que interessē ostenderet. Itaque nihil esse quod
 dent operam, vt Deus onus discipulis imponat,
 quod neque ipsi, neque maiores ferre potuissent,
 præsertim cum munere ac beneficio Iesu Chri
 sti, gloriam sempiternam, quemadmodum illi
 se consecuturos esse confiderent. Iacobus frater
 Iudæ apostoli quī Hierosolymitanus episco
 pus erat, cū perorasset Petrus, ita locutus est,
 Simonem narraſſe, quemadmodum Deus pri
 mum constituerit ex Gentibus populū sibi adi
 pisci ac sumere, id quod propheta tradidissent.
 Itaq; hoc censere se, eorum animos qui ex Gē
 tibus ad Deum reuerterētur, non esse conturbā
 dos nouis legis, sed scribendum ad eos esse, vt
 se deinceps ab iis quæ idolis immolarētur, à stu
 pro & fornicatione, ab eorum animalium quæ
 suffocata essent, sanguine abstinerent. Hoc o
 mnium sententia cōprobatum est. Itaque missa
 epistola ad eos qui Antiochiæ erant, cuius
 hæc fuit sententia, Visum esse spiritui sancto
 & ipsis, nihil oneris eis imponere, nisi ea quæ
 modo

modo commemorauimus. Atque hæc quidem sunt, quæ de Petro in his libris, qui Noui testamenti nomine inscribuntur, & appellantur, scripta reperiuntur. Quæ autem deinceps narrabimus, ab aliis, ut ab Egesippo, Irenæo, & Eusebio, Hieronymoq; accepimus. Romam quidem Petrus venit Claudio imperatore, ibiq; pontificatum quinque & viginti annis gessit, ut omnes probati auctores ac veteres commemorant. Quod si quinque & viginti pontificatum administrauit, id est usque ad quartum decimum Neronis annum, qui idem ultimus fuit, certè tertio vel secundo, ut Hieronymo placet, Claudij anno, primum Romam venerit necesse est. Nonnulli autem exponunt, in iis Clemens, qui ei quarto Clemens loco successit, eum Romam eo maxime consilio papa. venisse, ut Simonis Samaritani de quo paulò antè dixi, errorem refelleret. Egesippus quidem principio tertij libri aliquid narrat, quod quia & ad Petri laudem, & Simonis summum dedecus pertinet, nõ erit alienum exponere. Simonis istius fraudes & præstigiæ tantum apud Neronem valuerant, ut non solum primum apud eum locum amicitia teneret, verum etiam illi ab eo diuini honores tribuerentur, ut Iustinus, Irenæusque commemorant: præter autem alia inuitata opera quæ effecturum se esse pollicetur, etiam mortuos ab inferis excitare se posse iactabat. Excesserat iñ fortè è vita Romæ adolescens

Hierony.
de scriptor.
ecclesiast.

Egesippus
lib. 3.

Iustinus.
Irenæus.

nobilis, Neronis propinquus, ad quem excitandum alij Petrū, alij Simonem accersendum censuerunt, illi cū venissent, Petrus Simoni qui suam vim & potestatem iactaret, priores partes dedit, ita tamē ut si id quod se facturum esse profiteretur, non præstaret, ipsi non deesset. Simon qui plurimum apud barbaros & ignaros nostræ religionis homines artes suas valituras speraret, conditionem hanc praposuit, ut si ipse adolescentem ab inferis excitasset, Petro moriendum esset, sin Petrus hoc certaminis genere vicisset, idem supplicium maneret, Placet Petro conditio. Accessit ad mortuum, qui ut carmina quedam pronunciare cæpit, is qui mortuus erat, caput mouere, & agitare visus est. Hinc clamor barbarorū, eum vivere, eum cum Simone loqui cum gaudio vociferantium: hinc in Petrum irarum stimuli, hinc etiam irridentium cachinni, quod se ausus esset cum Simone comparare. Petrus qui ea falsa, quæ à Simone fierāt, intelligeret, eundem vultum, eundem oris animique habitum ferebat. Silentiumq; ut imperavit, ita locutus est, non id verum esse quod videretur, sed speciem quandam veri imitari, Quod si verum esset eum vivere, ipse loqueretur: si verè ab inferis excitatus esset,urgeret, incederet, colloqueretur. Atque quò facilius non solum id falsum esse quod videretur, intelligi posset, sed ne iam quidem ostēdi speciem posse, Simon-

se, Simonem à mortuo iubet secedere: cùm recessisset, ne moueri quidem vnquam visus est postea. Tum Petrus cùm secum ipse silentio paulisper orasset, adolescenti vt Christi nomine sanus & incolumis surgeret, imperauit. Statim surgit adolescēs, loquitur, incedit, cibum capit. Eum postea matri tradidit, quæ cùm eum rogaret, vt ab se illum discedere ne pateretur, eam ne timeret, hortatus est, eum enim custodem suū habet. Hoc cum omnibus ingentem admirationem excitasset, in cōtrarium versa sunt omnia. Petrum laudibus in cælum ferre omnes, Simonem vt præstigiatores irridere, explodere, & lapidibus obruere, idq; factum esset, nisi Petrus compresso ac sedato paulisper tumultu, satis acre de illo supplicium sumptum esse dixisset, quòd artes suas nihil valere intelligeret atque sentiret. Vinceret ille sanè, & Christi regnum crescere vel inuitus cerneret. Angebatur ille apostoli gloria, seque victum dolebat. Itaque conuocato populo offensum se à Galilæis (sic enim nostros contumeliæ causa appellabat) ostendit, deserturūque se dicit eam urbem quam tueri soleret. Constituit diem quo in cælum volando ascenderet, sibi que in cælum quādo vellet, aditū patere dixit. Dies vt constitutus venit, collem Capitolinum conscendit, vnde se deiciens volare cæpit, cum summa populi admiratione, qui eum venerabatur: plerique vim talem Dei, non

hominis esse dicebant, nihil tale fecisse Christiū. Petrus interea orare cepit Iesum ut ei suas artes futes esse ostenderet, nec tali specie populus deceptus, non facile ad fidem compelli adducique posset. Se tamen precari, ut sic in terram caderet, ut nihil se potuisse viuis recognosceret. Ille ut Petrus finem dicendi fecit, implicatis remigiis pennarum quas sumpserat, corruit, non quidem exanimis, sed fracto debilitatōque crure, Aretiam cōcessit, ibique mortuus est. Quod ut Nero comperit, dolens amici casu, ereptūq; sibi virum Reipub. utilem ac necessarium molestē ferens, Petrum quemadmodum interficeret, cogitare cepit. Cū verò apprehendi eum iussisset, ea re cognita, Christiani omnes eum rogant, ut aliō se recipiat. Petrus contrā, se non cōmissurum dicit, ut metu mortis cessisse videatur, æquum esse mori pro Christo, qui mortem subiisset pro omnibus, nō mortem illam, sed immortalitatem futuram, indignam se esse fugam mortis, qui inultos doctrina sua ut se hostias Christo offerret, impulisset. Christi prædictione mortem sibi subeundā esse, qua deo gloriam tribueret. Atque hac quidem & huiusmodi, Petrus afferebat, plebs autē illachrymās ab eo petebat, ne se inter maximas sævientiū barbarorū tempestates fluctuantem desereret. Vicerunt fletus & lachrymæ obstinatum animū. Discessurum se ex urbe pollicetur. Itaq; in sequenti nocte salutatis

salutatis Christianis, proficisci solus cepit. qui ut ad portā qua egredi cōstituerat, venit, Christum sibi obuiam prodire videt, adorāsq; eum quōnam irat rogauit. Ille cum Romā se ut iterum cruci suffigeretur, venire dixisset, statim Petrus hoc de genere mortis suae dictum intellexit. Itaque in urbem rediit, nec ita multo post comprehensus, supplicio crucis inuerso capite, quod indignum se esse diceret, qui ita ut Christus moreretur, affectus est. In cruce multis verbis Christo oues commendauit, quas ipsi tradidisset.

VITA BEATI PAULI APOSTOLI, IOA-

chino Perionio Benedictino Cor-
mariaceno auctore.

PAulus qui antea Saulus appellabatur, Philip. 3. Iudaeus, ut ipse ait, Phariseusque genere, ex tribu Benjamin, Tharsi quod est Ciliciae oppidum, natus est. Ut autem aptus literis eius animus fuit, eum hierosolymam legis Moisaicae perdiscendae causa parentes miserunt, ibiq; Gamalielē legis optimum interpretem doctoremque audiuit. Hic autem eum fructū ex studiis percepit, ut statim ei contingerit aequales suos longe multumque superare non solum legum institutorumque, quae à maioribus acceperat, doctri-

Act. 22.

na, verum etiam in iis defendendis studio & voluntate, Itaque dum etiam admodum adolescens esset, cerneretque Stephanum aliam disciplinam, ut ipsi videbatur, Mosaica sublata & conuulsa, constituere velle, eorum omnium qui illum

Act. 7.

Ibidem. 22.

Ibidem. 9

ea de causa lapidibus obruerunt, vestes custodivit, necisque eius ut ipse ait conscius fuit. Nec vero ita multo post, biennio ferè exacto, cum ipse per se iam religioni disciplinaque nostra nocere posset, hostili infestoque animo ecclesiam primum domi, id est Hierosolymæ, deinde foris oppugnare cepit. Nam in ades ipse irrumpebat, virosque ac mulieres, qui Christum ut Deum colerent, vi abductos tradebat custodie. Impe- tratis vero hac de re à principe sacerdotum ad synagogas Damascenorum epistolis, quasi furis agitatus, adiunctis comitibus, eo contendit, ut si quos ibi inuenisset huius disciplina viros ac mulieres, vinctos Hierosolymam perduceret. Iam ille magnam itineris partem in eo consilio propositoque permanens confecerat, cum subito media luce, offuso, obiectoque cælesti lumine, excacatus, metuque perculsus, ex equo decidit. Tum vero huiusmodi vocem exaudiuit, Saule, Saule, quid me oppugnas? Cumque obstupescens, quasi inisset, Quis es Domine? illéque dixisset. Se esse Iesum quem oppugnaret ac persequeretur, durumque ac grane ei esse stimulo calces opponere, tum querere cepit, quid se ille facere

Galat. I.

facere iuberet, At ille, ut Damascum proficeretur admonuit, ibi enim eum auditurū, quid ipsum facere vellet. Comites autem Pauli perterrefacti constiterant, cum & vocem exaudirent, & viderent neminem. Hi ita gestu, Paulus ut praeceptis Christi pareret, oculos aperit, sed cum nihil prorsus cerneret, à comitibus deductus est. Iam triduo oculorum munere caruerat, cibūque non cœperat, cum quidam Christi discipulus, cui nomen Ananias, ab illo in visu admonitus confirmatūsq; quod Paulum sibi discipulum doctoremque Gentium delegisset, ad Paulum adiit, ei que negotium quod ipsi Christus dedisset, exposuit. Expiatur saluari aqua Paulus, captōque cibo vires suas seque collegit. Atque hoc quidem pacto Paulus à vita Deo ingrata ad Christianam religionē traductus est. Nunc quem in hac se prabuerit, dicendum est. Nunquam ille tam infestus & acer nostrae religionis disciplinaq; antè quàm ei se Christi impulsu addixit, oppugnator hostisq; fuit, quàm magnam se eiusdem postea propugnatorem defensorēque praestitit. Ad eam enim defendendam tum celeritatem attulit, tum studium, tum incredibilem inuicti animi in omni suppliciorum genere patientiam & constantiā. Nam ut primum aqua saluari expiatus est, qui antè in Iesum contumeliosus fuisset, eum- Ibidem. que Deum esse ac Christum quem iudei serua-

torem expectarent, ita pernegasset, ut qui id cō-
 firmarent, eos vinctos ad supplicium necemq;
 ut dixi, raperet, contra non priuatim & obscu-
 re sed publicè ac palam Damasci in senatu con-
 ciliòque publico ciuitatis hunc & filium Dei
 & Christum esse profiteri ac prædicare cœpit.
 Que eius tam repente facta mutatio, contra-
 riæque oratio, & omnibus qui eum audiebant,
 tantæ admirationis fuit, ut dicerent: An non
 hic Hierosolyma eos qui Iesum appellabant,
 oppugnabat, eoque huc venit, ut vinctos illos
 ad principes sacerdotum pertrahat? & Iudæis
 tam inuidiosa atque inuisa, ut tandem com-
 muni consensu & quasi conspiratione eum ne-
 care decreuerint. Quod quò & commodius &
 maturius facerent, præfectum Arethæ regis
 rogant ut vigiles pro portis excubare iubeat.
 At eius discipuli illorum insidiis cognitis,
 ipsum noctu è specula in sporta demisserunt,
 & ita fuga salutem quæsiuit. Lucas quidem
 eum commemorat statim ex hac fuga se Hie-
 rosolymam recepisse, conantemque se discipu-
 lis adiungere, metu prohibitum fuisse, quòd
 illi discipulum eum minimè crederent: Bar-
 nabæq; opera ad apostolos adductum esse, qui
 eis ordine quæ & in itinere sibi euenissent, &
 à se Damasci Iesu nomine magno animo acta
 essent, narrauerit. Ipse autem Paulus in epi-
 stola quam ad Galatas multò post scripsit, se
 ad apo-

ad apostolos profectum negat nisi triennio post, primūque in Arabiam concessisse, deinde Damascum rediisse confirmat. Itaque vel Lucas pratermissa eius in Arabiam profectio, & in Damascum reditu, quod triennio post egerit Paulus, commemorat, vel certè Paulus ex illa fuga Hierosolymam ad apostolos se recepit, cum eisque tam paucos dies commoratus est, ut hoc sibi commemorandum non putauerit, Vtunque res habeat, hoc profecto constat, eum & Hierosolymam & in Arabiam venisse. Quantum quidem temporis in Arabia consumpserit, incertum est. Neque enim ipse, neque Lucas, neque quisquam alius tradit. Hoc autem dubium non est, quin in ea regione quandiu commoratus est, multa verba de religione nostra fecerit, multosque ad Christi fidem deduxerit. Ab Arabia Damascum se rediisse dicit, deinde triennio post, Hierosolymam venisse Petri videndi causa, & apud eum dies quindecim commoratum, aliumque apostolum prater Iacobum fratrem, id est propinquum domini vidisse neminem. Quindecimo post die in Syriam & Ciliciam concessit, quod ut ipse ait, Ecclesius Iudae quae Christi colebant, facile ignotus esset. Atque hoc ipsum est fortasse quod Lucas deinceps commemorat, eum cum à Barnaba ad apostolos deductus esset, ipseque cum Gentibus locutus esset,

disputassētque cum Gracis qui illum ob eam causam interficere cupiebant, à Discipulis cognito eorum consilio deductū esse primū Cæsaream, deinde Tharsum Ciliciæ oppidū. Cū autem illic esset; Barnabas qui Antiochiam à Discipulo gratulandi causa iū quos Christo credidisse cognouerant, missus erat, hortarique eos, ut in suscepta professaque semel fide permanerent, non ita multo post Tharsum ut illum quæreretur, profectus est. quem cū inuenisset, eū Antiochiam duxit, ibique annum continuum ita populum docuerunt, ut Discipuli tum primū Christiani nominarentur. Visum est etiā tum Discipulis qui in ea vrbe habitabant conferre quantum quisque poterat, ac pro facultatibus, idque per Barnabam & Paulum discipulis egentibus qui Iudeam incolebant mittere, Quo expleto munere, Antiochiam adiuncto Ioanne qui Marcus appellatus est, reuersi sunt. Erāt autem præter illos Antiochiæ tum propheta & doctores permulti qui cū Dominum colerent, ac ieiunarent, Spiritus sancti iussu Paulum & Barnabam ad id munus & opus ad quod perficiendum eos delegerat positis super eos manibus cū orassent atque ieiunassent, dimiserūt. Illi autem à Spiritu sancto delecti atque missi primū in Seleuciam venerunt, deinde in Cyprum nauigauerunt, vno comite itineris Ioanne, de quo Paulo antè dixi.

Cūque

Act. II.

Ibidē. 12.

Ibidē. 13.

Cumque totam insulam usque ad Paphum
 obissent, Sergius Paulus proconsul vir prudēs
 eos accersuit, quod verbum dei audire cuperet,
 Erat tum in eius comitatu quidam magus, cui
 nomen Elymæ erat, qui apostolū, cū procon-
 sulem à sententia abducere studeret, resistebat.
 Hoc cū Paulus instinctu Spiritus sancti co-
 gnouisset, grauissimū eum verbis obiurgare cœ-
 pit, quod Diuina cōsilia institutāque dissolue-
 ret ac tolleret, eūque cecitate ad tempus hu-
 iusmodi sceleris sui pœnas daturum esse prædi-
 xit. Vix ille finem dicēdi fecerat, cū Elymas
 cecus repente effectus, qui se duceret obambu-
 lans visus est requirere, Quo tam admirabili
 factō adductus Sergius Paulus proconsul, cre-
 didit. Ex quo plerique, in his Hieronymus, il- Hierony.
 lum qui antea Saulus diceretur, Paulum no- de scrip.
 minatum esse confirmant. Paulus autem & Ecclē.
 Barnabas à Papho soluentes Pergen Pam-
 phylia urbem traiecerunt, Hinc Ioanne hiero-
 solymam reuertente, ipsi Antiochiam Pisidie
 oppidum recto cursu contenderunt. Quo in op-
 pido cū aliquādiu commorati essent, in syna-
 gogam conuenerunt, lectisque pro more nōnul-
 lus legis & prophetarum capitibus, principes
 eos rogauerunt numquid vellent dicere. Tum
 Paulus clarissima oratione usus est, qua Dei
 in Iudæos beneficia usque à patriarcharū sce-
 lectione, populi que ex Aegyptiorum seruitute

liberatione repetens, commemorauit, perduxit-
 q; ad Dauidem, ex cuius semine, ac genere Ie-
 sum seruatorem Deus ex pacto extulisset, quem
 Ioannes venturum prädixisset, venienti testi-
 monium diuinitatis dixisset, quem principes sa-
 cerdotum nullo comperto crimine innocentem
 indicta causa in crucem egissent, ablatumque
 sepultura tradidissent, quem tertio post die
 ab inferis excitasset, conuenienter in omnibus,
 quæ à prophetis prædicta essent. Eum esse a-
 gnoscerent, cuius beneficio delictorum eis gra-
 tia fieret, quam facere lex Moysis minime po-
 tuisset. At eis qui ab Abrahamo genus du-
 xissent, qui Deum timeret, hoc verbum saluta-
 re missum esse, ad eosque pertinere. Cum finem
 dicendi fecisset, dimissaque concione, ipse &
 Barnabas exirent, eos rogarunt ut proximo
 die, qui sollemnis erat habendus concionibus (sab-
 batum vocant) iisdem de rebus verba facerent.
 Multi autem Iudæi & peregrini eos secuti sunt
 quos illi ut in sancto proposito permanerent,
 hortari non destiterunt. Cum autem dies ve-
 nisset, tota propè ciuitas conuenit ad verbum
 Dei audiendum. Quod cum Iudæi animaduer-
 terent, ira perciti, in quæ à Paulo dicebantur,
 contradicere cœperunt. Tum Paulus & Bar-
 nabas magno constantiq; animo Iudæis dicunt,
 eis primum consilium verbumque Dei exponen-
 dum fuisse, se autem iam quod indigni essent illi
 iudicio

iudicio suo sempiterna gloria quam predicarēt,
 ad Gentes proficisci, sic enim Dominum ipsis
 praecepisse. Quod cum ij qui erant ex Genti-
 bus, audirent, maximam ex eo voluptatem per-
 ceperunt, Dominique verbum maximis lau-
 dibus honorificisque verbis extulerunt, quin-
 etiam omnes quibus vitam aeternam Deus da-
 re decreuerat, crediderunt. Hanc continuo apo-
 stolorum gloriam Iudeorum invidia consecuta
 est. Adduxerūt enim eos in invidiam odiū-
 que primorum civitatis, ac mulierum tantum,
 ut orto tumultu excusso primum ex pedibus
 Dei praecepto pulvere Iconium venirent. In
 hoc quoque oppido cum synagogam Iudeorum
 ingressi ita verba facerent, ut multos Iudeos
 & Græcos ad religionem disciplinamque no-
 stram deducerent, Iudeorum opera & invidia
 in eos Gentium animi cōcitati sunt. Ac mul-
 tis quidem diebus quibus ibi cōmorati sunt, ma-
 gno animo egerūt, cum interea Dominus signis
 miraculisque verbū suum ornavit ac probavit.
 Cum autem distracta diuisaque esset in partes
 duas civitas, alteraque pars apostolos seque-
 retur, altera quæ cum Iudeis faciebat impe-
 tu facto, eos contumelios affectos lapidibus
 obruere decreuisset, huius rei certiores facti se
 Lysram & Derban Lycaoniae oppida centu-
 lerunt ibiq; atque in finitima regione docen-
 di verbi divini munere functi sunt. Tum forte
 d ij

ibid. 14.

*Lystris erat claudus quidam qui semper ingre-
 diendi munere caruerat. Eum cum Paulus ita
 audientē animaduerteteret, vt se curari posse non
 videretur diffidere, clara voce ei vt rectus se in
 pedes erigeret, imperauit. Erigit se ille, valen-
 tisquē ritu ingredi cœpit. Quod cum turba ani-
 maduertisset, magna voce Lycanonicē omnes,
 Deos specie habituque hominum ad se venisse
 clamant nuncupantque Barnabam Iouem, &
 Paulū Mercurium, quod dux verbi esset. Sa-
 cerdos quoque Iouis hoc comperto, tauros cum
 coronis ante portas vrbs vnā cum populo vo-
 lebat immolare, fecissetque nisi Apostoli in
 medium scissis tunicis prodissent, cum hac ora-
 tione, Se etiam mortales esse illis similes homi-
 nes, qui doterent rebus huiusmodi fictis & fal-
 sis repudiatis Deum viuum colendum esse cuius
 opere cælum, terra, mare, omniāque quæ illa cō-
 plexu suo continerent, constitissent, qui superio-
 ribus temporibus Gentes suo arbitratus viuere
 sicuisset, quibus tamen specimen sui edidisset,
 pluuiis temporibusque fertilitatem præstanti-
 bus. Quæ cum illi dixissent, vix tādē obtine-
 re potuerunt vt ne immolarent. Nonnulli autē
 Iudei nec ita multo post Antiochia & Ico-
 nio venientes multitudini persuaferūt, vt Pau-
 lum lapidibus obruerēt, quem eiectum ex vrbe
 pro mortuo reliquerunt. At discipulorum ope-
 ra qui eum circundederūt, seruatus, in oppidum
 introiuit,*

introiuit, posteraque die cum Barnaba Derbā profectus est. Cūque in illo oppido verbum Dei docuissent, adduxissentque multos in Christo fidem, Lystram, Iconium, & Antiochiam reuersi sunt, ibique discipulorum animis confirmatis cum exhortati eos essent, vt in fide permanerent, multisque calamitatibus & aduersis rebus superatis, in Dei regnum introeundū esse docuissent, praefectisque singulis vrbibus presbyteris, orassent cum ieiuniis, eos Domino in quem crediderant cōmendauerunt. Tum rēro obeuntes Pisidiam, in Pamphiliam contenderunt, cūque Perge verbū Dei nunciassent descenderunt in Ataliam, inde Antiochiam in qua vrbe delecti fuerant ad id munus quo functi erant, nauigauerunt. Quo cum peruenissent, conuocata concione, exposuerūt omnia quae Dei benignitate egissent. Commorati sunt autem ibi multos dies cum discipulis, quo quidem tempore quidam ex Iudaea venerunt qui hoc profitebantur, Nisi qui ex lege Moysis circumcissus esset, salutem adipisci posse neminē. Cūque Barnabas & Paulus ab illis discreparēt, ex eaque dissensione, orta esset vt fit seditio, placuit omnibus, Paulum & Barnabam cuius alii nonnullis altariis factionis Hierosolymam ad apostolos & presbyteros de hac questione mitti. Illi per Phœnicem & Samariā Hierosolymam profecti, ibi exponebant quanta

Deus ipsorum hortationibus apud Gentes fecisset, usque commemorandis omnium animos ingenti letitia affecerunt. Quod etiam Hierosolymam cum venissent, facere minimè destiterunt. Ibi autem convocata cōcione cum rem cuius causa missi essent narrassent, quæ illis etiam temporibus in ea vrbe Phariseorum maximè qui crediderant opera quæstio posita est; dictis vicissim sententiis, tandem placuit ad eos discipulos quorum animi eius quæstionis difficultate Antiochia distraheretur, hoc scribi per Iudam qui etiam Barsabas dicebatur, & Silam viros primos in Ecclesia, Paulo & Barnaba adiunctis, visum esse Spiritui sancto atque ipsis, nihil eis oneris Mosaica legis imponere, nisi ut à stupro, & ab animalium iis cibis qui idolis immolati essent, & à sanguine quæ suffocata essent, abstinerent. Illi autem Antiochiam cum venissent, convocata multitudine epistolam reddiderunt quæ perlecta, incredibilem animo ex consolatione cæperunt voluptatem. Aliquot verò interiectis diebus Paulus cum Barnaba egit ut ad eas regiones ac ciuitates in quibus verbum Dei exposuissent, reuerterentur, viderentque quid fratres ac discipuli agerent. Cūque Barnabas probato collaudatōque consilio Ioannem quem paulò antè reuertisse Hierosolymam dixi secum esse vellet, Paulus autem nollet, propterea quòd Hierosolymam

solyman tum cum ipsi operam eius desiderarent, abiisset: secuta est ex eo dissensio tanta, ut *Barnabas* comite itineris *Ioanne* affcito, in *Cyprum* adiret, *Paulus* adiuncto delectoque *Sila* *Syriam* & *Ciliciam* obiret, quibus in regionibus confirmatus discipulorum animis eos ut *Apostolorum* presbyterorumque praeceptis parerent, admonebat. De qua illius profectio-
 ne ante quam plura dico, libet de superiore quam *Hierosolyman*, ut dictum est, susceperunt, ille & *Barnabas*, aliquid dicere. Mihi quidem haec illa videtur esse quam in epistola ad *Galatas* exponit his verbis: Se iterum *Hierosolyman* quarto decimo anno post, affcito *Tito* una cum *Barnaba* venisse con- *Galat. 2.*
 tulisseque cum discipulis, sermonemque habuisse de eis quae ad *Euangelium* quod *Gentibus* & apud *Gentes* praedicaret, pertinerent, idque in commune ac publice: quod in eo concilio de quo paulo ante dixi, factum esse arbitror, priusquam autem ac remotis arbitriis cum iis de quibus aliqua esset opinio. *Iacobum* autem, *Petrum*, & *Ioannem*, qui columnae religionis nostrae esse viderentur, cum munus quod *Christus* ipsi concessisset, cognouissent, datis dextris, id est data acceptaque fide, societatem cum ipso & *Barnaba* constat ut illi ad *Gentes*, ipsi ad *Iudaeos* profiscerentur. Hoc ut credam, me haec verba cum iis quae ex *Luca* supra com-

memoravi collata & coniuncta admonēt. Nā cum ita seiunctum à Paulo Barnabam Lucas propter Ioannem dicat, vt nūquam postea eum à Paulo visum esse commemoraret, his autem verbis confirmat Paulus se vnā cum Barnaba tantò post Hierosolymam profecturum esse vt sermonem de euāgēij ratione cum apostolis haberet, quod semel factū esse idem Lucas narrat, certē hac illa ipsa, non alia videtur profectio. Idēque declarat quod deinceps in eadem epistola Paulus confirmat, Petram cum Antiochiam venisset, & modò cum Gentibus modò cum Iudeis clam cibum caperet, cum Iudeos, tum verò Barnabā in istam suam simulatam & fictam traxisse sententiā. Atqui Barnabas post eam de qua dixi, dissensionem, nunquā visus est Antiochie. In Cypro enim interfecit eum fuisse Ioannes is quem secum duxit, in vita eius exponit. Atque hac à me eò dicta sunt, vt ne temporum inscitia laberemur. Nunc ad reliquam expositionem reuertamur. Paulus igitur comitem itineris laborisque sociū delegit Silam. Ii cum Syriam & Siliciā ob-

Act. 16. euntes, Derbā & Lystriam peruenissent, Paulus ibi Timotheum patre Gētili matre Iudæa eaque fidei natum, cuius de vitæ integritate, disciplinæq; obseruatione discipuli bene existimarent ac loquerentur, cum inuenisset, secum proficisci voluit, eūque propter Iudeos circū-

cidit.

cidit. Quicunque venissent, ea quæ ab apostolis
& presbyteris Hierosolymæ decreta fuerant,
seruanda tradebant. In Phrygiam & Gala-
tiam cum venissent, Spiritus sanctus retuit, ne
verbum Dei in Asia docerent. Inde cum tra-
iecissent in Mysiam, vellētque in Bithyniam
venire, Spiritus Iesu non sinīt. Itaque ex My-
sia Troadem profecti sunt. Hic visum Paulo
ostensum est. Vir quidam Macedo visus est ei
stare, ac orare, ut in Macedoniam traiceret se-
que adiuuaret. Quis ex viso intellexit Paulus
iique qui cum eo erant, cum eis exposuisset, se à
Deo ad euangelium Dei Macedonibus renun-
ciandum vocari. Itaque statim Troade recto
cursu Samothracam, & in sequenti die Nea-
polim tenuerunt, inde Philippos quæ est prima
partis Macedonia ciuitas. In hac vrbe aliquot
dies commorati sunt. Egressi autem portam ad
flumen precationis causa cum consedis-
sent, ver-
būque Dei mulieribus quæ eò conuenerant,
pradicarent, & in iis quadam mulier Lydia
nomine purpuraria Thyatirorūque Deum
celebat, ea quæ à Paulo dicebantur attentè au-
diret, afflata spiritu sancto credidit. Cūque
aqua vitali expiata, totaque eius familia ro-
garet, ut si se fidelem esse Domino cognouisset,
ad ades suas habitatum venirent, impetranit.
Cum autem Paulus cum suis precationis causa
irent, facta est eis obuiam puella quadam, quæ

numine Pythonico afflata diuinando, magno
 questui dominus suis erat. Hac Paulum comi-
 tesque eius secuta, magna voce hæc locuta est,
 Hi homines serui Dei sunt, qui vobis viam
 salutis ostendunt. Idque multis diebus fecisse
 dicitur. Paulus autem ad eam conuersus, Dæ-
 moni imperauit, vt Iesu Christi nomine ex il-
 la exiret, eodemque puncto temporis egressus
 est. Domini autem puella cum de spe questus
 hoc pacto se decidisse animaduerneret, Paulum
 & Silam comprehendunt, perduxeruntq; in
 forum ad principes, producentesque magistrati-
 bus, eos dixerunt perturbare ciuitatem, docerẽq;
 morem & disciplinã, quam sequi & approba-
 re ciuibz qui Romani essent, minimè liceret.
 Magistratus cum etiam multitudo in eos in-
 festa venisset, scissis tunicis suis, eos virgis cadi
 iussit, casos in vincula coniecit. Media autem
 nocte cum ita precarentur Deum & laudaret,
 vt ab aliis qui erant in carcere facillè exaudi-
 rentur, terramotus repente factus est tantus, vt
 etiam carceris fundamenta commouerentur, &
 ostia aperta sint, & vniuersorum dissoluta
 vincula. Expergefactus autem custos carceris
 ex illo terramotu, cum apertas ianuas carce-
 ris cerneret, districto gladio se ipse iam interfi-
 cere volebat, quod vinctos fugisse existimaret,
 cum statim Paulus voce magna clamare cœ-
 pit, ne se interficeret, vniuersos enim esse etiam
 in car-

in carcere. Ille cum lumine introgressus, cum eos solutos videret, tremore correptus, se ad pedes eorum misit, ducensque extra carcerem, rogare eos cœpit, quid sibi faciendum esse censerent, ut vitam consequeretur sempiternam. At illi hoc ei responsum dederunt, Si in Iesum Christum crederet, fore ut ipse familiæque eius tota, gloriam sempiternam adipiscerentur. Domum autem eius cum venissent, primum que ad salutem pertinebant, ei totique familie tradiderunt. Deinde ablutus plagis, eum familiamque eius totam aqua saluari expiauerunt, tum mensa instructa iis epulis quas ille pro tempore parare potuit, unâ cibum leti cœperunt. Prima autem luce per lictores custodi magistratus imperarunt, ut illos emitteret. Quod cum ille Paulo nunciasset, questus est quod cæsos se ac Silam publice, & homines Romanos indemnatos in vincula coniecissent clam emitterent. Nō ita fieri oportere, sed ipsi venirent & emitteret. Quod cum lictores principibus ciuitatis renunciassent, timore perculsi illi, quod Romanos esse Paulum & Silam audirent, eos rogare cœperunt, cum eos eduxissent, ut ex vrbe discederent. Illi autem educti è carcere, in Lydiam concesserunt: inde visis fratribus, cum eos cōsolati essent, profecti sunt. Cum autem peragratis Amphipoli & Apollonia, Thessalonicam, vbi Iudeorum synagoga erat, venissent, Paulus ter in

hebdomada de scripturis cum eis disputabat, totaque eius oratio in eo consumebatur, ut doceret Christum & perpeti mortem oportuisse, & à mortuis excitari, & Iesum esse Christum eum, quē ipsis predicaret. Nec verò eius oratio inanis fuit. Nam & ex Iudæis quidam crediderunt, Pauloque ac Sila coniuncti sunt, & ex Gentibus permulti, & in his nō pauca mulieres nobiles. Erat in ea vrbe Iason quidam, qui Paulum & Silam domum suam acceperat. Quod cum Iudæi intellexissent, ij qui in falsa sua sententia permanserunt, adhibitis de vulgo viris quibusdam facinorosis, orto tumultu civitatem concitauerunt, eoque consilio domum Iasonis conuenerunt, ut cum eos inuenissent, populo prodacerent. Sed cum eos nō inuenissent, Iasonem ipsum & quosdam Christi discipulos ad principes civitatis rapere & trahere cæperunt, cum hoc clamore, Iasonem esse qui eos quos tenerent & alios homines qui orbem concitaret, eoque iam venisset, hospitio exceperit atque eos omnes contra Caesaris decreta facere, cum regem alium Iesum esse diceret. Qua quidem sua oratione plebem principesque civitatis concitauerunt. Cum verò Iason caterique quos vnā cum eo productos paulo antè dixi, causam dixissent, dimissi sunt ac liberati, Christiani autem confestim noctu Paulum & Silam Berrhæam miserunt: quod cum venisset, in Iudæorum cōven-
 tum

tum introierunt, habitóque de religione nostra cum eis multo sermone, permultos & Iudeos & Gentiles tã viros quàm mulieres ad Christi fidem cultúmque traduxerunt. Quod cum Iudei qui erant Thessalonice, rescivissent, Berthæam venientes, ita tumultibus urbem impleverunt ut Christiani statim Paulum, Timotheo Siláque ibi remanentibus, coacti sint ad mare mittere. Sed ñ qui eum deducebant, ipsum Athenas vsque profecuti sunt, quibus cum Paulus mandatum dedisset ad Silam & Timotheum ut quamprimum ad se venirët, abierunt. Paulus autem cum eos Athenis expectaret, cernerëtque idololatria deditam civitatem, animi agitatione inflãmari impellique cœpit, ut de rebus ad religionem nostram pertinētibus ibi differeret. Quod factum est, ut & in synagoga cum Iudeis & Christianis, & in foro quotidie cum eis qui confluebant, disputaret. Quidam autem Epicurei & Stoici cum eo disserabant, multisque de doctrina nova ex utraque parte inter se collatis sermonibus, eum ad Ariopagum pertraxerunt, quò liberius quid ille de hac re tota sentiret, diceret. Ille verò in medio Ariopagi stans, hæc libere dixit, Se illos omni ex parte superstitiones animadvertere, propterea quòd ipse cum illorum simulacra præteriret, atque inspiceret, aram etiam inuenisset, in qua hoc inscriptũ esset, Ignoto Deo, quasi

quod ignorarent, colerent, atque venerarentur. Quod igitur ignari colerent, id se eis enunciare. Deum enim qui hanc vniuersitatem, eaque omnia, quæ cōplexu suo continet, effecit, cum cæli terraq; sit dominus, non in templis quæ manu operæque hominum facta sint, habitare, nec manibus hominū coli, quasi aliquo egeat, cum ipse det omnibus vitam, spiritum, ceteraque omnia. Eundemque fecisse vt ex vno omne hominum genus vniuersam terram incolant, definito vitæ cursu quem omnibus dederit, vt querant Deum, si fortē ad eius notitiam perueniant, quanquam non multum ab vnoquoque nostrum abest. Eius enim benignitate & viuere nos, & moueri loco, & esse, quemadmodum quidam poëta illorum dixerit: Nam sumus & genus eius. Nos igitur cum genus Dei simus, eiusque cognatione teneamur, non debere existimare auro & argento aut lapidi quem homo arte & cogitatione sua sculpsit, similem esse diuinitatē. Et tempora quidem huius ignorantis cum Deus detestatus sit antea semper, tum denique hominibus patefacere, vt omnes acta vitæ pœniteat, propterea quod diem constituerit, in quo orbem iustē sit iudicaturus, eo indice, quem esse decreuerit, tradita omnibus fide, cum eum à mortuis excitasset. Cum autem mentionem resurrectionis fieri audissent, eorum partim irridere cœperunt, partim se de iisdem rebus

rebus Paulum iterum differentem audituros
 esse dixerunt. Sic Paulus è Senatu dimissus
 est. Quidam tamen ei assensi sunt, in his Dio-
 nysius Ariopagita, & mulier nomine Dama-
 ris. Illis quidem temporibus Claudius Caesar *Ibid. 13.*
 Iudæos omnes ex vrbe Roma abire iusserat. In
 his Aquila quidam Iudæus Ponticus gene-
 re, & Priscilla eius vxor relicta Italia Corin-
 thum venerat. Paulus autē cum Athenis Co-
 rinthum contendisset, ad eos adiit, habitauitq;
 apud eos, quod eiusdē artis essent, quæ in taber-
 naculis faciendis versatur, eiusq; artis vnā cum
 eis opus agere solitus erat. Nec verò arte illa
 impediabatur, quo minus in synagoga praefer-
 tim Sabbato disputaret, darētq; operam, vt Iu-
 daeos & Græcos ad religionem cultūque no-
 strum deduceret. Quod tamen & liberius &
 studiosius fecit, posteaquā Silas & Timotheus
 de Macedonia venissēt. Orationē autem omnē
 eo cōferebat, vt Iudæi Iesum Christū esse testi-
 moniū scripturæ persuaderet. Quod illi cum im-
 probarēt, atq; adeo insectarentur, excussit Pau-
 lus vestimenta sua cum his verbis, Peccata ve-
 stra in capita vestra redundabunt, nulla culpa
 mea. Iam ad Gentes me cōferam. Hæc cū per-
 orasset, migrās inde domū cuiusdam, cui nomen
 Lito Iusto erat, qui Deum colebat, venit. In ea
 cum synagoga coniuncta esset, non destitit ea
 quæ religionis nostræ sunt, exponere, tantūmq;

praefecit dicēdo, ut & Crispus qui princeps erat
 synagoga, cum omni familia sua crediderit, &
 multi Corinthij etiam aqua salutari expiaren-
 tur. Noctu autem dominus visus est Paulum
 monere ne timeret, liberēq; loqueretur, propter-
 eā quod cum ipso esset, neminēque ei malum
 daturum, quod magnum hominum numerū in
 ea urbe haberet. Commoratus est autē ibi Pau-
 lus annum & sex menses, quod tempus in do-
 cendo Dei verbo cōsumpsit. Erat tū Achaia
 procōsul Gallio, ad cuius tribunal Iudei Pau-
 lum adduxerunt, accusarūntque, quod cōtra le-
 gem hominibus Deum colere suaderet. Quibus
 cum Paulus purgandi sui causa respōdere vel-
 let, Gallio vetuit, dixitque Iudeis, eos se a quo
 animo audituros, si quod facinus proferrent. nūc
 cum de legis eorum verbis ac nominibus cōtro-
 versia sit, ipsi viderent, se enim earum rerum iu-
 dicem esse nolle. At Iudei quidem tum Paulo
 omisso, toto impetu in Sōthenem ferri, eūque
 in conspectu Gallionis cadere caperunt, nec illi
 ea res curae fuit. Paulus verò cum etiam mul-
 tos dies illic fuisset, salutatis fratribus in Syriā
 unā cū Aquila & Priscilla navigavit, per-
 venitque Ephesum, ibique illis relictis, ipse in
 Iudeorum concilium veniens, cum eis disputa-
 vit. Cūque Epheso se discedere velle diceret,
 eūque Iudei rogarent ut diutius commorare-
 tur, non concessit, sed cum rediturum se pollicere-
 tur,

tur, discessit, venitque Cesaream, ubi salutatis Christianis Antiochiam profectus est, quo in oppido cum aliquandiu commemoratus esset, Galatiam Phrygiamque obiit, eo consilio, ut Christianos in fide confirmaret. Peragratis autem superioribus regionibus, Ephesum rediit, ibique in- *Ibid. 19.* uentis quibusdam discipulis, ab eis quaesuit, num spiritum sanctum credentes accepissent. Cumque respondissent, se ne id quidem auditione accepisse, essetne Spiritus sanctus omnino. Rogare eos iterum cepit, cuius igitur nomine baptizati essent. Tum responderunt illi, Ioannis baptismo se esse expiatis. Paulus ad hac addidit Ioannem baptismo poenitentiae populum expiasse, eos monentem, ut in eum qui ipsum sequeretur, id est in Iesum, crederent. Tum omnes qui erant duodecim numero Iesu nomine baptizati sunt, venitque ad eos Spiritus sanctus, cum ei manus imposuisset, inde linguis loqui, & prophetare ceperunt. His gestis, in synagogam venit, liberetque per trimestre de regno Dei differant. Cum vero nonnullos & obstinate in sententia permanere, & Christi disciplinam cultumque in conspectu multorum insectari animaduerneret, ab eis discessit, secretisque discipulis in Tyranni cuiusdam schola quotidie disputabat, idque biennio perpetuum fuit, ita ut omnes qui Asiam incolebant Iudaei atque Graeci verbum domini audirent. Hinc Paulus mira quaedam opera &

inusitata Christi nomine edidit. Nam cum &
 sudaria & semicinctia quæ corpus illius atti-
 gissent, aegris adhibebantur, is etiam qui à de-
 monibus torquebantur, statim morbi demonēs-
 que depellebātur. Quod cum septem filij Iudæi
 qui exorcistæ habebātur, animadvertissent, ex-
 periri placuit, num idem facerēt quod Paulum
 facere cernerent. Itaque Iesu nomen in eis qui
 spiritus malos habebāt, inuocabant, his verbis,
 Adiuro vos per Iesum quē Paulus predicat.
 Demones autem respondissent, Sē & Iesum
 nosse, & Paulum, & illi qui essent, ignorare:
 homo in quo malus genius erat, statim in eos
 innolauit, vimque eis intulit tantam, vt nudi
 acceptis vulneribus domo fugerent. Eiūsque rei
 fama cum omnibus Iudæis & Gentilibus qui
 erāt Ephesi, percrebuisse, metu perculsi omnes,
 Iesum laudibus in cælum extollere. Multi etiā
 eorum qui religioni nostræ nomen dederant,
 ea quæ egerant in vita, confitebantur. Plerique
 etiam qui rebus eorum studiisque quibusdam
 curiosius dediti erant, libros in conspectu omniū
 combusserunt tanta copia, vt cū rationem ha-
 berent pretij, denariūm quinquaginta milia in-
 uenirent. Hic ita gestus numine diuino Pau-
 lus afflatus, Hierosolymam, Macedonia &
 Achaia pergratus, ire decreuerat, quod intelli-
 geret cū eō venisset, sibi Romam esse profiscē-
 dum. Tum verò Ephesi ingēs motus ob Christi
 discipli-

disciplinam ortus est. Demetrius enim quidā,
 qui argentariam faciēbat, fingendus edibus ex
 argento Dianę, opificibus atque operis magno
 quęstui erat, quem cū Pauli doctrina tol-
 li intelligeret, eos convocavit, atque in Pau-
 lum nostrōsque homines contitavit his verbis,
 Eos scire dixit, quanto ipsi atque sibi hac ars
 quęstui semper fuisset, spectare etiam atque
 audire, a Paulo non solū Ephesi, sed penē
 tota Asia ingentem hominum multitudinem
 ab ea religione revocari, quippe qui doceret
 Deos non esse, qui manū operęque hominum
 fierent. Quid si eos quęstus tantus qui eis eri-
 peretur, criminique dandus esset non moveret,
 vel Dianę templum, quod isto pacto contem-
 neretur, eiūsque religio ac maiestas, quā tota
 Asia & orbis coleret, cuius tollendę funda-
 menta iacerentur, moveret. Quā Demetrij ora-
 tione tanta iracundiā illorū animi exarserunt,
 ut clarissima voce clamarent, Magna Diana
 ephesiorū. Hinc totā urbem tumultū occupa-
 vit, impetūque factō communi consensu omnes
 Caium & Aristarchum Macedones Pauli
 comites in theatrum vi perduxerunt. Paulus
 autem cū ad populum prodire vellet, nō passi
 sunt discipuli. Nonnulli etiā de Asia principi-
 bus qui cū eo amicitia coniuncti erant, miserūt,
 qui eum rogarent, ne in theatrū prodiret. Alij
 autem aliud sentiebant. Erat enim in magna

perturbatione ecclesia, & plerique quã ob cau-
 sam conuenissent, nesciebant, cum Alexander
 de turba protrahitur. Ille silentio postulato ra-
 tionem reddere nitebatur. Cum verò Iudeum
 eum esse comperissent, clamare tum cœperunt o-
 mnes: Magna Diana Ephesiorum. Scriba au-
 tem vr̃bis sedato tumultu, nostros ita defendit,
 quasi in Dianam illi nihil dicerent, aliisque ia-
 ctatis sermonibus, qui ad sedandos populi ani-
 mos pertinerent, concionem dimisit. Motu seda-
 to, discipulos Paulus cohortandi causa conuo-
 cavit, quos cum ad extremũ salutasset, in Ma-
 cedoniam profectus est, quam ille provinciam
 peragrans, discipulos multo sermone cohortari
 nullo loco destitit. Venit inde in Graciam, in
 qua cum menses tres commoratus esset, consti-
 tueretque in Syriam nauigare, insidia illi à Ju-
 deis facta sunt. itaque mutato consilio per Ma-
 cedoniam rediit. Comites ei se itineri præbue-
 runt Sosipater Pyrrhi Berrhoensis filius, Thes-
 salonicensium, Aristarchus, Secundus, Caius
 Derbeus, & Timotheus, Asiani Tychicus
 & Trophimus. His præmissis Troadem, Lu-
 cam vnum secum habuit: qui cum Philippis
 quinto die Troadem nauigio peruenit, qua in
 vr̃be dies septem omnes cōmorati sunt. Eorum
 autem extremo quem dominicũ dicimus (vnam
 eĩus sabbati diem hunc Lucas intelligit) cum
 eĩbi capiendi causa omnes conuenissent, Paulus
 postero

Ibid. 20.

postero die profecturus cū eis disputabat, cū-
 que sermonem in multam noctem produceret, a-
 dolescens quidam cui nomen Eutycho erat, op-
 pressus somno de tertia contignatione decidit,
 sublatusq; est mortuus. Ad quem Paulus de-
 scendens, medium complexus, circumstantes ne
 conturbarentur, admonuit: animum enim eius
 in ipso esse. Certus ille de salute adolescentis,
 rediit in cubiculum, vbi cū gustato cibo vsque
 ad lucem sermonem protraxisset, puerū viuum
 lati adduxerunt, cū iam ille discessisset. Lucas
 autem ac ceteri comites itineris, conscendentes
 nauem, in Asson nauigauerūt, vbi ibi eum qui
 terra iter faciebat, reciperent. Sic enim illi se
 velle facere dixerat. Paulus ibi conscensā nāui,
 recto cursu Mytilenem cum eis contendit. poste-
 ra die ē regione insula quæ Chius dicitur, appli-
 cuerunt, sequenti Samum, postridie Miletum:
 quod ipse Ephesum praterire decreuisset, ne qua
 mora ei in Asia afferretur, quo minus Hie-
 rosolymā ante Pentecostes diem peruenire pos-
 set. Itaque Myleto mittens Ephesum maiores
 natu ecclesiæ accersiuīt, qui cū ad eum conue-
 nissent, hac ad eos oratione vsus est. Scire eos ac
 tenere optimē, se ex quo primū die in Asia
 fuisset, Domino ministrasse ac paruisse, semper
 cum omni animi demissione ac lachrymis: scire
 etiam quibus à Iudæis insidiis malisque circū-
 uentus sit, nullūque ab ipso pratermissum tē-

prius esse, quo non liberè diligentèrque publicè
 privatimque eos docuerit quæ ad religionem
 Christianam pertinerent, testimoniisque scri-
 pturæ Iudæis ac Gentilibus, pœnitentiam sce-
 lerum quæ in Deum admisissent, & in Domi-
 num nostrum Iesum Christum fidem suaserit,
 cum interea nihil de ipsorū facultatibus abstu-
 lisset, Tum verò Spiritus vinculum se Hierosoly-
 mam petere, ubi quid sibi enecturum sit ignora-
 ret, nisi quod Spiritus sanctus ubique indicet,
 eum illic vincula & cruciatus manere. Sed ta-
 men se nihil horum omnium extimescere, nec
 vitam suam pluri quàm se ipsum facere, dum
 modo eū vita cursum, qui ipsi à Deo datus es-
 set, cōficeret, idque munus docendi euāgelij quod
 à Domino accepisset, exequi pro dignitate pos-
 set. Exploratum sibi esse, se nunquam postea à
 quoquam eorum visum iri, quos adisset. Itaque
 testari eo se tum, culpæ nulli se affinem esse.
 quippe cum omne Dei consilium eis exposue-
 rit, à quo nulla pœna proposita, nulli supplicij
 potuerit retardari: sibi vniuersoque gregi con-
 sulerent, cui eos Spiritus sanctus episcopos præ-
 fecisset, Dei ecclesiæ, quam ille sanguine suo
 quasisset gubernanda gratia. Scire se lupos ra-
 paces impetum facturos esse in gregem post di-
 scessum suum, & ex ipsis viros prodituros qui
 improba oratione discipulos ad se conarētur ab-
 ducere. Proinde vigilarēt, memoriæque tenerēt,
 ipsum,

ipsum, nullum finem eos per triennium cum lachrymis monendi fecisse. Se eos Deo & verbo gratia eius commendare, qui adificare sanctos omnes, eisque hereditatem dare posset. Argētum & aurum, aut vestem nullius se cōcupisse, eiúsque rei eos se testes habere, cū ad ea parāda quæ ipsi ad cultum viēlūmq̃ue necessaria fuerint, corporis labor suffecerit: eos se dormisse, labore & opere quasitis opibus egētibus atque agris subuenire oportere, memores verbi illius Domini Iesu, Beatius esse dare, quā accipere. Quæ cū dixisset, positus genibus orauit cū omnibus. Tum verò magnus omnium fletus secutus est, incidentēsq̃ue in illius collum, osculum ei ferre cœperūt, nec aliud maiorem dolorem eis attulit, quā quod se nunquam postea à quoquam ipsorum visum iri dixerat. Deduxerunt eum ad nauem, qua conscensa ipse & comites recto cursu Coum, postridie Rhodum, inde Pataram venerunt. Inuenta autem nauē qua in Ibid. 21. Phœnicem contenderet, nauigarūt in Syriam, Tyrūmq̃ue applicuerunt, quod ibi nauis onus expositura esset. Hic cū discipulos offendisset, qui ei afflatu diuino commoti rohibebant, ne Hierosolymam adiret, septem dies commoratus est: quibus expletis Tyro Ptolemaidā venit, qua in vrbe salutatis fratribus diem vnum cum eis fuit: in sequenti Cesaream tūm venisset, ad Philippum Euangelistam qui in septem

diaconi erat, adiit, & apud eum cum comiti-
 bus habitavit. Ibi iam aliquot dies commorati
 erant, cum vir quidam ex Iudæa, propheta ad-
 uenit, Agabus nomine. Is cum ad eos venis-
 set, detracta Pauli zona, pedes & manus alli-
 gavit, dixitque Spiritum sanctum hoc predice-
 re & ante denunciare, Virum cuius illa zona
 esset, ita Hierosolymæ à Iudæis vincitum, de-
 dendum esse Gentibus. Quod cum Pauli comi-
 tes & loci incolæ audiuiſſet, eum rogare omnes
 cœperūt, ne Hierosolymam proficisceretur. Ille
 autem eis ita obiurgatis, vt fletu illorū animum
 suum excruciarī fateretur, se non solum vinciri,
 sed etiam mori Hierosolymæ Christi causa &
 nomine paratum esse dixit. Itaque illi cum eum
 se de sententia deducere posse diffiderēt, ita sua-
 dere destiterunt, vt eius rei euentum diuina vo-
 luntati permitterent. Hierosolymam cum ve-
 nisset nostræ religionis homines libenter eum cū
 comitibus exceperūt. Poſtridie vnā cum eis ad
 Iacobum apostolum, qui Hierosolymæ episco-
 pus præerat, venit, quo cū seniores omnes con-
 uenissent, primū ipse singillatim eis omnia ex-
 posuit, quæ Deus apud Gentes ipso ministro
 adhibito effecisset: deinde illi cum Deum sum-
 mis laudibus ornassent, dixerunt. Eum quanta
 Iudeorum multitudo ad Christi fidem dedu-
 cta esset, videre. Eos autē omnes qui legi Mo-
 saica parendum censerent, auditione accepisse
 ipsum

ipsum quocunque veniret, ubi Iudaei inter alias nationes viverent, hoc docere, discedendum esse à lege Mosaica, nec Iudaeis circumcidendos esse filios, nec illam iam in templum eo more quem lex illa praescriberet, ingrediendi esse necessitatem. Itaque se illi auctores esse, ut quoniā multitudinem necesse esset cōvenire, se ipse cum aliis quatuor qui voluissent, expiaret, capūtque raderet. Sic enim fore, ut quae de illo audissent, falsa esse comperirent. Se autem scripsisse de iis qui ex Gentibus religioni nostra nomen dedissent, ut se deinceps ab escis, quae idolis immolata essent, sanguine strangulorum animalium, & fornicatione stuprōque abstinerent. Paulus postero die adiunctis illis quatuor, expiatus in templum cum eis venit, ostenditque expiationis tempus esse quoad pro vnoquoque eorum hostia immolaretur. Dum autem hac aguntur, explenturque dies septem, Iudaei Asiani cum Paulum in templo animaduertissent, omnē in eum populum cōcitauerunt, inieclisque manibus ut eum comprehenderent, admonere & rogare ceperunt circumstantes, ut se in comprehendendo eo homine adiuarēt, qui cum ubique omnes ea doceret, quae & ad populi, Senatūsque Iudeorum, & legis, & templi perniciem, exitiūque pertinerent, tum verò prophanos homines in templum adduxisset, sanctūque locum violasset, Trophimum enim Ephesinū quem cum illo in

vrbe viderant, ab illo in templum introductum
 existimabant. Motus hinc tota vrbe ortus est
 tantus, vt omnes eò concurrerent. Quòd si tri-
 buno qui tum in vrbe erat, nunciatus tumult-
 us non fuisset, periculum fuisset, ne à populo
 tumultuante discerperetur. Sed ita tulit diui-
 num consilium, vt dum cõprehensum & extra-
 ctum extra templum interficere cogitant, tribu-
 nus cum centurionibus & militibus interueni-
 ret, cuius primus aduentus non furorem aut in-
 uidiam populi sedauit, sed finem cadēdi eius at-
 tulit. Is sedato vt dixi, tumultu, comprehensum
 Paulum catenis duabus vinciri iussit. Cũque
 rogaret, quisnam esset, quidque fecisset, aliquē
 aliud in turba clamarent, sic vt nihil certi præ
 tumultu posset cognoscere, vt in castra ducere-
 tur, imperauit. Secuta est eum multitudo populi
 vociferantu, vt de medio tolleretur, tantãq; vis
 orta est, vt à militibus cum ad gradus ventum
 esset, portari cogeretur. Paulus verò cum in ca-
 stra duci cõpisset, tribunum rogauit, num cum
 eo paucis agere liceret? Ille, cũ quæsiuisset, Græ-
 cene sciret, & num is esset Aegyptius qui pau-
 cis ante diebus tumultum concitauisset, eduxis-
 setque in solitudines quatuor millia sicariorũ,
 Paulus se Iudæum Tarsi quod Ciliciæ nō igno-
 tum oppidum esset, natum esse respondit, roga-
 re autem illum se, vt ad populum sibi verba
 facere liceret. Quod cum ille permisisset, Pau-
 lus è

195

lus è gradibus, Hebraicè (quod maioris silentij causa fuit) cum eos admonuisset, ut quam ipse rationem apud illos redderet, audirent, ita locutus est, se Iudæum esse, Tharsi Cilicia natum, educatum Hierosolymæ ad Gamalielis pedes, eruditum patris legibus, quarum non secus atque illi omnes tum essent, ita propugnator extitisset, ut Christianam disciplinam hostili animo ad mortem insectaretur, vincendis tradendisque in custodias viris & mulieribus qui eam sectam sequerentur. Quorum omnium se habere testes dicebat pontificem omnesque maiores natu, à quibus acceptis ad fratres epistolis, cum Damascum iret, ut inde victos & nexos Hierosolymam supplicij causa abduceret, accidisse in ipso itinere cū iam Damascus in propinquo esset, ut meridie subito lumine caelesti circumfunderetur, cadensq; ex equo, audiret vocem quasi obiurgantis, cur ipsum persequeretur: cūq; rogasset, quisnam esset, & quid ipsi imperaret, illum respondisse Iesum Nazarenum se esse quem persequeretur, Damascum autem iret, ubi plane quid ei faciendum esset, cognosceret. Cū verò præ splendore lucis despicere non posset, manu à comitibus Damascum se esse ductum. Ananiam vero quēdam, qui Iudæorum omnium Damascenorum testimonio legis erat observantissimus, ad eum venisse ac dixisse ut cerneret, eodēque puncto temporis se illum

num admonuit, etiam atque etiam videret, quid faceret. Eum enim hominem quē verberari iussisset ciuem esse Romanum. Accedens autem tribunus, eū rogauit, num Romanus esset: quod cum ille annuisset. Ego, inquit, magna vi pecunie hoc ius ciuitatis adeptus sum. Ego verò, Paulus inquit, & natus ciuis sum. Ita & ea pœna Paulus liberatus est, & tribunus magno in metu fuit, cum eum ciuem Romanū esse rescinisset. Postero die soluit eum, conuocatisque sacerdotibus omniq; populo eum produxit, quo diligentius comperiret, quam ob causam à Iudeis accusaretur. Ipse in eos qui conuenerant cōiectis oculis, ita verba fecit, Se ad eum diem semper bona fide in oculis iudiciōque Dei vixisse. Hoc verbum pōtifex Ananias molestē acerbēque ferens, eis qui circumstabant precepit, vt ei colaphos infringerēt. Paulus verò hac ad eū oratione vsus est, Percutiet te Deus paries dealbate, qui cum sedens ex lege me iudices, tamē cōtra legem os meum tundi iubeas. Qui aderāt, Paulum obiurgare, quod summū Dei sacerdotem maledictis laceraret. Ille verò nescire se dixit eum principem sacerdotum esse. Scriptum enim esse, Principi populi tui ne maledicito. Tū Paulus qui ibi partem vnā eorum qui aderāt, Saduceorum, alteram Phariseorū esse intelligeret, clamare in cōcilio cœpit, Phariseum se esse, Phariseique filium, in iudicium adductum se,

quod spem & vitā mortuorum poneret ac defenderet. Statim orta est inter Phariseos & Saduceos dissensio tanta, ut dimissa multitudine, quidā Pharisei, nihil se facinoris aut sceleris in eo comperisse pugnaciter dicerent. Quid, inquit, si Spiritus aut angelus cum eo collocutus est? Tribunus qui timeret ne Paulus in turba discerperetur, militibus imperavit, ut eum de medio raptū in castra ducerent. Proxima nocte eum Deus visus est admonere, ut bono sortique animo esset. Sicut enim Hierosolyma ipsius propugnator & defensor fuisset, sic fore ut Roma etiam existeret. Ut autem illuxit, nonnulli Iudaei plures quadraginta inito consilii voverunt se nihil cibi & potionis capturos; quoad Paulum interfecissent. Quam quidem coniurationē suam pontifici ac senioribus exposuerunt, admonueruntque eos, ut peterent à tribuno, ut Paulum ad illos producerent, eamque fraudem ita tegerent, quasi aliquid de eo certius comperturi essent, se verò prius quàm ille appropinquaret, eum paratos esse interficere. Pauli sororis filius cum insidias quae aunculo pararentur, intellexisset, venit ad eum in castra, ei que indicavit. Ille accersito Cœturione, eum rogavit multis verbis, ut adolescentem ad tribunal ducendū curaret, habere enim eum aliquid quod enūciaret. Adolescentem tribunus cum remotis arbitris rogaret, quidnam indicare sibi vellet, constituisse

stituisse dixit Iudaeos, ipsum rogare, ut postero die Paulum in consilium produceret, quasi certius aliquid in eum inquisituri essent. Quod videret, ne faceret, propterea quod essent plures quadraginta ex iis qui coniurassent se ex insidiis Paulum esse interfekturos, & vouissent se nihil capturos cibi antequam hoc scelere contaminassent. Tribunus dimisso ita adolescente ut vetaret ne cui cum se illo de ea re locutum fuisse diceret, duos ceteriones accersiri iussit, quibus imperavit, ut milites ducetos, equites septuaginta, lanceariosque ducetos compararent, & iumenta in quae impositum Paulum tertia noctis hora saluum & incolumem ad Festum praesidem Caesaream perducerent. eisque ad illum epistolam dedit cuius haec sententia est: Claudius Lysias Felici optimo praesidi, Salutem. Virum quem ad te mitto, à Iudeis comprehensum cum iam interficeretur, aduentu meo militum opera vix saluum è manibus eorum eripui, cum Romanum eum esse comperissem. Cum verò scire cupiens quid ei obicerent, illum in concilium eorum produxissem, ei tantum obiici comperi, quae ad legem eorum pertinerent, quorum nihil morte aut vinculis dignum esset. Quoniam autem intellexi, ex eis esse qui illum ex insidiis necare constituissem, eum ad te misi, ut accusatores apud te agant, si quid in eum velint dicere, Vale. Milites noctu Paulum Antipatridem duxerunt.

Ibid. 24.

postridie verò equites eum Casaream ad Felicem perduxerunt, cum ceteri in castra reuertissent. Reddunt etiam illi epistolam, quam cum perlegisset, Paulum cuius esset provincia rogauit. Cumque Cilicem eum esse cognouisset, eum se auditurum esse dixit, cum accusatores in eum venissent. Interim in Herodis pratorio custodiri eum iussit. Quinto autem die Ananias pontifex cum quibusdam maioribus natu & Tertullo quodam oratore Casaream venit, omnesque Felicem adierunt: citatoque Paulo, eum Tertullus accusare cepit his verbis, Maximas tibi gratias agimus optime Felix, quod & benignitate ac virtute tua in pace omni compresso tumultu belloque viuimus, & pro incredibili tua sapientia multa quae superiores pratores quibus successisti, neglexerant, correctione adhibita feliciter geruntur. Sed ne te longa oratione traham, à te peto maiorem in modum, ut nos breuiter dicentes benignè attentèque audias. Non ignotam tibi esse arbitror sectam Nazareorū, qui nouis quibusdam religionibus institutisque omnium hominum mētes contra leges imbuunt & inficiunt. Eius principem cum pestiferum istum inuenissemus, qui & omnibus Iudaeis in vniuerso orbe seditionis auctor esset, & templū violare ac polluere voluisset, comprehensum ex lege nostra iudicare decreuimus. Sed tribunus

Lysias, vi magna eum eripuit, iussitque eius accusatores

Lysias

Lysias

cusatores ad te venire : ex quo tu facile poteris
 ea crimina cognoscere, quorum causa enim in iu-
 dicium adducimus. Iudæi tū vera esse quæ Ter-
 tullus diceret, assenerarūt. Paulus verò cū Felix
 potestatem dicendi fecisset, ita respondit, Scio
 ego te optime Felix iam pridem iudicem datum
 esse Iudæis, quæ me causa impellit, ut bono ani-
 mo magnâq; spe fretus, nunc pro me ipse respon-
 deam. Intelligere enim potuisti, dies esse nō plus
 quindecim, cū Hierosolymam in templū reli-
 gionis causa adij. Isti autem nec ibi me cum
 aliquo disputantem, aut seditionem mouentem,
 nec in vrbe ipsa, nec in synagogis inuenerūt, nec
 verò ea quæ mihi obiiciunt, probare possunt.
 Hoc autem fateor me in disciplina quam sectā
 vocant, sic patrium Deum meum colere, ut &
 ea omnia quæ in lege ac prophetis scripta sunt,
 vera esse credam, & eam quam etiam illi expe-
 ctant, bonorum ac malorum resurrectionem fore
 confidam. in quo ipse etiam studeo ita me gere-
 re, ut nemini quod sciam materiā occasionemq;
 peccandi praebeam, ab eaque suspicione Deo te-
 ste sum liberrimus. Multis autem annis post
 Hierosolymam veni, ut egentibus pro faculta-
 tibus subuenirem, Deoque offerrem quæ vouis-
 sem, quæ in templo facientem me cū offendis-
 sent Iudæi, non tumultum turbamque concitan-
 tem, ut isti volunt, comprehenderunt clamantes
 voce maxima, Tolle inimicum nostrum. In iis

quidam erant ex Asia Iudæi, quos adesse hic oportuit, & accusare, si quid haberent, quod criminofum in me putarent. Dicant verò nunc hi ipsi quo in flagitio me deprehenderint, nisi quòd hac oratione vsus sum, cùm in iudicium ob refurrectionem mortuorum adductum me esse clamarem. Hæc cùm ex vtraque parte dicta essent, Iudeorū querimoniam in illud tempus reiecit, cùm Lysias tribunus venisset. Paulum autem interim Centurioni ita custodiendum tradidit, vt & in pace eum esse vellet, & neminem de suis ei ministrare quæ opus essent prohiberet. Interiectis aliquot diebus Felix cū Drusilla vxore sua quæ Iudæa erat veniens, Paulum accersuit, audiuitque eum de Christi fide & religione differentem. Cùmque protracto, vt fit, sermone, de iustitia, de castimonia iudiciòque futuro diceret, tremore correptus Felix, Paulum dimisit, eique dixit se eum euocaturum, cùm opus esset, eumque sepe etiam postea accersuit, quòd se ab illo pecuniam accepturum esse speraret. Biennio autem post, Felici Porcius Festus successit, eique vinclum Paulum reliquit, vt à Iudæis gratiam iniret. Festus tertio quam in prouinciam venisset die Hierosolymam, Casarea profectus est: quod cùm primum pōtifices ac primi Iudæorum rescuissent, illum adierunt, rogaruntque vt Paulum in quem infesto animo venissent, Hierosolymam perdu-

Ibid. 25.

perduci iuberet: idque fecerunt, ut in via ex insidiis eum opprimerent ac necarent. Festus autem Paulam Casarea custodiri dixit, quam ad urbem cum propediem rediturus esset, si qui ex eis una proficisci vellent, venirent & accusarent, si quod in homine crimen esse existimarent. Ipse Hierosolyma non amplius dies octo aut decem commoratus, Casaream ut venit, postridie pro tribunali sedens Paulum ad se adduci iussit. Iudei qui Hierosolyma venerant, cum cum productus esset, circumsteterunt, multa que & gravia ei crimina obiicere ceperunt, quae probare non poterant, cum Paulus verbo tantum, se legem Iudeorum, aut templum violasse, aut quicquam contra Caesaris maiestatem fecisse pernegaret. Tum Festus qui Iudaeis gratificari vellet, cum a Paulo quasiuisset, num Hierosolymam ire, & illic de iis ipsis criminibus apud ipsum iudicari vellet, Paulus se ad Caesaris tribunal, ubi iudicandus esset, stare dixit, Iudaeis se nullo loco iniuriam intulisse, quod ipse melius sciret. Si quid eos lasisset, aut crimen capitis admisisset, se quo minus morte mulctetur, minime recusare. Sin nihil esset eorum, quae in ipsum conferrent, neminem esse qui eum illorum libidini posset dedere. Itaque ad Caesarem, inquit, pronoco. Tum Festus de consilij sententia. Ad Caesarem, inquit, pronocasti, ad Caesarem ibis. Aliquot diebus post, Agrippa rex & Bernice Ca-

*saream Fēsti salutandi causa venerunt, qua in
 vrbe cum multos dies commoraretur, cum eis de
 Paulo sermonem Fēstus instituit, eaq; omnia
 eis exposuit, quæ paulo antè gēsta & dicta esse
 dixi. Quæ cum Fēstus omnia commemorasset,
 Agrippa hominem se velle audire dixit, quod
 futurum postridie ille promisit. Postero die
 Agrippa & Bernice cum tribunis & primis
 viris ciuitatis conuenerunt, quos vt vidit Fe-
 stus, produci Paulū iussit. Eo producto Fēstus
 dixit, Eum hominem quem Agrippa & cæ-
 teri cernerent, à Iudeis eiusmodi criminibus cir-
 cumuentum esse, quæ si vera essent, ipse continuo
 summo supplicio afficiendus esset, quemadmodū
 etiam Iudei ipsi cum ipse Hierosolymæ esset,
 contenderant. Se verò nullum crimen capitis in
 eo comperisse. Quoniam autem Romā eum ad
 Casarem, ad quem prouocauisset, mittendum
 censeret, nihilque certum haberet, quod de illo
 domino scriberet, se iussisse eum ad illos & ma-
 ximè ad Agrippam produci, vt cum eum pro
 se dicentem audiuisset, ipse haberet quod scribe-
 ret. Cum Agrippa Paulo potestatem dicendi
 factam esse dixisset: tum Paulus beatum se pri-
 mum dixit, quod apud eum esset verba factu-
 rus, qui omnem Iudeorum disciplinam, omniā-
 que instituta, omnesque consuetudines teneret:
 deinde ea omnia exposuit quæ ab illo commemo-
 rata esse ante dixi de Iudeorum inuidia, initio
 longe*

Ibid. 26.

longè petito ab eo tēpore, cum primum à Christo è calo vocatus est, eoque superiore, cum legi Mosaica parendū esse censeret. Hac cum Paulus diceret, Festus magna voce insanire Paulū dixit, eūque ad insaniam adigere multas literas quibus esset praditus. Paulus insanire se negavit, sed verba veritatis prudentiaq; plena dixit fundere, Scire enim hac omnia regē apud quem verba faceret. Tum Agrippam rogavit, num prophetis fidem haberet. Scire etiam se dixit, eum fidem habere: cum ille, Pauci, inquit, hortaris me, ut sim Christianus. & Paulus, Oro, inquit, Deum, & pauci & pluribus, ut non tu modò verumetiā hi omnes qui audiunt, tales euadant, qualis sum ego, exceptis his vinculis. Surrexerunt tum rex, prator, Bernice, & qui cum eis considerāt, cūque secessissent, hac inter se de Paulo iactabāt, eum nihil morte aut vinculis dignum fecisse, ac praterea Agrippa *Ibid. 27.* Festo eum dimitti potuisse dixit, nisi ad Casarem provocasset. Cum autem navigationi dies constitutus esset, ut Romam ad Casarem iret Paulus, cuidam Centurioni Iulio nomine, cohortis Augustæ, vnā cum aliquot aliis vinētis, traditus est. Conscensa naue Adrumentina, cum essent omnes in Asiam nauigaturi, soluerunt. Postero die Sidonem applicuerunt. Iulius qui Paulum humanè haberet, eum ad amicos adire permisit, ab eisque curari. Hinc

soluētes, Cyprum, propterea quod aduersis vētis
 vsi essent, tenere non potuerunt. Itaque ab ea
 repulsi, mare Cilicia & Pamphilia praterue-
 lti, Lystram Lycia oppidum deuenērunt: ubi
 cum Centurio nauem Alexandrinam offen-
 disset, quæ in Italiam nauigaret, in eam omnes
 imposuit. Cūque satis multis diebus tarda na-
 uigatione vix ad Guidum, quod ventus non si-
 neret, peruenissent, Cretam per Salmonem præ-
 ternauigarunt, quam cum vix tenuissent, vene-
 runt in quēdam locum, qui Boniportus dicitur,
 cui finitima erat Thalassa vrbs. Cū verò mul-
 tum iam tempus peractum esset, nec tuta esset
 iam nauigatio, propterea quod ieiunij iam tem-
 pus præterisset, omnes qui aderant Paulus ad-
 monebat, videre se nauigationem futuram cum
 magno periculo non solum oneris & nauis, sed
 etiam vitæ omnium. Cēturio porro maiorem fi-
 dem gubernatori & nauclero, quàm Pauli
 verbis habebat. Et portus ille minimè ad hye-
 mandum aptus erat. Quod cum multi animad-
 uerterent, auctores fuerunt ut illinc naues sub-
 ducerentur, ut Phœnicem Cretæ portum, qui
 Africum & Corum spectat, hyemandi causa
 possent appellere. Sed Austro flāte, cum ex ani-
 mi sentētia nauigationem successisse sibi existi-
 marent, cum Asso soluentes, Cretam applica-
 rent, vētus Typhonicus qui Euroaquilo voca-
 tur, non ita multo post nauem agitauit & im-
 pulit,

pulit, quæ cum correpta, non posset impetū vim-
 q; venti sustinere, i omnes cū cessissent, huc at-
 que illuc agitabantur, in paruāque insulam
 quæ Clauda vocatur, tēpestāte delati, vix sca-
 pham tenere potuerunt, quæ conscensa, subsidio
 rsi sunt, deligata naue, veriti ne in Syrtim in-
 ciderent, soluta naue ita agitabantur. Cūque
 vi magna tempestatis agitentur, postero die
 iacturam fecerunt, sequenti suis manibus nauis
 supellectilem proiecerunt. Cūque nec sol, nec
 astra multū diebus se eis ostenderent, tempesta-
 tisque vis magna impēderet, sublata eis erat in
 posterum spes omnis salutis. Tum Paulus in
 medium omnium procedens, Si me, inquit, au-
 diuissetis, à Creta minimè soluissetis, omniāque
 hæc quæ amisistis haberetis. Sed vos nunc hor-
 tor & moneo, ut bono animo sitis. Neque enim
 cuiusquam vestrum vita amittetur, sed nauis
 tantummodo. Visus est enim mihi superiore no-
 cte angelus Dei, cuius sum, quēque colo, dice-
 re, ne timerem. Casari me sisti oportere, Deū-
 que mihi omnes qui vnā mecum nauigarent de-
 disse. Itaq; bono animo este. Diuina enim beni-
 gnitate factus ita fore credo, ut mihi prædictum
 est, nos in quandā insulā peruenturi sumus. Vt
 autē quartadecima nox fuit, cū omnes intēpe-
 sta nocte in mari Adriatico huc atq; illuc ia-
 ctarentur, suspicabantur nautæ aliquem sibi lo-
 cū ostēdi, depressoq; bolide passus viginti abesse

compererunt, paruoque intervallo progressi, iaculo rursus bolide, quindecim passus inuenerunt. Cúmque vererentur, ne in loca salebrosa inciderent, iactis ex puppi ancoris quatuor, optabát ut lucesceret. Iidem cum ex naui effugere constiterent demersa in mare scapha, quasi ancoras à prora expansuri essent, tum Paulus Centurionem ac milites commonefecit, nisi illi in naui manerent, eos saluos esse non posse. Itaque milites statim scapha funibus disruptis, eam in mare demergi siuerunt. Dum verò dies expectatur, hortabatur omnes Paulus, ut cibum caperent, quòd ad eorum salutem hoc pertineret. Neminéque dicebat, crinem capitis amissurum. Quæ cum dixisset, & ipse, & ceteri iam meliore spe freti, cibum unà cæperunt. Erant autem in ea naui ducenti septuaginta sex. Capto cibo, triticum in mare abiecerunt, itaque nauem exonerarunt. Cùm verò illuxisset, nec terram cognoscerent, animaduertunt sinum quendam, qui litus habebat, in quem constituebant, si possent, nauem expellere. Itaque sublati ancoris, mari se committebant, laxatisque gubernaculorum funibus, passisque vento velis ad litus contendebant. Sed cùm in locum qui utraque ex parte mari cingitur incidissent, naui ita impegit, ut prora fixa immobilis staret: puppis verò undarum fluctuumque vi agitaretur. Quod cùm milites animaduernerent, hoc consilij cæperunt, ut
vinclos

vinc̃tos trucidarēt, ne quis nando euaderet. Sed Centurio, qui Paulum seruare vellet, eorum tale consiliū impediuit, iussitque eos qui nandi periti erāt, primos ad terrā egredi, ceteros partim in tabulatis, partim in aliquo eorum, quæ è nauī portari poterant. Ita factum est, vt omnes ad terram salui exierint. Seruati tum denique cognouerunt Meliten eam insulam nuncupari. Barbari verò magnam omnibus humanitatem ostenderunt. Omnis enim excitato igne propter imbrem qui impendebat, & frigus, adhibuerūt. Cū verò Paulus sarmētorum magnam vim collegisset, in ignem coniecisset, vipera calore egrediens manum eius arripuit, quam vt Barbari è manu illius pendentem viderunt, inter se dicebant, planè illum cade se contaminasse, qui cū è mari seruatus esset, eum tamen diuina iustitia nō sineret viuere. At ille quidem excussa in ignē bestia, nihil mali sensit omnino. Barbari autem expectabant dum tumor eum corripere, aut repenti mortuus caderet. Quod cū illi diu frustra expectassent, mutata sententia, eum Deum esse dixerunt. Erat tum Publius quidam primus eius insula. Is Paulum vnā cū sociis in agro suo triduo perhumanè habuit, quo quidem tempore Publij pater è febre ac dysenteria laborans decumbebat, ad quem cū Paulus accessisset, eum precibus manuumque impositione curauit. Hinc ceteri qui agrotabant in

insula, cum ad eum adiissent, curati sunt. Itaque magnos ei ac sociis honores officiâque detulerunt, quâdiu in insula commorati sunt, & cum soluerent, ea quæ ad victum pertinebât, prabuerunt. Post trimestre, in nauem conscenderunt Alexâdrinam quæ in insula hyemauerat, soluentisque Syracusas tenuerunt, quæ in vrbe cum triduum commorati essent, Rhegium, inde Puteolos biduo venerunt, vbi cum nostræ religionis homines inuenissent, eorum rogatu apud illos septem dies cōmorati sunt, ita Romam peruenērūt. Quod cum Christiani qui Romæ erāt audirēt, obuiam eis vsque ad forum Appij & Tres tabernas prodierunt, quos cū vidisset Paulus, gratias Deo egit, meliorēque animo fuit. Romam cum venissent, vinctos Centurio præfecto reliquos tradidit, Paulo verò permisit ut solus cum milite qui eum custodiebat, habitaret. Tertio quàm venissent die, primos Iudeorū Paulus accersuit, quibus exposuit ea omnia quæ ipsi Hierosolymæ accidissent, se cum patrius legibus institutisque pareret & obtemperaret, Romanus deditum esse, qui cū in ipsum inquisissent, nec pœna capitis dignum quicquam fecisse comperirent, vellētque dimittere, Iudeos intercessisse, ita coactum se, ad Cæsarem prouocare, non quòd gentem suam ipse vlla in re accusare posset. Eo se ob eam causam accessisse, ut ipsos videret & cōueniret. Se enim

213

catena ea quam cernerent vinctum esse, propter
spem populi Israëliti. Illi responderunt, nec li-
teras se de eo ex Iudæa accepisse, nec quenkam
Iudeorum, qui eò venisset, nunciasset, aut dixis-
se quicquam de ipso, quod religioni repugnaret:
se autem petere, vt ab illo audirent, quæ ipse sen-
tires, cum satis compertum haberet, eam sectam
quam sequeretur, vbique terrarum explodi &
eiici. Constituto autem ei die, cum plures ad eum
in diuersorium venissent, ipse eis regnū Dei ex-
ponebat, ad easque quæ Christo acciderāt, pro-
banda. & persuadenda testimonia & à lege
Mosaica & à prophetis à prima luce ad ve-
esperum, depromebat. Atque eius orationi alij
assentiebātur, alij nullā fidem habebant. Cum-
que inter se dissentirent, discesserunt, cum Pau-
lus Esaiæ verba eis conuenire dixisset, quæ se-
quuntur, Loquere cum populo isto. Audietis, nec
intelligetis, videbitis, & nō videbitis. Cor enim
istius populi tenebris offusum est, & auribus
tardè audierunt, suosq; oculos obstruxerunt, ne-
quando oculus videant, & auribus audiant, &
corde intelligant, & conuertantur, eisq; medici-
nam afferam. Scitote ergo Gentibus Dei ser-
uatorem missum esse, quæ audient. Quæ cum Pau-
lus perorasset, Iudæi cum magna controuersia
& disputatione discesserūt. Paulus autem biē-
nium totum in suo diuersorio commoratus est,
quo quidem tempore omnes qui eò ad ipsum

veniebant, recipiebat, libereq; ea omnia tradebat, & docebat, quæ ad Christum eiusque fidem ac disciplinam pertinebant. Quod etsi Lucas de biennio illo tantum dixit, quod duos annos complectitur, qui tertius & quartus imperij Neronis numeratur, tamen decennio etiam quod postea vixit, idem fecisse existimandus est. Vbi autem decennium illud consumpserit, aut vixerit, si quis requirat, mihi quidem Roma videtur magna ex parte fuisse, quantum quidem ex eius epistolis intelligi licet. Nam & eam quam ad Ephesios scripsit, & eam quam ad Philippenses, & eam quam ad Collossenses, & posteriorem quam ad Timotheum, & eam quam ad Philemonem, ex urbe misit. Nam epistola ad Galatas, nonnullorum sententia Roma, aliorum Epheso missa esse dicitur. Eas autem nec illo biennio, nec eodem illorum decem anno, missas esse, aut scriptas, & res ipsa declarat, & epistolarum ipsarum sententia. In ea enim quam ad Timotheum posteriorem misit, mentionem

2. Timo. 1. honorificam Onesiphori cuiusdam facit, quem cum venisset Romam, ipsum magno studio cum quævisset, tum inuenisse dicit, cum etiam vinctus esset. Et in extrema eadem Timotheum rogat, ut eidem eiusque familie salutem dicat. Præterea eadem extrema & tempus mortis sue imminere scribit, & in priore defensione sua se desertum ab omnibus. Atqui Lucas nihil de priore

Ibid. 4.

priore illa causæ dictione scribit, sed eum in libera custodia ita fuisse dicit, ut eos omnes qui ad ipsum adirent, docere minimè prohiberetur. Ex quo intelligitur, eum ex illa custodia toto illo biennio minimè eductum fuisse. Iam verò cum ex priore illa causæ dictione cuius mentionem, ut dixi, facit, posteriorem intelligamus, ac tum cum eandem epistolam scripsit, & in vinculis ipse esset, & mortis eius tempus impenderet, ut ipse ait, profectò multos annos post illud biennium Romæ fuit. Huc accedit, quod iubet in eadem epistola Timotheum ad se maturè venire, & in epistolis ad Philippenses, ad Colossenses, & ad Philemonem, eum facit unà secum scribere. Eodem pertinet, quòd Damam in epistola ad Philemonem adiutorem suum appellat. & in posteriore ad Timotheum se ab eo desertum esse scribit. Aristarchum etiam in epistola ad Colossenses unà secum captivum esse dicit, in ea autem quæ est ad Philemonem, adiutorem suum appellat, cum Epaphram captivitatis socium solum nominasset. Eum autem non consumpsisse Romæ totum illud decennij tempus, hinc intelligitur, quòd in posteriore ad Timotheum epistola extrema eum iubet afferre secum penulam; quam Troade apud Carpum reliquisset, & Trophimum se Mileti ægrum reliquisse scribit, quod non factum esse, cum vel in Græcia & Asia esset, antequàm vinctus Romanum

2. Tim. 4.

Colloſſ. 4.

duceretur, vel cū duceretur, hinc sciri potest, quia & Timotheus ipse Romam iam venerat, & tum iam bis causam ipse dixerat, & finem vitæ suæ appropinquare scribit. Et certè amentia est existimare Paulum scribere Trophimum à se relictum agrum Mileti illis temporibus. Epistola etiam ad Hebræos eum non semper Romæ fuisse declarat. In ea enim extrema scribit eis Christianos Italos salutē dicere, ex quo ex Italia missa esse intelligitur. Quinetiam in provinciam Narbonēsem eum venisse reperio, & in Hispaniam, cum Paulo viro sanctissimo, quem Narbonæ pontificem præfecerit. Atque haud scio an illa ipsa sit profectio, quā

Rom. 15. ad Romanos se in Hispaniam suscepturū esse scribit. Sunt enim multi, qui eum in Hispaniā profectum asserūt. Quæ autē de laboribus periculis, ac suppliciis quæ pro Christo pertulit, scripsi, ea omnia ex libro Luca, qui Acta Apostolorum inscribitur, exprompsi. Quæ præterea ipse de se scribit, ea quoniā vera sunt, iam explicabo. In posteriore quidē ad Corinthios extrema ferē, ter virgis casum se esse scribit, cū semel tantum eum Lucas narret, verberatum esse vñ cū Sila. Nam à Cētūrione verberatus nō est, cum se ciuem Romanū esse dixisset. Ter etiam naufragium se fecisse in eadē epistola scribit, & nocte ac die in profundo mari fuisse: quorū posterius si à Luca commemoratum est, certè non solum no-

lum noctem & diem vnum, verum multos in maris fundo fuit. Nā nec solem, nec sidera ipsa multis diebus nauiganti ei cum ceteris visa esse commemorat. Neque enim hoc quod Paulus scribit, se nocte & die in profundo maris fuisse, ita intelligendum est, quasi ipse ē naui cadens in mare præceps demersus sit, hoc enim non prætermisisset Lucas. Quod autem ad naufragium attinet, amissionem naui Paulus sociis nauigantibus prædixit, naufragij autē alterius nullam Lucas mentionē facit. Atque hic quidem locus me admonet, vt de tēpore ac loco quo hac missa epistola est, aliquid dicam. Alij ex Macedonia Philippis, alij Troade missam esse scribunt. Quod si verum est, id constare non potest, si ad illud tempus referatur, cum Paulus Romam nōdum vinctus venerat. Illud enim quod modò ex ea epistola de naufragio protuli, tum accidit, cum Paulus vna cum sociis mari in Melitem insulam, deinde Syracusas, Rhegium, ac tum Puteolos, postremò Romam peruenit. Ita si Troade missa est, aut ē Macedonia, eò se retulerit, postea quā Romā vinctus venisset, necesse est. Quod satis argumēti est, cum post biennium illud, de quo Lucas scribit, nō semper vsq; ad extremū vitæ diem Roma fuisse. Quod si quis contra proferat, id quod ipse paulò infra scribit, raptum se ante quatuordecim annos in tertium cælum: huic ego respondeo, primum.

non esse tam perspicuum, quando illud euenerit, quàm hoc quod de naufragio cōmemorat. Deinde ab eo qui hoc opponat, petā, ut illud ipsum quod de naufragio Paulus scribit, explicet. Tū enim tam difficile hāc questionem cognoscet, quàm facile nobis opposuit. Praterēa si illum, ut ita dicam, raptum euenisse dicamus illo tri-duo, quo Paulus Damasci in via recta in adi-bus Iudæ orasse dicitur, certē subducta & ha-bita ratione totius temporis, ad eum diem quo alteram ad Corinthios epistolam misit, annos amplius quatuordecī intercessisse intelligemus. Sed ad alia veniamus. In eadem epistola peri-cula multa enumerat, quibus se obiecerit, quorū mētio à Luca nulla facta sit. In iis sunt flumi-num & latronum pericula. In epistola etiam

Galat. 1. ad Galatas se in Arabiam venisse scribit. Deinde cū rediisset Damascum, Hierosoly-mā Petri videndi causa, apud quem dies quin-decim commoratus sit. Deinde post annos qua-tuordecim iterum Hierosolymam vna cū Bar-naba & Tito, ut de euangelij docendi ratione cum apostolis cōmunicaret. Scribit etiam se Pe-tro, quē Cepham vocat, cū Antiochiam ve-nisset, restitisse, quod se non rectē in euāgelij ve-ritate gereret. In ea etiam quam ad Corinthios priorem misit, se cum bestiis pugnas-se, id est feris obiectum esse scribit: nisi fortē bestiarius nomi-ne homines fera crudelitate präditos intelligamus, si-

mus, sicuti nomine leonis Neronem in posteriore ad Timotheum intellexisse dicitur. Nunc de illius morte aliquid dicendum est. Eodem non solum die, sed etiam anno quo est Petrus apostolus in crucem actus, Romæ Neronis iussu securi percussus est. quo autem ordine, quaque de causa, exponendum videtur. Romæ cum in disciplina & religione nostra propaganda omnem operam & studium dicendo consumeret, pluresque in dies in fidem ditionemque Christi subigeret, forte Patroclus adolescens qui Neroni pocula ministraret, quemque ille charum haberet, cum Pauli audiendi summa cupiditate duceretur, nec ad eum propius accedere propter frequentiam posset, ad locum superiorem quo eum facilius & audire & videre posset, ascenderat. Is cum somno oppressus dormiret, cecidisse, eoque casu interisse dicitur. Quod Deo patefaciente Paulus statim cognovit. Itaque eum introferri ad se iussit, excitavitque ab inferis, cum omnes hortatus esset, ut in commune id à Deo precarentur. Excitatum ad Neronem ire iussit una cum aliis Cæsarianis, ut cum exercitatum cerneret, quem mortuum non solum sciret, sed acerbè tulisset, ipse ad Dei cultum deduceretur. Alij priores ad Cæsarem adeunt, eique Patroclum reuixisse nunciant. Cæsar continuo eum accersiri iussit, quem ut vinum saluum & incolumem vidit, miratus est primò, deinde ab eo quesivit, num vine-

ret. Cūq; etiam respōdisset, querere etiam institit, cuius benignitate & opera viueret, qui mortuus fuisset: ille se Iesu Christi domini sui regis seculorū omnium beneficio ac munere vivere respōdit. Caesar cum Christum omnium seculorum regem dici audisset, conturbatus est, cūq; illius animi terrorem auxit id quod deinceps Patroclus addidit, fore, vt Christus omnia orbis imperia deleteret, eiusque voluntati quicquid hac vniuersitas complecteretur, obtemperaret, quod regum omnium esset & maximus & potentissimus. Tum colaphum ei infregisse dicitur, cum hac oratione, Ei ergo regi nomen dedisti? Quod cum annuisset, nonnulli qui aderant ex suis eum grauitè obiurgasse dicuntur, quod adolescentem qui tā prudenter respondisset, malè mulcasset. Itaque se etiam regi illi parère dixerunt. Nero furore incensus eos omnes in vincula coniici quàm primum iussit, omnesque conquiri atque interfici diuersis supplicis, qui se illius regis imperio obedire dicerent. Producentur multi cum vinculis, & ad Neronem adducuntur, in his Paulus, in quem ita ceteri vinclī coniiciebant oculos, vt in ducem, vt hoc etiam Nero facile intelligere posset. Itaq; ad eum vnum orationem auertit, quo ore in imperium Romanum clām venire ausus esset, vt inde abstractum & abductum populum Christo quem regem suum p̄dicaret, adiungeret.

ret. Paulus non solum ex illo quasi orbis angulo, sed ex omnibus imperiis se Christo homines colligere & comparare dixit. Sibi enim ab illo negotium datum esse ut neminem contemneret aut abiiceret, qui in ipsius fide & imperio esse vellet. Quod si ipse & in illum credere, & eius dicto audiens esse constitueret, id sibi licitum esse intelligeret: quod si faceret, vitam cum sempiternam esse consecuturum. Eundemque venturum esse dixit, ut suum cuique pro dignitate reddat, tumq; hæc omnia igne deflagatura. Nero cum mundi deflagrationem audisset, iracundia incitatus, furiaque quadam agitatus, omnes qui huic tali regi parerent, quam primum viuos exuri iussisse dicitur. Sed Paulus quoniam ciuem se Romanum esse predicauerat, Longino, Megisto & Aresto traditus est, qui eum quam primum extra urbem palam & publice securi ferirent. Cumque nuncius eius mortis & supplicij serius quam optaret, veniret, duos ex militibus suis, Feregam & Partemium misit, qui viderent, an securi percussus esset. Illi venientes, eum in media ferè vrbe ad populum de magnis Christi virtutibus & operibus differentem offendunt: quos ut vidit, Venite, inquit, & vos filij, credite in Deum unum & filium eius unigenitum dominum nostrum Iesum Christum servatorem omnium, ut viuât animi vestri. Milites se à Nerone missos dixerunt, qui vide-

rent, an eo mortis genere quod præscripsisset, affectus esset. Quòd si ab inferis cùm morte multatus fuisset, excitaretur, ita denique se credituros. Ad hac illè respondens, eos admonuit, si ad sepulchrum ipsius venirent, fore, ut duos viros, Titum & Lucam orantes inuenirent, à quibus hoc ipsum comperire possent. Vix dicèdi finem fecerat, cùm aliij duo à Nerone missi interuenientes, arreptum comprehensumque cum extra urbem in viam Ostiensem pertrahunt, & iuxta gladium crucem parare iubent. Quod ut vidit Paulus ad ortum se conuertisse, passisque in cælum manibus, cum lachrymis diu orasse dicitur. Finem orandi cùm fecisset, Christianis omnibus qui eum secuti fuerant, salutatis, eisque pace data, genua humi defixit, totumq; se signo crucis muniens, liçtori ceruicem & iugulū præbuit. Ex ceruice cùm securi percussus esset, pro sanguine lac, quasi integritatis & innocentie signum fluxisse dicitur. Sepultus est autē eadem via, ubi postea templum ei edificatum & dicatum est. Quatuordecim, quæ extāt, scripsit epistolas: ad Romanos vnā, ad Corinthios duas, ad Galatas vnā, ad Ephesios vnā, ad Philippenses vnā, ad Colossenses vnā, ad Thessalonicenses duas, ad Timotheum duas, ad Titum vnā, ad Philemonem vnā, ad Hebræos vnā. Eum ego ordinem iis enumerandis secutus sum, non quē ille mittendū tenuit, sed quem maiores

maiores nostri ecclesie instituto eis describendis
 & attexendis iis libris qui Noui Testamenti
 nomine appellantur, adhibuerunt. Plena sunt
 omnes institutionis disciplinaq; Christiana,
 refertaq; omnibus quae ad bene beatq; viuendū
 pertinent praeceptis & sententiis. Vehementi &
 maximè incitato dicendi genere r̄sus est, quod
 crebra illius interrogationes vel docendi causa,
 vel refellendi, vel etiam obiurgandi adhibita,
 indicant. Ordinem cum quem natura & ars
 proponunt, secutus est. Primum enim si quid est
 quod obsit, tollit ac reprehendit, deinde quae te-
 nenda sunt docet, & ad extremum epistolam
 cohortatione concludit. Obscurae sunt in eo ple-
 raq; circumscriptiones, quod de nonnullis B. Pe-
 trus in extrema altera minimè tacuit. Hinc
 plerique r̄sque à primis discipline nostra tem-
 poribus, cum arbitrato suo difficilia loca inter-
 pretarentur, errare coeperunt, & ab ecclesia
 discedere. Quod etiam hac memoria no-
 stra in plerisque animaduertimus.

2. Petri. 3.

Duas praterèa quae non extant,
 se scripsisse confirmat, ad Co-
 rinthios vnam, alteram
 ad Laodicenses.

VITA BEATI AN- DREÆ APOSTOLI,

Ioachimo Perionio Benedictino
Cormacriaceno auctore.

ANDREAS Simonis Petri frater, Io-
na, siue Ioanne patre in vico Bethsaida
prouinciæ Galilææ natus est. Is primum, vt cæ-
teri apostoli, in Christi disciplinam se tradidit,
deinde eius benignitate ex communi discipulo-
rum numero ad Apostolatus ascendit dignita-
tem: faciamus enim hoc verbum tritum, vt alia
quæ in easdem syllabas exeunt, in quas, consu-
latus. Quod quemadmodum contigerit, nõ alie-
num erit ex literis sacris exponere. Bis quidem
Andream & Petrum eius fratrem vocatos
esse inuenio: semel cum Ioannes eis qui Bapti-
sta (teramus enim vsu, hoc etiam vocabulum)
vocatus est ex eo quod Christum potissimum
baptizauerit absente Petro, ambulantiem Chri-
stum videns, discipulis duobus audientibus, in
his Andreas, eum esse agnum dixit: iterum, cum
ad mare Galilææ ambulans, Petrum & An-
dream fratrem eius vocauit. Sed melius est hæc
duo eo ordine quo gesta sunt exponere. Ioannes
quidem is de quo paulò antè dixi, cum Iesum
ambulantiem cerneret, hoc de eo duobus discipu-
lis audientibus & spectantibus asseuerauit, eum
esse Dei agnum. Quod cum duo illi, in his, vt
dixi,

Ioan. I.

Matt. 9.

219

dixi, *Andreas*, audiuissent, *Christum* secuti sunt. *Christus* qui eos se sequi cognosceret, cōuersus eos rogauit, quidnā quarerent. A quo cū illi quāsiuissent, ubi habitaret illēque ita respōdisset, vt diceret, venirent, ac viderent, ipsi venerunt ac viderunt: eoque die, cum iam tum hora ferè decima esset, apud eum commorati sunt. *Andreas* autem qui vnus eorum duorum, vt dixi, erat, cum huius tāta charitatis & muneris *Simonem* fratrem socium esse vellet, eum primum diuini consilij instinctu, inuenit, ei que se *Christum* inuenisse dixit, eūque ad *Iesum* adduxit: quem cum *Iesus* vidisset, eum & *Simonem* vocari, & *Iona* filium esse dixit, pōst verò *Cephā*, id est *Petrum* eundem vocatum iri. Atque ea quidem quae de priore: vt ita dicam, vocatione vtriusque à *Ioanne* exposita sunt, hactenus. Altera autem à *Matthaeo* & *Matth. 9.*
Marco exposita est his verbis, *Iesus* cū ad mare *Galilaeae* ambularet, duos fratres vidit, *Simonē* qui vocatur *Petrus*, & *Andream*, qui retia in mare iacebant, eis que iussit, vt se sequerentur. Quod si facerent, fore vt ab ipso piscatores hominum fierent. Quod illi ita sibi faciundum censuerunt, vt statim eum relictis retibus sequeretur. *Lucas* verò aliquid aliud addit. ait *Luc. 5.*
 enim *Christum* cum ad stagnū *Genesaret* staret, duas naues ad stagnum stantes conspexisse, tum cum piscatores retia lauaret: eūq; in alte-

-3111

ram quæ esset Simonis conscendisse, ab eóq; con-
 tendisse, ut eam paulum à terra reduceret. In
 ea verò Iesum sedentē docuisse turbas. Cum au-
 tem finem dicendi fecisset, Simoni imperasse, ut
 in altum duceret, & ad capiendos pisces retia
 laxaret, Petrum verò dixisse, cum præceptorem
 eum appellasset, se etsi vnà cum sociis totam no-
 ctem consumpsisset, nihilque cœpissent, tamen
 eius iussu ac nomine rete laxaturum: quòd cum
 fecisset, tantam vim captam esse piscium, ut re-
 te rumperetur. Quæ quidem res (ut alia præter-
 eam quæ alio loco còmodius exponentur) Simo-
 ni sociisque eius omnibus tanta fuerit admira-
 tioni, ut relictis omnibus eum secuti fuerint. In
 iis autē cum fuerit Andreas, Matthæi Mar-
 ci que sententia, non est id quidem dubium,
 quin Lucas eundem sociorum Petri nomine &
 in iis qui cum eo erant, intelligat. Atque hæc
 quidem sunt, quæ de Andrea ab Euāgelistis
 tradita accepimus. Nihil enim de eo in libro
 qui Acta apostolorum inscriptus est, traditur,
 nisi quòd vnà cum cæteris apostolis cum Chri-
 stus iis spectātibus in cælum cōscendisset, Hie-
 rosolymā reuerterit. Nec verò dubiū est, quin-
 idem euangelium, Christi iussu mundo diuul-
 gauerit atque patefecerit. Quòd vbinam perfe-
 cerit, quoque modo, & quo mortis supplicii que
 genere in cælum ad Christum migrauerit, in
 animo est ea secutus quæ ab eius discipulis tra-
 dita

dita sunt, exponere. Andreas quidem in pro-
 vinciarum diuisione ac partitione, Achaiam
 obtinuit, sed in vrbe eius prouincia clarissima
 quæ Patra dicitur, ferè exhortationis legatio-
 nisque munere functus est. Is cum in illa prouin-
 cia, ea quæ Christiana religionis sunt traderet
 ac doceret, angeli monitu ac iussu Myrmidonem
 urbem venit, vt Matthæum apostolum quem
 effossis oculis incolæ in vincula coniectum pau-
 cis interiectis diebus interficere cogitabant, libe-
 raret. Cùmque ad carcerem diuino nutu rectè
 obfistente nemine peruenisset, viso beati viri
 squalore, animaduersisq; oculis, quorum munere
 priuatus erat, ingemiscens, orauit Christum vt
 ipse qui cum morbos omnes curasset, tum cæcis
 aspectum restituisset, Matthæo seruo suo oculo-
 rum munus redderet, vt verbum suum annun-
 ciaret. Vix ille perorauerat, cum & carcer ter-
 ræ motu commoueri, magnòque fulgore collucere
 illustrarique cæpit: & Matthæo aspectus re-
 stitutus est, & illius ac ceterorum qui in eodem
 carcere erant, vincula soluta sunt. Quæ omnia
 tantam admirationem omnibus qui tãto benefi-
 cio affectos se viderunt, excitauit, vt magnum
 Deum esse prædicarent, quem serui sui nuncia-
 rent. Tum verò educti omnes è carcere, ad sua
 quisque se recepit: Matthæus alio commigrasse,
 Andreas in vrbe aliquandiu commoratus esse
 dicitur, prædicandi verbi diuini gratia. Quod

cum facere constituisset, incolae ex iis qui vinculi fuerant, re, quae ab eo acta erat, cognita, comprehensum cum ac vincitum per urbem trahere coeperunt. Iamque euulsis crinibus cruor e capite defluebat, cum ipse Christum rogare coepit ut illorum mentem animumque lumine sancto illustraret, ut & ipsum cognoscerent, & ab illo errore peccatoque quod eis ne noxa esset peteret, resipiscerent. Metus omnium statim animos occupavit tantus, ut dimisso apostolo se in illum magnum scelus, imprudentes admisisse faterentur. Itaque rogare eum se, ut & hanc veniam sibi daret, & viam salutis ostenderet. Ille erectis (se enim ad eius pedes abiecerant) Christi vitam, mira opera, denique poenae crucis quam ille salutis omnium causa subiisset, exposuit. Quod illi ita libenter cupidèque audierunt, ut quam primum saluari aqua expiarentur. Cum vero eos satis in Christi fide ac religione confirmatos cerneret, in Achaiam Patras reversus est. In hac urbe cum oratione sua multos iam ad Christi fidem traduxisset, Aegeas proconsul (proconsulem enim eum fuisse inuenio) hac re comperta, in eam eo consilio venit, ut eos qui Christum Deum esse credebant, idolis immolare, divinosque honores tribuere cogeret. Andreas qui Aegea consilio factoque quam primum obsistendum esse intelligeret, eum adiit, hisque verbis est allocutus, Eum oportere, qui ho-

qui hominum iudex esset, iudicem suum qui in
cælis versaretur, cognoscere, cognitum colere, &
colendo eum qui verus esset Deus, animum à
falsis diis reuocare. Quæ ille verba tam impo-
tenti animo accepit, ut ab eo quæreret, essetne
ipse Andreas is, qui & deorum templa euer-
teret, & hominibus supersticiosam sectam,
quam nuper Romani principes explodi eiicq;
iussissent, suaderet. Andreas Romanos prin-
cipes plane cognosse negavit id quod verum es-
set, Dei filium cum salutis hominum causa in
mundum è cælo venisset, docuisse idola, quibus
diuinitatem tribucrent, non solum Deos non
esse, sed demonia teterrima generi hominum
inimica, quæ nihil homines docerent, nisi id
quo Deus offendatur, offensus, auertatur, auct-
sus, eos non audiat, ob eamque causam ita præ-
cipites illi in omne peccati genus diaboli quasi
imperio in omni vita ruant, ut in eis cum mi-
grant nihil præter malè facta remaneat. Hac
ille anilia deliramenta esse, præsertim cum Iu-
dæi Iesum quem ille predicaret, eadem docentē,
in crucem egissent. Itaque aut hac docere atque
eum predicare desineret, aut se cruci suffigendum
quam primum intelligeret. Ille in semel susce-
pto consilio permanens, hoc de supplicij gene-
re respondit, Se si crucis patibulum extimesce-
ret, crucis honorem & gloriam non predica-
turum fuisse. Tum sententia in eum lata esse

dicitur. *Andream* nouam sectam quæ deorum
 religionem tolleret, inuehentem & docentem, in
 crucem agendum esse. Cum autem ad locum in
 quo crux fixa erat, supplicij causa duceretur,
 concursus factus est voce magna clamantium,
 innocentem eum sine causa atque adeo iniuria
 damnari. Ille verò cum crucem eminus intueretur,
 eam salutauit, hortatusque est, ut discipulū
 eius, qui ei suffixus fuisset, exciperet, eam dedi-
 catam atque consecratam esse Christi corpori,
 eiusque membris quasi margaritis ornatam, diu
 eam defatigari ipsum expectando, quemadmo-
 dum Christum magistrum expectasset: latum
 se ad illam venire, cuius desiderio iam diu tene-
 retur. Itaque orare, ut se exciperet ac magistro
 redderet: ut per illam ipsum Christus reciperet,
 qui per eam ipsum redemisset. Cūque ventum
 esset ad crucem, primum Christum orauit, dein-
 de populum hortatus est, ut in ea fide ac religio-
 ne quam tradidisset, permaneret. In cruce verò
 biduum vixit, cū interea nullum finem docen-
 di populi fecit. Qua illius doctrina & maxima
 constantia adductus populus, ad proconsulem
 adiit, maximæque voce ab eo contendit, ut sibi
 hominem qui iuste, piè, sanctè vixisset, redde-
 ret, neque hominem Deo charum, ac clementem
 interficeret. Quod si in proposito permaneret, se
 effracturum ipsius fores, minitari, eūmq; inter-
 fecturum. *Aggeas* proconsul populi tumultuan-
 tis fu-

tis furori cedendum ratus, egreditur, atque una
 cum eo ad crucē ut *Andream* eriperet ac sol-
 ueret, proficiscitur. Quem ut vidit *Andreas*,
 eum rogauit, quamobrem veniret, num in ani-
 mum induxisset, eis assentiri quæ doceret. Cum-
 que *populus* eum eo cōsilio venire diceret, ut il-
 lam liberaret, ille *Christum* orare cœpit, ne se
 ab ipso separari, ac de cruce deponi sineret, se e-
 nim vim crucis quam semper optasset, sentire,
 tempus esse ut terra corpus ipsius cōmitteret, ac
 spiritum quem illi commendaret, acciperet. Itaque
 in cruce pridie *Calendas Decembris* spiri-
 tum edidit. Eius autē corpus *Maximilla* qua-
 dam Deo chara cū aromatibus præclarissimo,
 tantoque & apostolo & viro dignissimo loco
 sepeliuit. Eius sacrosanctas reliquias, *Luca* ac
Timothei Hieronymus in libro quem in *Vigi-*
lantium sanctorum eorūque reliquiarum ho-
 stem scripsit, à *Constantino* imperatore *Constan-*
tinopolim translatas maxima populi frequētia
 asserit. *Gregorius* verò *Turonensis* sanctus pon-
 tifex, scribit in *Achaia* oppido in quo *An-*
dreas Christi nomine mortem, ut dixi, perpes-
 sus est, die illius festo etiam memoria sua man-
 na farinae specie, cum odore mira suauitatis ex
 illius tumulo manare solitum, ex eoque oppida-
 nos ita anni insequētis tum vbertatem, tum ca-
 ritatem & sterilitatem intelligere, ut si magna
 copia redūdet, vbertatem, sin exigua, sterilitatem.

significari sciant : oleumque scribit quod interdum vsque ad medium templum fluxerit , profuisse tum agris, siue in potione adhiberetur, siue eo plagæ vel membra morbis affecta inungerentur. Idem miraculum exponit, quod præmittendum non censui. Valet enim ad Christi, & apostoli eius laudem & gloriam. Clodomere Frācorum rege interfecto, cum exercitus collectus viribus Burgundiam vastaret, templum quoddam in quo beati *Andree* & *Saturnini* reliquie condite erant, ita iam incensum erat, ut tigna exusta caderēt. Loci autem incolæ non tam rerum suarum quàm harum reliquiarum amissione permoueabantur ut miseros se esse clamarent, quibus tantorum sanctorum præsidio carendum esset, quod si contingeret, nullam iam sibi salutis spem reliquam fore iudicabant. His ita conquerentibus & acerbè ferentibus, Turo quidam præsto fuisse dicitur, qui cum horum lachrymis ductus, cum sanctorum virtutem sentiens, non minus fide, quàm armis protectus se in medias flammæ immisit, arreptasque à sancto altari reliquias saluus & incolumis foras extulit. Sed continuò ita constrictus hæsit, ut se antè mouere non posset. Itaque se indignum ratus, qui reliquias ferret, puellam quæ sacra præda se non contaminasset, delegit, eiúsque cernici reliquias alliganit.

D. IACO-

D. IACOBI APO- STOLI, IOANNIS

223

Apostoli fratris vita, Ioachimo

Perionio Benedictino Cor-

mariaceno auctore.

IACOBVS Zebedei filius, Ioannis autem
Apostoli & Euangelistae frater, à Chri-
sto hoc ordine, vt Matthaeus scribit, discipu-
lus delectus est. Cum Petrus & Andreas Matth. 9.
eius frater in naui essent, retiâque in aquam
capiendis piscibus demitterent, Christus illis
in disciplinam vocatis, longius progressus, Ia-
cobum de quo dicimus, & Ioannem in naui a-
nimaduertit vnâ cum Zebedeo patre retia re-
ficientes, quos cum moneret, vt se sequerentur,
illi sine mora relicto patre abiectisque retibus
eum secuti sunt. quod de disciplina ratione in-
telligendum est. Neque enim Christus quen-
quam ex discipulis apostolum separatim dele-
git, sed cum magnum iam discipulorum nume-
rum partim nouis inauditisque operibus, par-
tim vitae quam integerrimam ageret, opinione
sibi adiunxisset, ex tanto numero duodecim mo-
do selegit quos apostolorum appellauit nomine,
quod in monte factam esse Lucas commemorat.
Iacobus autem hic cuius vitam scribimus, quan-
tum apud Christum gratia & amicitia vale-
ret, hinc intelligi potest, quod cum ille quandis

hic vixit, in iis habuit semper, quos remotis cæteris quasi arbitris, ad res præcipuæ charitatis indices adhibuit. Nam & in montem, in quod tum eius facies summo splendore illustrata est, tam vestes simili candore nituerant vñ cum aliis duobus Petro & Ioanne, tante gloriæ suæ testem futurum duxit, & pridie quam salutis hominum causa interficeretur, cum duobus eisdem adiunctis secrevit à cæteris. Eum quidem

Act. 12. ab Herode securi percussū esse Lucas in *Actis Apostolorum* commemorat, sed quoniam ad alia properans rei ordinem prætermisit, nō erit alienum pauca de eius & doctrina & morte dicere. Ei Samaria & Iudæa provincie obtigerunt, quas cum docendæ veritatis causa peragraret, atque in publicis conuentibus palam ac liberè Christum Dei filium esse profiteretur, Hermogenes quidam magus discipulum quendam ex suis Phileum nomine ad illum misisse dicitur eo cōsilio, vt eum refelleret. Quo cum ille adhibitis aliquot Phariseis venisset conareturque docere Iesum Christum cuius se apostolum commemoraret, nō esse, vt ipse prædicabat, Dei filium, Iacobus ei facile restitit, cumq; ita scripturis refellit, vt ad Hermogenem rediens hac magna clarâq; voce victus à veritate dixerit, Iacobum, inquit Hermogenes, eum qui se Iesu Christi & seruum & apostolum esse confirmat, scito abs te vinci superarique non posse.

Nam

Nam & cacodæmones eius appellato nomine ex hominum corporibus eijci ac expelli, & cæcis pristinum oculorum aspectum restitui, & eos qui elephantia infecti erant, purgari vidimus. Quinetiam mortuum ab inferis eum excivisse nonnulli qui maxima mecum necessitudine coniuncti sunt, asseuerant. Quid multa? Scripta diuina omnia memoria tenet, quibus docet non alium esse Dei filium, nisi Iesum quem Iudei in crucem egerint. Itaque si consilium quod tibi de magistro discipulus, sequare, veniensque ad eum veniam petas, melius certè tibi rationibusque tuis consules. Si enim hoc neglixeris, artem istam tuam scito nihil tibi deinceps prodesse posse. Nā quod ad me attinet, hoc tibi velim persuadeas, me ad illum reuerti decreuisse, petereque ab illo maiorem in modū, me ut in disciplinam recipiat. Hæc cum Hermogenes accepisset, ira percitus Philetum ita arte sua fixit, ut penitus se loco mouere non posset: tūmq; per ridiculum, Iam inquit, videbimus an Iacobus tuus veniens, te possit soluere. Philetus qui his verbis apostolum malè acceptum irrissimq; cerneret, misit ad illum continuò puerum suum, qui ei hæc omnia exponeret. Apostolus factus certior, ei sudarium suum ad Philetum perferendum dedit, ut cum illud accepisset, hæc diceret, Dominus Iesus Christus erigit elisos, compeditosq; soluit. Puer ilicò præceptis apostoli parat.

magnisque itineribus ad herum contendit. Phi-
 letus sudario accepto, cum verba illa pronūcia-
 set, statim vincula quibus vinctus erat, soluta
 sunt. Quod cum non sine summa admiratione
 animaduerneret, contempta irrisaque arte Her-
 mogenis, ad Iacobum confugit. Hermogenes
 hinc furiis quibusdam agitatus ad insaniam
 adigitur, nec quid faciat, habet. ab arte tamen
 sua praesidium petit, appellat cacodamones, eis-
 que imperat, ut se ad Iacobum Philetumque
 conferant, eosque ad se, ut de illis ipse suppli-
 cium sumeret, pertrahant. sic enim fore, ut Phi-
 leti supplicio ceteri discipuli à simili audacia
 deterreantur. Parent illi quidem, sed ut pri-
 mum ad eum locum in quo Iacobus orabat,
 pervenerunt, vociferari ac rogare coeperunt, ut
 misericordia ipse commoveretur, se enim iam
 ante incendiū tempus ardere. Ille quamobrem
 venerint rogat. Causam quam paulò ante ex-
 posui, ab eis discit, eosque Iesu nomine ut Dei
 angelus soluat, clara voce ut omnes intellige-
 rent, Deum precatur, eisque imperat, ut ad
 se Hermogenem saluum & incolumem perdu-
 cant. Abeunt illi, Hermogenemque ligatum
 vinctis à tergo manibus ducunt ad Iacobum,
 ita tamen, ut hoc illi in itinere obijcerent, quòd
 ipsos eò misisset, ubi incendio conflagrassent.
 Perductum Iacobus stultissimum eum homi-
 num appellat, quòd cum generis hominum ha-
 ste rem

ste rem haberet, nec consideraret, se ab illo contendisse, ut angelos suos ad ipsius perniciem exitiūque mitteret, quos ipse ne in illum impetum facerent vetaret. Clamare etiam tum cacodæmones, rogareque Iacobum, ut Hermogenem sibi dederet, de quo ita consulerent, ut & illius iniurias, & sua incendia ulciscerentur. Iacobus eos rogat, cur Philetum qui aderat, non arriperent: cūque illi negarent vel formicam quæ in ipsius cubiculo esset, se posse contingere, ipse Philetum docuit, disciplina religionisque nostra esse, bene mereri de iis qui malè de nobis meriti sint. Itaque eum iubet Hermogenem soluere, qui ipsum vinxisset: & qui vinctum à dæmone ad ipsum pertrahere conatus esset, liberum solutūque eum dimittere, Solutus Hermogenes primum abiectus stare cœpit: deinde cū ei Iacobus potestatem abeundi quo vellet, fecisset, quòd negaret disciplina nostra esse, quenquam ad eam inuitum traducere, se ille dæmonum furorem nosse dicit, ob eamque causam minimè dubitare, quin arreptum se illi diuersis suppliciis necarent. Apostolus eius vicem dolens, illi scipionem, quo ipse in itinere rti solitus esset, tradidit, cūque bono esse animo illo comite iussit. Magna vis illo in bacillo inesse visa est. Ut enim domum Hermogenes venit, illudque & suis & discipulorum suorum cervicibus ap-

posuit, repētē totus mutatus est, cōquisitos etiam
 tunc libros qui de magia scripti erant innume-
 rabiles ad Iacobum pertulit, cōsq; æquo animo
 exuri passus est. Hinc se ad apostoli pedes abj-
 cere cœpit, petens ab eo maiorem in modum, vt
 pœnitentem reciperet, quem invidentem & ob-
 trectantem adhuc tulisset. Iacobus qui ignora-
 ret, quo id animo consilioque faceret, respondet,
 Si verē & ex animo ipsum acta ad illud tem-
 pus vitæ pœniteret, veram eum misericordiam
 à Deo veniāque esse cōscuturum. Ad que
 ille, Tam, inquit, veram Deo pœnitentiam of-
 fero, vt & omnes codices meos qui malis arti-
 bus referti erant, vt scis, abiecerim, & omnibus
 inimici artibus nuncium remiserim. Quod cum
 apostolus ab eo accepisset, imperauit illi, vt id
 iam verum esse doceret ac profiteretur, quod fal-
 sum esse asseuerasset, simulacrum quod venera-
 retur, & à quo oracula se accipere putaret, in
 partes diuideret ac comminueret, pecunias quas
 malis artibus quesuisset, in res bonas profun-
 deret: vt quemadmodū Diaboli filius eum imi-
 tādō fuisset, Dei iam filius efficeretur, qui quo-
 tidie in ingratos beneficia conferret, & in obtre-
 ctatores clementem se præberet. Si enim tu, in-
 quit, cum in Deum impiē tā multa feceris, ipse
 contrā multis te bonis affecit, quantō in te futu-
 rus est benignior; si & magus esse desieris, &
 benefactis ei gratus studueris esse? Hæc atque
 talia

talia cum Iacobus dixisset, ita Hermogenes e-
 ius praeceptis paruit, ut perfecta absolutaque
 virtus qua deinceps in eo fuit, ad mira inusita-
 taque opera perueniret. At Iudaei cum non
 Hermogenem modò, quem inuictum putarent,
 verumetiam eius discipulos & amicos omneis
 in Christi fidem Iacobi oratione traduci reci-
 piique animaduverterent, Lysia ac Theocrito cen-
 turionibus qui tum illis locis praefuisse dicuntur,
 pecunia largitionibusque persuaserunt, ut eum
 in custodiam traderent. Orta autem seditione,
 ut sit, in populo, eum educi è custodia, audiriq;
 quemadmodum lex iubebat, placuit. Eductum
 Pharisei rogant, cur Iesum Christum hominẽ
 quem inter latrones in crucem sublatum esse cõ-
 staret, publicè laudibus ornaret. Ipse cum eos
 Abraha filios appellauisset altè petito exor-
 dio, hoc Abraha à Deo promissum esse dixit,
 fore ut nationes omnes illius seminis, id est, po-
 sterorum hereditatem adirent, semẽque illius
 non in Ismahele qui vnà cum Agara matre
 eiectus fuisset, sed in Isaco intelligi, cùm hoc
 Deus ipse declarauerit his verbis, In Isaac vo-
 cabitur tibi semen. Abrahamum verò amicũ
 Dei appellatum esse antè quàm praeceptum de
 circumcidendo praeputio à Deo accepisset, antè
 quàm sabbatum coleret, antequàm legem ullã
 diuinitus latam cognosceret: eumque amicitia
 cum Deo coniunctum fuisse, non quòd praeputiũ

sui carnem ipse circumcidisset, sed quod Deo cre-
 didisset, cum prædixisset, ad omnes gentes eius
 seminis venturam esse hereditatem. Quod si
 Abraham, inquit, gratiam à Deo iniit, cum
 ei fidem hoc pollicenti ac prædicenti habuit, cer-
 tè perspicuum est, eum qui illi non credat, ini-
 micitias cum eo exercere. Cùmque Iudei que-
 rerent, quisnam esset tam amens, qui Deo
 non crederet: eum respondit, qui non crede-
 ret seminis Abrahamæ hereditatem ad omnes
 gentes peruenturam esse, qui Mosi, Esaiæ, Hie-
 remiæ, Daniëli, Dauidi, caterisque prophetis,
 qui de Christi aduentu, morte, resurrectione,
 ascensu in cælum certissima clarissimæque te-
 stimonia dixissent, fidem non haberet. Atque
 hæc omnia Iacobus ex prophetis memoriter cū
 maxima eorum qui aderant admiratione pro-
 nunciavit: multæque præterea exposuit, quæ
 à Christo facta essent & tolerata, ut prophe-
 tæ prædixerant. Quibus commemoratis omni-
 bus, fieri posse negavit, quin Iudei qui hæc mi-
 nus crederent, perpetui ignis supplicio afficien-
 di essent, ac debitas pœnas daturi, cū præsertim
 ij qui essent ex Gentibus, in prophetarum scri-
 pturis sententiis acquirerent. Itaque omnes
 qui circumstantabant, hortatus est, atque monuit,
 ut hæc ipsa tam grauiam tamque indigna sce-
 lera lachrymis obliterarent atque delerent, ut
 nostram, inquit, pœnitentiam Deus pro exi-
 mia

mia sua misericordia & benignitate gratam
 acceptamque habeat, ne ea nobis eueniant, quæ
 contemptoribus euenierunt, de quibus David
 ita scriberet, *Aperta est terra & deglutiuit*
Datan, & operuit super congregationē Abi-
ron. Quæ cum dixisset, aliâq; permulta in ean-
 dem sententiam, omnes ad vnum clamare cœ-
 perunt, se peccasse, iniuste se egisse: itaque orare,
 vt ipse quid agerent, præscriberet. Ille eos bo-
 no esse animo iubet, admonetque vt tantum
 credant, vitalique aqua expientur. Erat tum
 Hierosolymis Abiatharus pontifex, qui cum
 tam magnam multitudinem ad Christi reli-
 gionem fidemq; traduci moleste acerbèque fer-
 ret, pecunia Apostolum in tantam inuidiam
 odiūque apud Phariseos adduxit, vt Iosias
 scribarum vnus eum iniecto in collum fune ad
 Herodē statim perduxerit. perductū Herodes
 securi feriri iussit, quemadmodū ex eo libro *Lu-*
ca, qui *Acta Apostolorum* inscriptus est, in-
 telligi potest, quo in libro ille missos esse milites
 scribit ab Herode, qui Iacobum comprehende-
 rent: quod factum esse tum cum primum Iudai
 ob Hermogenem infesto in eum animo esse cœ-
 perunt, intelligere debemus. Sed ad propositum
 reuertamur. Cum Iacobus Herodis iussu ad lo-
 cū in quo securi eum feriri oporteret, duceretur,
 paralyticum in via, vt Cleomens Alexandrinus
 teste Eusebio in historia Ecclesiastica, tradit,

vidisse dicitur, orātem vt se curaret. Quod cum ipse Christi nomine fecisset, Iosias scribe ille, quem eius ceruicibus funem iniecisse paulo antè dixi, eo extracto, se ad illius pedes misit, magnis precibus petens, vt & sibi ignosceret, & se sacro lauacro expiaret. Iacobus qui hac illum diuino afflatu ductum dicere intelligeret, rogare eum cœpit, Iesúmne Christum, quem Iudei in crucem egissent, verum Dei filium esse crederet: quod cum ille se credere p̄fiteretur, Abiatharius pontifex eum statim comprehendi iussit, eodémque mortis genere quo apostolum, mulctatum iri dixit, nisi quamprimùm & à Iacobo se disjungeret ac secerneret, & nomini Christi malediceret. Sed cum, vt nostri loquuntur, maledictum illius nomen, Christi autem benedictum voce magna diceret, Abiatharus os eius pugnis cadi, eumq; cum Iacobo securi feriri iussit. Cum autem rētum esset ad locum supplicij, lictorem Iacobus rogasse dicitur, vt antè quàm feriret, aquam iuberet afferri. Allata aqua quasiuit à Iosia apostolus, num in Christum Dei filium crederet: qui cum se credere diceret, expiatus est ab apostolo aqua salutaris, osculòq; dato cruce frons illius consignata est. Quibus ritè perfectis, vterque eadem hora eodémque loco morte mulctatus migravit ad Christum
 V I I I. Calendas Aprilis.

B. IOANNIS APO- STOLI VITA, IOA-

chimo Perionio Benedictino
Cormæriaceno auctore.

IOANNES Iacobi Apostoli, quem He-
rodes gladio interficiendum curavit, frater
Zebedæo patre natus est. Is à Christo vnâ cum
Iacobo fratre, cum in mare Galilææ piscatores
retia reficerent, vocatus statim relicto patre re-
bûsque omnibus, se in illius disciplinam, quem-
admodum Matthæus & Marcus exponunt, *Matt. 4.*
tradidit. Inde ex communi discipulorum nume- *Mar. 1.*
ro ad apostolici ordinis dignitatem & hono-
rem Christi benignitate ascendit. Eundẽ Chri-
stus præcipuo quodam amore prosecutus est sem-
per, quod ex illius libro qui Euangelium inscri-
ptus est, intelligi potest. Semper enim cum de se
sermonem infert, proprio prætermisso nomine, di-
scipulum se esse dicit eum, quem Christus cha-
rum haberet, quasi ex illa re aduentitia omnes
quis esset, intellectu ad arbitratum. Quod si ne-
fas est quenquã ab illo falsò iactatum esse exi-
stimare, nos & verum id esse credere, & qua de
causa omnium charissimus Christo fuerit, ex-
quirere debemus. Eum quidem ipse Christus
cum remotis arbitris & in monte mutata for-
ma instar solis fulsit eius facies, & in horto oleis
confito pridie quàm mortem perferret, patrem

Ioan. 14.

oravit, semper adhibuit: sed quoniam & Petrum & Iacobum eius fratrem illius gloria suae atque consilij participes esse voluit, nos ex eo singularem præcipuamque illius in eum charitatem intelligere aut colligere possumus. Alia igitur querenda sunt summi huius amoris argumenta. Duo quidem potissimum mihi diligenter consideranti occurrunt. Vnum quod in extrema illa cæna, ad quam duodecim apostolos adhibuit, cum perturbato more hominum animo eis ipse prædixisset fore ut vnus ex eis ipsum proderet, omnesque maximo, ut par erat, dolore affecti, quem hoc verbo intelligeret, hæsitaret, Petrus qui omnia solitus esset audacius gerere, non à Christo, sed à Ioanne quisnam esset quæ suo sermone Christus significaret, quasiuit, quod scilicet tantum sibi de Christi in Ioannem amore persuaderet, ut facile ei rem totam enunciaturum putaret. Quæ eum non fefellit opinio. Nam cum Ioannes caput in Christi sinu, quod maxima familiaritatis amorisque singularis argumentum est & certissimum & clarissimum, reposuisset, rogatus quisnam esset quem diceret, eum esse respondit, cui intinctum panem iam porrecturus esset. Hinc omnes disciplinae nostrae auctores hominesque clarissimi ex Christi pectore eum hausisse tradunt mysteria maxima, quæ initio euangelij sui de Verbo (terendum est enim vsu hoc vocabulū,) id est de Dei filio exposuit

posuit & enunciauit. Sed non video cur non etiam in exilio hæc multaq; plura alia ei patefieri ostendique potuerint. Atque hoc quidem vnum argumentum est. Alterum est eiusmodi Ioan. 19.
 Cùm Christus salutis omnium nostrum causa cruci suffixus, Mariã matrem Ioãnemq; discipulũ quem diligeret, ad crucem stãtes animaduertisset, matri primũ, vt ipse Ioannes auctor est, Ioannẽ eius esse filium, deinde Ioanni, Mariam eius matrẽ esse dixit. Quæ Christi cõmendatio apud Ioannem discipulum tãtum valuit, vt quandiu illa talis mater vixit, eam quibuscunq; potuit officiũ sit prosecutus. Quod si Christus in hoc mundo moriens nihil matre, quam Ioanni de quo dicimus, matrem attribuit, charius habuit, profectò vel ex hoc vno quàm eum charum habuerit, intelligere possumus. Nec mirum videri debet, si matrem Ioanni moriens cõmendauit, cùm virgo vterque permãserit. Hinc etiam plerique præcipui amoris causam ducunt, quod & virgo tum esset, cùm à Christo vocatus accersitusque est, & in suscepto castimonie seruandæ consilio propositoque permansit. Quẽadmodum autem singulari quodam ac præcipuo amore Christus in eum fuit, sic ipse Christum præ ceteris amauit. Quod hinc intelligi potest, qui cum Christus tertio quàm in crucem actus esset die excitatus ab inferis, sepulcrum in quo humatus fuerat, prima luce vacuũ reddidisset,

Ioan. 20. quadámque mulieres, in iis *Maria Magdale-*
ne, sepulcrum sine Christi corpore reperissent,
Maria Magdalene ad *Simonem Petrum* ve-
 nit & ad hñc *Ioannem*, eisque dixit sublatum
 esse è monumento dominum, nec scire se ubi col-
 locatus esset. Quòd cum illi audiuissent, sine mo-
 ra ad sepulcrum sibi eundum esse censuerunt.
 Currentes autem prae desiderio magistri, non si-
 mul eodémque momento temporis peruenerunt,
 sed *Ioannes* anteuertit, priórque ad sepu'crum
 ingressus est. Nō est autem id quidem dubium,
 quin hi duo Christum charissimum habuerint.
 Quòd si *Ioannes* hoc suo officio *Petro* in Chri-
 sti amore non concessit, sed eum superauit, certè

Luc. 22. omnes facillè vicit. Hunc Christus vnà cum
Petro misit, qui significarent ei quem vellet, a-
 pud illum se vnà cum discipulis agnū pascha-
 lem esse comesturum. Mira erat in eodem agno-
 scendi Christi solertia & ratio. Nā cum Chri-

Ioan. 21. stus ab inferis excitatus, *Petro*, *Ioāni*, *Thoma*,
 aliisque discipulis piscantibus se in litore maris
 ostendisset, quasissetque ab eis ipsum ignorāti-
 bus num quid cœpissent, illique se quicquam cœ-
 pisse pernegassent, atque ille anclor eis fuisset,
 vt rete ad nauigij dextram mitterent, missóque
 reti tātā vim piscium cœpissent, vt trahi prae
 multitudine non posset, eis etiam tum tanto edi-
 to miraculo ignotus fuisset, nisi *Ioannes* *Petro*
 dominum esse dixisset. Itaque *Petrus* cum ille
 dominum

dominum esse dixisset, eius orationi fidem habuit, ceterique qui aderant, qui omnes à Christo in convivium adhibiti sunt. Eodémque die nec ita multò post, cum Christus Petro ut se sequeretur imperaret, Petrusque qui Ioannem sequentem cerneret, à Christo quid Ioannem facere vellet, quæsuisset, Christus ei respondit: Si eum manere in vita vellet, quoad ipse veniret, quid ad eum. Ex quo factum est, ut discipuli hoc ita acceperint, ut existimarēt Ioannem nō *Ibidem.* esse moriturum, quanquàm hoc Christi verba, quemadmodum ipse Ioannes ait, non significarent. Idem accepto spiritu sancto, una cum Petro hora nona orandi causa Hierosolymitanum templum ingredi cœperat, cum Aeneas quidā qui paralyticus & claudus ex utero matris natus erat, ferebatur, ut ad portam Speciosam quemadmodum quotidie solitus erat, collocatus, ab introeuntibus in templum aliquid acciperet. Is cum Petrum & Ioannem tum vidisset, rogare eos cœpit, ut sibi aliquid erogarent. Illi ut se intuerentur, cum dixissent, continuo paruit, quod se aliquid ab eis accepturum esse speraret. Petrus autem se argento & auro cavere quidem dixit, sed quod haberet, id se illi dare, id est sanitatem. Itaque cum primū ei imperavit ut Iesu Christi Nazareni nomineurgeret & incederet, saluus & incolumis surgere & ingredi cœpit: intrānsque cum illis in tem-

Act. 3.

plum, Deo cum laudibus gratias egit. Hoc autem miraculum non solum ad Petrum, verumtiam ad Ioannem pertinere, hinc sciri potest, quod cum Aeneas apostolos in templo tene-
ret, concursusque eo magnus populi admirantis factus esset, Petrus omnes hortatus est, ne sic ipsos intueretur, quasi illum sua ipsorum vi & auctoritate curassent. Hoc totum esse tribuendum fidei Iesu, quæ illi quidem tradidissent, & auctorem vitæ interfecissent, Deus autem ab inferis excitasset, cuius rei ipsi testes essent. Sibi quidem exploratū esse, id factum ab eis esse imprudentia. Itaque se illos monere, si illius sceleris eos pæniteret & conuerterentur, fore, ut eorum peccata obliteraretur. Hac & similia eorum cum ad populum loquerentur (Lucas enim sermonē utrique attribuit) sacerdotes magistratūque templi & Saducei interuenerunt, qui quod egre ferrent ab eis Iesu vi ac nomine resurrectionem mortuorum doceri atque tradi, cōprehēsos eos in custodiam in crastinum tradiderunt. Eorum autem illa oratio tantum in animis populi valuit, ut quinque milia hominum ad Christi fidem religionēque deduxerint. Postridie scriba & seniores, itēque Annas pontifex, & Caïphas, cateriq; sacerdotes conuenerunt, ut quid in eos statuendum esset viderēt. Productōsque illos, cuius vi ac nomine hoc fecissent rogauerūt. Christi nomine, Petrus res-
dit,

Act. 4.

dit, quem illi cruci suffixissent : Deus autem à mortuis excitasset, per eum eiusque benignitate hominem sanum esse quem cernerent. Eum esse lapidem qui ab illis adificantibus improbat, à Deo in capite anguli collocatus esset : nec in alio salutem consistere. neque enim nomen aliud in terra hominibus datum esse, quo servari nos oporteat. Illi cum utriusque constantiam animaduernerent, quos imperitos & ignaros sciret, admirabantur, nec contradicere ac repugnare poterant, cum hominem quem curassent, cerne-
rent. Secedere tamen eos paulisper extra concilium iusserunt, ut quid agendum esset inter se deliberare possent. Nec verò quicquam statuere potuerunt, cum res ita illustris & clara esset, nisi cum minis vetare eis, ne iam Christi nomine quicquam loquerentur aut docerent. Quod cum eis imperatum præscriptumque esset, hoc tantum respondisse dicuntur, Si æquum esset apud Deum eos potius audire quam Deum, ipsi viderent ac iudicarent. Se enim non posse non loqui quæ vidissent & audissent. Paulus in epistola Galat. 2. ad Galatas scribit, septimodecimo quā à Christo vocatus esset, anno, se iterum Hierosolymā una cum Barnaba & Tito propter evangelij causam rationemque venisse. qua in vrbe cum Iacobus, Petrus, & Ioānes hic, quos dicit habitos esse columina, munus quod ipsi à Christo cæcesum esset, cognovisset, dextras ipsi ac Barnabæ

Act. 8. societatis, ab illis datas esse, ut ipsi ad Gentes, illi autem ad Iudaeos nostrae religioni instituentos infirmandosque proficiscerentur. Philippi qui ex septem diaconis vnus fuit, oratione atque doctrina Samaritani magna ex parte Christianam religionem acceperant, cum apostoli re comperta & cognita Petrum & Ioannem eodem miserunt, ut eorum manuum impositione Samaritanis Spiritus daretur. Illi ergo cum venisset, orassentque ut illi Spiritum acciperent, impositis manibus, Spiritus sanctus in eos descendit. Hoc cum Simon qui magus dicitur, quemque Philippus quento modo dixi, conuersum aqua salutari expiauerat, animaduertisset, ab apostolis contendit maiorem in modum, ut pecunia ad hanc ipsam vim, dignitatemque perueniret. Quod illi ita infensis animis acceperunt, ut Petrus pecuniam illi male euenire vertique optauerit, quod Dei munus pecunia queri haberi que existimaret. Eum tamen admonuit, ut illius sceleris ipsum paeniteret, rogaretque Deum, ut flagitio suo ignosceret. Ille contra ab eis petiuit, ut ipsi pro se Deum precarentur, ne quid eorum quae dixissent, ipsi eueniret. In partitione autem prouinciarum Ioanni Asia obtigit, quemadmodum etiam Eusebius principio tertij libri historiae Ecclesiasticae commemorat. Quod multo post Christi ascensum factum esse primum hinc sciri potest, quia Ioannis mentionem nullam facit

Lucas in libro qui *Acta Apostolorum* inscribitur, cum totam *Asiam* Paulum peragrassé scribit. Deinde quòd Paulus Timotheum pontificem Ephesinum creauit, quemadmodum ex priore ad eum epistola intelligi potest. Hoc autem cū accidit, quot anni intercessissent à Christi ascensu, cognoscere poterit, qui *Acta Apostolorum* cum *Chronicis* Eusebii conferet. Præterea si Timotheus Paulo supersuit, sicuti supersuit, non loco suo eum Ioannes inuit. Ita ed viuo Ephesinam Ioannes ecclesiam non gubernauit. Atqui omnes qui eum *Asia* Christianam religionem disciplinamque tradidisse, aut potius prouinciam totam in ea confirmasse scribunt, eum Ephesi sedisse & mansisse volunt. Fieri tamen potest, ut viuo Timotheo & ante & post mortem Pauli *Asiam* illustrauerit: Timotheo autem mortuo pontifex Ephesinus creatus sit, & quasi in demortui locū successus. Quo autem tempore primum in *Asiam* docenda amplificandæq; Christianæ fidei religionisque causa profectus sit, etsi comperire non possumus, hoc tamē perspicuum est, cum totam illam obiuisse prouinciam, quod quidem mihi fecisse ante Mariæ virginis matris Christi mortem non videtur, idque mihi datus spero omnes, qui quantæ curæ ei illa fuerit considerauerint, præsertim cū à Christo sibi commendatam fuisse meminisset. Mariæ autem mortem quin-

decimo anno post Christi ascēsum accidisse Eusebius in Chronicis auctor est. Sed de his hactenus. Ioannes quidem cum Ephesi atq; adeo in tota Asia verbū Dei predicaret, Domitiano Vespasiani filio imperatore, ab illo quartodecimo imperij anno, qui extremus fuit, ut etiam Hieronymus tradit, Epheso Romā accersitus, & ad portam Latinā in conspectu Senatus in dolium feruentis olci plenum missus esse dicitur, ex quo saluus & incolumis sine ullo doloris sensu magna omnium admiratione exierit. Hoc ita esse Ecclesia declarat, quæ eo ipso die, id est pridie Nonas Maij quotānus sacrum solenne eius rei & honoris illius causa agit. Quinetiam, eo ipso loco, ei templum miro opere edificatum consecratūmq; esse dicitur: Domitianus, quē Ioannis orationi tam inusitata rei miraculo addmētum, credere, eūque in primis colere & habere oportebat, non modò ei honorem vllum nō habuit, verumetiam in proposito tradendæ discipline nostræ permanentem, contra imperium suum, in insulam Patmos deportandum curauit. In ea insula eo die quem Dominicum nunc etiam dicimus, visio quedam ei oblata est, qua illi multa magnaque mysteria patefacta sunt, ut ea cum scripsisset, ad septē Asiæ Ecclesias, Ephesinam, Smyrnensem, Pergamenā, Thyatiranam, Sardensem, Philadelphianam, Laodicensēque iussu Dei miserit. Illic autem an-

Apoca. I.

num vnum & eo amplius fuit. Nam quartodecimo Domitiani anno eò in exilium missus est, & Ephesum Nerua imperatore qui Domitiano successit, quique biennium tantum vixit in imperio, rescissus Domitiani actus, magna cum gloria rediit. Cum in urbem introiret, fortè Drusiana quaedam mortua efferebatur, vidua & nostre disciplina particeps, & magnis virtutibus prædita, quæ eadem magno Ioannis desiderio tenebatur. Propinqui illius omnes ut eum aspexerunt, Drusianam se efferre clamauerunt, quæ & eius præceptis monitisque paruisset semper, & ipsos aluisset, & desiderio ipsius tanto flagrasset, ut ferè quotidie se ita eius videndi cupidam esse diceret, ut si illi semel eum contingeret videre, æquo animo hinc euolaret. Eum venisse, & illum eam iam videre non posse. Itaque rogare se, ut ei subueniret. Ioannes illorum precibus ac lachrymis impulsus, & quod Drusianam ipse vicissim charam habuisset semper, ei ut surgeret, & domum ad instruendum conuiuium iret, imperauit, cum hoc ei dixisset, Dominus Iesus te ab inferis excitet. Illa statim surgens domum, ut quod Apostolus iusserat faceret, properare ita cœpit, quasi non mortua, sed à somno expergefacta videretur. Craton erat philosophus illis temporibus in magno apud suos honore & præcio. Is fortè cum mundum contemnendum esse docere vellet, duos adolescentes fratres admodum

locupletes suo sermone impulerat, ut totum patrimonium primum venderent, deinde ea pecunia quam magnam collegissent, gemmas aliquot quæ in precio essent, emerent, postremo certo quodam die palam in foro in conspectu totius populi eas frangerent. Quod cum Ioannes illac præteriens animaduertisset, accersivit ad se Cratonem, eiusque illum diuitiarum contemptum & despicientiam triplici ratione damnauit. primum quod cum sermone hominum laudaretur, diuino tamen iudicio vituperaretur & improbaretur. deinde quod eiusmodi contemptio cum tam vim non habeat, ut vitia curaret animi, vana esset & inutilis, non secus atque medicina, quæ adhibita, morbum minimè curaret. postremo quod tum demum diuitiarum contemptus dignus laude gloriæque sempiterna esset, cum quis venditis suis omnibus, pretium pauperibus largiretur, quemadmodum Iesus adolescens cui-dam dixisset, Si vis perfectus esse, vade & vende omnia quæ habes, & da pauperibus. Craton ad hæc respondit, Si verè Deus esset magister ipsius, & vellet, quemadmodum dixisset, vendi omnia & erogari pauperibus, faceret ipse Ioannes, ut gemmæ illæ quæ fractæ essent, ad pristinam formam integritatemque redirent, ut quod ipse aucupandæ auræ popularis causa fecisset, ille diuinæ gloriæ tribueret. Ioannes tum collectus gemmarum fragmentis orauit, & tam

integra,

integra, quàm prius fuerant, gemmae extiterunt. Quo miraculo Craton & duo illi adolescentes obstupescit, crediderunt, venditisque gemmis, precium egentibus erogarunt. Idem cum totam Asiam religione nostra imbueret, à barbaris quos infideles vocamus seditione concitata, in templo Dianae pertractus est, ut ei immolaret & sacrum faceret. Ipse autem hanc eis conditionem proposuit, ut si illi Christi templum Dianae fide implorata euerteret, ipse Dianae sacrificaret: sin ipse appellato inuocatoque Christi nomine Dianae templum funditus tolleretur, illi Christo crederent. Quae cum maiori parti placuisset conditio, egressique essent omnes e templo, ut primum Ioannes orare cepit, & templum corruit, & Dianae simulacrum comminutum est. Aristodemus autem quidam pontifex cratum sacerdotum, qui re cognita ita populum concitauit, ut una pars cum altera praelio decertare constitueret. Quod cum molestè ferret Apostolus, ad Aristodemum adiit, quasivitque ab eo quatenus tandem ratione ipsius animum ita infestum placare posset. Ille ita demum se & omnem animi iracundiam ac ferociam depositurum, & Christo quem Deum predicaret, crediturum pollicitus est, si venenū quod daturus esset biberet, nec ei quicquam mali afferret. Accepit conditionem Apostolus, quem ut vidit Aristodemus tanta fiducia prae ditum, quò facilius eum à su-

scepto consilio deterreret, duobus se daturum esse dixit, qui ut primum bibissent, necarentur. Ne hoc quidem Ioannem deterruit. Aristodemus ad proconsulem veniens, duos petiuit, qui crimine capitis damnati erant. Hi cum primum venenum biberunt, spiritum adiderunt. Ioannes autem poculo accepto cum signum crucis expressisset, magno fortique animo cum totum venenum hausisset, nihil mali sensit. Omnes mirari, Deumque laudibus efferre. Aristodemus autem nondum sibi satisfactum esse dixit, nec animo suo satis fieri posse, nisi eos ipsos, qui mortui essent, ab inferis excitaret. Tum Apostolus ei tunicam suam tradidisse dicitur, quam cum Aristodemus accipiens, quæreretur, cur eam traderet, an eo pacto ipsum facilius sibi assensurum putaret, illa quo facilius se victum fateretur, acceptam iussit mortuis adhibere, ac dicere se ab Apostolo Christi missum, ut reuiuiscerent. Quæ cum dixisset, statim surrexerunt. Proconsul & Aristodemus una cum suis omnibus tam inusitata rei miraculo impulsæ, sacris disciplinae religionisq; nostræ initiati sunt.

Non erit alienum hoc loco aliquid commemorare. Eusebius in libro quodam prolatum, de Ioanne scribit, exponere. Ioannes cum ex insula Patmos reuocatus esset, rogari solitus erat, ut finitimas etiam ecclesias illustraret. In eo munere cum esset, ad quamdam

dam urbem venit, in qua omnibus peractis solennibus institutis, cum adolescentem quendam bene affecto corpore formæque eleganti, sed nimis acri ingenio præditum cōspicatus esset, cum pontifici eius loci, qui paulo antè institutus fuerat, summo studio commendavit, cuius se rei testem & Deum & ecclesiam habere dixit. Ille omnē se curam diligentiamque adhibiturum esse promisit. Eadē cum apostolus saepe dixisset, Ephesum reuertit. Pontifex ille adolescentem sibi à tanto apostolo commendatum domi suæ educavit, erudiuit, ad extremum etiam saluari aqua expiavit. Tum vero paulo indulgentius & lenius habere adolescentem & tractare cepit. Quod ille ut intellexit, cum aequalibus versari liberius cœpit, quorum consuetudine corruptus, voluptatisq; illecebris delinitus, nihil prius habuit, quàm ut virtutes fugeret ac odisset, vitia sequeretur & amaret. Primum quidem eum conuiuiorum epulis, apparatusque alliciunt, deinde nocturnorum furtorum socium asciscunt, post etiam ad maiora flagitia pertrahunt. postremò eum ita illi instituunt & inficiunt, ut quasi equus frangi impatiens, nullum esset facinus tantum, nullumque scelus, quod non & susciperet libenter, & perficeret libèrius. Quin etiam eum se in eo genere certaminis præstitit, ut statim ei discipulo cōtigerit omnes magistros longè multumque superare: Quid multa? Eis

auctor est, ut siue sicariorum, siue prædonum ex
 se manum instituerent, cuius ducem se ac ante-
 signanum fore profiteretur. Inter eà Ioannes ro-
 gatur ut ad illam ipsam urbem veniret. Ad
 eam ut venit, compositis confectisque rebus o-
 mnibus, quarum causa accersitus erat, pontifi-
 cem adit, ab eoque repetit pignus quod apud il-
 lum deposuisset. Ille qui pecuniam à se repeti
 quam non acceperat, existimaret, primum mi-
 rari: deinde cum Ioannem eiusmodi putaret, qui
 nec fallere sciret, nec quærere vellet, quod nõ tra-
 didisset, stupore quodam hæere. Ioannes qui il-
 lum hærentem animaduverteret, reposcere se dicit
 eum adolescentem, quem non ita pridem illi ma-
 ximo studio cõmendasset. Senex tum lachrymis
 profusis, eum mortuum esse dixit, quo autẽ mor-
 tis genere, cum rogaretur, Deo mortuum esse re-
 spondit, sceleratum enim & facinosum eua-
 sisse. Eum latronum & sicariorum ducem cum
 illis montem quendam occupasse. Eo nuncio ita
 perturbatus Apostolus fuisse dicitur, ut lace-
 rata veste, percussioque capite cum ingenti ge-
 mitu, ei dixerit, O bonum animi fratris custo-
 dem! Statimq; sibi equum sterni, & ducem iti-
 neris dari iussit. Conscenso equo, ad mōtem pro-
 perare cœpit. Eo cum peruenisset, prædones qui
 in insidiis erant, eum occupāt. Ille cum nec cla-
 bi ex eorum manibus, nec usquam diuertere ni-
 teretur, magna tantum voce clamare cœpit, se
 de

de industria eo venisse, tantū ad se ducem suum adducerent. Veniebat iam armatus ad certam ut sperabat prædam, cum eminus agnito Ioanne, pudore prohibitus non est ausus accedere, sed quanta potuit celeritate, fugere cœpit, quē apostolus subditis equo calcaribus, fugientem secutus, à tergo querebat, quid fugeret conspectum patris filius: cur inermem senem armatus inuenis. hinc bono animo eum esse iubet, spem ei magnam reliquam etiam esse dicit: se præterea rationem illius redditurum, & mortem pro illo libeter subiturum, quemadmodum pro nobis eam Deus pertulisset. Itaque tantum insisteret, & crederet, se enim missum esse à Deo. Restitit ille tandem, vultūque demisso, primum arma abiicit; deinde ingentem vim lachrymarum profunderē cœpit, postremo se ad pedes accedentis ad se apostoli misit: magno gemitu, suspiriis, lachrymis denique, veniā precatur, cum interea dextram qua multos se interfecisse reputabat, occuleret. Apostolus iurisiurandi sacramento veniam se à Deo impetraturum pollicetur, proolutusque eius pedibus, dextram quam ille cadis conscientia quæ eum angebat & torquebat, occultebat, osculans quasi pœnitentia iam expiata esset, ad ecclesiam eum reuocat, & reducit. Tum vero crebris ieiuniis, precibusque vnā cum eo susceptis & seruatis, veniam quam ei pollicitus erat, à Domino impetrare conatus est, admixtis

interim crebris sermonibus consolandi causa,
 quibus eius efferatos mores leniebat: nec ante
 destitit, quàm eum omnino pœnitentia muta-
 tum, & correctũ, ecclesiæ præficeret. Hoc Ioan-
 nes factò suo docuit, quanta cura sibi esset pecca-
 toris salus. Vt autem beneuolentiam peccatori-
 bus quanuis penè, vt ita dicam, desperatis ac
 comploratis præbebat, sic eis qui Christianam
 religionem fidemque pertinaciter oppugnabāt,
 ita resistebat & aduersabatur, vt rei nullius
 cum eis societate coniungi vellet. Id quod Ire-
 naus libri tertij tertio capite, vna in re tradi-
 dit, ex qua de cæteris coniecturam facere pos-
 sumus. Scribit enim fuisse etiam tum cum libros
 qui aduersus hæreses inscripti sunt, componeret,
 qui se à Policarpo Ioannis huius discipulo au-
 diuisse dicerent, cùm Ioannes ipse Ephesi ad
 balneas lauandi causa veniens Cerinthum hæ-
 reticum animaduertisset, eum re infecta quàm
 primum discessisse, quòd vereri se diceret, ne
 balneæ, in quibus Cerinthus veritatis hostis
 esset, conciderent. Idem eodem & libro & ca-
 pite ecclesiam Ephesinam à Paulo fundatam
 esse tradit, Ioannemque in ea vrbe & ecclesia
 vsque ad Traiani tēpora remansisse. Eundem-
 que scribit eiusdem libri capite primo extremo
 Euangelium suum tum scripsisse, cùm Ephesi
 esset. Quanquam Dorotheus in ea est sentētia,
 vt dicat Euangelium ab eo in Patmo insula
 scriptum

Irenæus.

Dorotheus.

scrip'tum esse, & per Caium Ephesi ab illo editum. Quæ autem ei causa Euangelij scribendi post Mattheum, Marcum, & Lucam fuerit, docet Hieronymus. Ait enim eum scripsisse, Hierony. vel quòd tñ iam orta essent hereses Cerinthiorum, & maximè Ebionitarũ qui Iesum ante Mariam non fuisse assererent, ob eamque causam à diuinitate coactũ fuisse capere exordiũ, vel quòd cùm trium quorum modo mentionem feci, Euangelia euoluisset, probarit illa quidem, sed cum vnus tantum anni Christi res gestas, in quo etiam mortẽ perpeßus esset, expositas ab illis offendisset, ea sibi quæ ille superioribus duobus gessisset, exponenda commemorandaque censuisset. Scripsit etiam tres epistolæ, primam ad omnes Ecclesias, alteram ad quandam mulierem quam dominam etiam vocat, & ad eius liberos, tertiam ad Caium. Eas Ecclesia vniuersa probauit, Ioannique apostolo attribuit. De vitæ quam longissimam sanctissimamque traduxit, diuturnitate, id est quandiu vixerit, varia traduntur. Dorotheus quidem eũ annos centũ & viginti expleuisse scribit. Communis nũc opinio est, eum nouem & nonaginta vixisse. Nam ex eo quod Hieronymus tradit, eũ octauo & sexagesimo post Christi mortẽ anno excessisse ẽ vitæ, longam eius ætatem fuisse intelligimus: quàm vero longa fuerit, planè non intelligimus, nisi quod minimum ad centesimum

ferè peruenerit. Neque enim cum Christus tum cum puer esset, delegit, sed maiorem viginti annis. De morte autem eius hoc ab ecclesia traditum accepimus. palàm enim ac publicè in templis antè mille annos, quàtum ex librorum antiquitate intelligi licet, canitur. Is ergo paulò antè diem festum pasche octauo & sexagesimo à Christi morte anno ut Hieronymo placet, Christum unà cum discipulis visus est videre, aut vidit potius inuitantem ipsum ad conuiuium suum, cui iam discipuli adhibiti essent. Quem ut vidit & audiuit, passis manibus primum ei gratias egit quòd ad se venisset, quem sciret maximo sui desiderio teneri. deinde eum obnixè rogauit, ut se ad epulas & conuiuium suum transferret, ut esset cum discipulis suis, cum quibus ipsum inuississet. Tū ei Christus pollicitus esse dicitur se ad diem festum pasche qui ad paucos dies futurus esset, esse venturum. Itaque ad eum se ipse compararet, terramque defodiendam curaret, in qua se ipse poneret & inhumaret. Itaque Dorotheus ait Ephesi eum se ipsum Dei voluntati ac precepto parètem sepelisse. Hieronymus autem eum ad urbem sepultum esse scribit. Quo autem modo, congruenter iis quæ de Ecclesia paulò antè dixi, exponam. Die igitur cōstituto præscriptoque à Christo, omnes eos qui sacerdotum ordinem explebant, conuocasse, atque in specum se abiicisse

abiecisse dicitur, ac præcepisse, quemadmodum Gregorius Turonensi pontifici qui mille ferè ab- Gregorius
hinc annis fuit, placet, ut se circumstantes humo Turonen.
contererent. Quod cum factum esset, tantum ibi
lumen repente extitisse dicitur, ut nihil præ eo
omnes qui aderant, cernere possent. Eo autem
subtracto, ferunt cum in fossa quidnam reliquum
esset scrutati essent, eos mannam tantum farine
candorem imitantem reperisse: eamque ex sepul-
cro illius sua etiam memoria manare solitam
idem Gregorius scribit, quæ eam vim haberet,
ut per uniuersum orbem longè latèque deporta-
ta, medicinam ægrorum morbis afferret. Idem-
que auctor est, in cuiusdam montis vrbi proxi-
mi cacumine, quatuor parietes sua etiam memo-
ria extitisse, intra quos ille semper populi pecca-
tis Deum placare solitus esset. Quinetiam cum
ad euangelium scribendum eum delegisset locum,
& illum petisse, ut nullus ed è cælo imber, quo-
ad opus institutum absoluisset, descenderet, &
miraculis illud ad suam etiam ætatem perseue-
rasset scribit. Augustinus autem explanans il- Augusti.
lius librum extremum, qui Euangelium inscri- in Ioannē.
bitur, commemorat ætate sua famam constan-
tem fuisse, in sepulcro eius terram sensim scatu-
rire, & quasi ebullire solitā, quod quomobrem
fiat, non audet certum aliquid pronunciare.

VITA BEATI

MATTHAEI APOSTOLI,

Ioachimo Perionio Benedi-

ctino Cormariace-

no auctore.

Marc. 1.

Luc. 5.

Matt. 4.

MATTHAEVS publicanus, cui & *Leui*, quemadmodum *Marcus* & *Lucas* commemorant, nomen fuit, *Alphai* vt ait *Lucas*, fuit filius. Is primum ex communi discipulorum numero fuit, deinde ex eo à Christo ad apostolicam dignitatem honorémque euectus. In numerum quidem discipulorū ascriptus fuit hoc modo. Cum ipse publicanus, vt dixi, esset, publicanorūq; munus exequeretur, eum Christus, vt se sectaretur, hortatus est, quod ille non grauatiè ilicò fecit, introduxitque domum suam Christum, vbi ei adhibitis multis publicanis aliisque hominibus quorum de vita Pharisei male existimarēt, conuiuium apparauit. Quod cum Pharisei, qui Christi facta calumniandi causa obseruabant, animaduertissent, illud ei vt probum obiicere cœperunt, quod cum publicanis peccatoribūsq; vefceretur. At ille eam illorum calumniam ita vel elusit, vel diluit, vt diceret, non valentibus medico opus esse, sed agris. Atque hoc quidem modo se *Matthæus* in Christi disciplinam tradidit. Apostolorum autem duodecim numerus non ita sensim

sim auctus & expletus fuit, sed duodecim, quorum est Matthaeus, simul ex communi discipulorum numero delecti atque adeo selecti tunc fuerunt, Luca teste: cum Christus nocte in oratione in monte quodam consumpta mane ad se omnes accersivit. Non est quod hoc loco dicam, Matthaeum ex quo Christum secutus sit, nunquam ab illo discessisse, testemque ac spectatorem eius miraculorum, totius vitae etiam imitorem, socium itineris ac laborum, curarum, angorum participem fuisse. haec enim ei sunt cum ceteris communia. Itaque ad ea quae ad eum propriè pertinent, festinat oratio. Cum illud tempus venisset, quo Christus suos omnes, atque in his maximè duodecim vniuersum orbem peragrarè docendi euangelij causa voluit, diuisis inter se ex praescripto afflatuque Spiritus prouinciis, Aethiopia Matthaeo obtigisse dicitur. Huc ille primò quoque tempore venit, ac primum in vrbe & maxima nobilissima commoratus est, in qua magi duo Zaroës & Alphaxat falsis quibusdam inanibusque editis operibus, in eam sui admirationem Aegyptij regem cum populo excitauerunt, ut eos deos esse crederent. Matthaeus autem primò suo aduentu, eorum praestigias fraudesque aperuit atque refellit. Nam & eos quos illi excacasse videbantur aspectum, & surdus auditum, restituebat. Anzues quos in homines ita concitabant, ut

Act. 8.

grauissima vulnera infligere viderentur, expellebat, vulneraque curabat. Erat tum in eadem vrbe, Candaces Eunuchus reginae, qui à Philippo baptizatus fuisse in Actis apostolicis dicitur. Is cum Matthaeum hac omnia facere animaduertisset, prouoluit se ad eius pedes, Deumque laudauit, qui misertus esset populi sui, quem cum Magi in errorem induxissent, ipse per Apostolum suum ab errore ad rectam viam reuocauisset. Recepitque eum domum suam, quod amici illius ac necessarij confluere coeperunt, auditoque vitae verbo, crediderunt, salutarique aqua expiati sunt. Plures enim partim miraculis non ita modo quae paulo ante commemorauimus, sed nonis aliis quae maxime in egrorum curatione versabantur, adducti, partim singulari illius eloquentia, religionem disciplinamque nostram comprobant. Itaque Candaces Eunuchus ille, tot linguarum in ea cognitione admiratus rogare eum coepit, ut exponere vellet, qui fieri posset, ut ille cum Hebraeus esset, tamen tam plene linguam Graecam, Aegyptiacam, Aethiopicamque nosset, ut earum homines ipsi concederent. Tum Matthaeus homines inquit, quondam principio generis sui, vno sermone omnes vsos fuisse, corumque arrogantiam fecisse, ut vnus in multos eosque dissimiles sit, variosque diuisus. Arrogantiam autem fuisse eiusmodi, ut turrim communis consilio edificarent, cuius fastigium caelum pertin-

pertingeret. Quod cum Deus animaduerneret,
 eum tantam linguarum sermonumque varietate
 repente eum admiscuisse, ut quid quisque di-
 ceret, aut vellet, nemo homo alius nec ipse intel-
 ligeret, nec alij explicare posset. Hoc linguarum
 multitudinem initium habuisse, hoc quasi sup-
 plicio hominum temeritatem & audaciam ita-
 tam retardatam ac repressam fuisse. Neque enim
 hanc viam esse quæ recta ad cælum ferret, sed
 eam quam Christus Dei filius in mundum ve-
 niens ostendisset. Eum enim decimo quàm in
 cælum ascendisset die, misisse ad ipsum & con-
 discipulos Spiritum sanctum, quo afflatus variis
 linguis apud homines, qui tunc Hierosolymam
 ex omnibus penè imperijs conuenerant Christi
 virtutes beneficiaque in genus hominum prædi-
 cassent. Se enim & rationem qua humanam
 naturam ille assumpsisset, exposuisse, & eum na-
 tum ex matre virgine, ab eadem educatum, cum
 triginta annos natus esset, baptizatum, inde tē-
 tatum à diabolo, denique in crucem actum nar-
 rassè, tertio inde die ab inferis mortuisque exci-
 tatum, quateragesimoque ipsis spectantibus vi-
 sua cælos conscendisse, eum ibi à dextra patris
 sedere, vnde esset tandem aliquando venturus,
 ut homines pro suis quenque meritis iudicet.
 Non igitur se istas tantum quatuor linguas,
 sicuti putaret, nosse, sed omnes omnium gentium
 quasque adirent. Nunc ergo turrim adificari,

nō lapidibus, sed Christi virtutibus. Omnibus
 qui Patris, Filij & Spiritus sancti nomine ba-
 ptizarentur, aditum ad turrim quam Chri-
 stus adificauisset, patere, vnde facilis in cælum
 ascensus ostēderetur. Hac atque talia cum my-
 stico sermone Matthæus differeret, venit qui
 nunciaret magos duos aduentare cum singulis
 draconibus, qui ore flammās redderent, naribus
 auras sulphureas spargerent, quarum odor te-
 rrimus homines enecaret. Matthæus statim
 signo crucis intentato, egredi cœpit: quem cum
 Candaces Eunuchus prohiberet, admonerētque
 vt sibi potius consuleret, atque ē specula tutō fe-
 ras conspiceretur, Tu verō, inquit, qui times, in
 specula cōsiste: ego qui nihil timeo, in publicum
 prodeo. Vix dicendi finem fecerat, cum apertis
 foribus dracones atque magos qui eos sequeban-
 tur, cōspicit. Fera autē vt primum Matthæum
 animaduertērūt, ad pedes illius cubantes somno
 se ac quieti dederūt. Tum apostolus per ridiculū
 magis, Vbi est, inquit, ars vestra? Excitate eos
 si potestis. Equidem si Christum dominum non
 rogassent, furor quem in me concitauistis in vos
 omnis retortus recidisset. Cūque illi arte sua
 dracones expergefacerē conarētur, diūque id ten-
 tantes nihil proficerēt, Matthæus hoc artis eo-
 rum esse negauit, hoc se facile posse facere, dixit
 eosque ita praeceptis suis parituros, vt deposita
 iracundia, eiectōque furore quā primum ad
 lustra.

lustra sua redirent. Hoc populus orare, hoc precari, ut se à bestiarum furore quem expertus esset, liberaret. Tum *Matthæus Christi nomine* qui ex Spiritu sancto natus esset, ac *Maria virgine*, quemque *Iudas apostolus Phariseorū libidini* dedidisset, quem illi postea cruci suffixerent, qui sepultus tertio die quàm mortuus esset, excitatus esset ab inferis & mortuis, qui cum discipulis quadraginta diebus versatus esset, cūque omnia quæ ante mortem dixerat, commemorasset, qui denique quadragesimo quàm excitatus fuisset à mortuis, die, ad cælos conscendisset, vnde aliquando rediret, ut vivos mortuōsque iudicaret, Spiritum Dei adiurasse dicitur, ut dracones excitaret, excitatos iuberet ita repetere sua lustra ut nihil cuiquam mali ac detrimenti afferrent. Cum his verbis repente fere discesserunt, nec ex eo tempore à quoquam visi sunt. Tum hortari eos qui circumstant, cæpit, ut à dracone diabolo liberari vellent, se enim à Deo salutis eorum causa missum esse, ut relicta idolorum superstitione, se ad veram vnius Dei religionem converterent, qui omnia creasset. Deum enim, hominem quem primum condidisset, unā cum vxore quam ex illius costa finxisset, in paradiso collocasse. Paradisum autem quæ altissimos montes superaret, cæloque vicina esset, locum amœnum esse: in eo nec senectuti, nec morbo, nec his miseriis,

calamitatibus & malis quæ sentiamus locum
 esse, omnia iucunda illic ostēdi, grata omnia &
 ex animi sententia euenire. Ad didit hoc etiā,
 cū primi illi homines in tam amœno loco à
 Deo collocati fuissent, diabolus tanta in eos sta-
 tim inuidia exarsisse, propter Dei imaginē &
 similitudinem quam in eis cerneret, ut serpentis
 anguisque specie, ad mulierem accedens, nun-
 quam eam destiterit vel diuinitatis quam illis
 promitteret, specie illicere, quoad persuasisset, ut
 fructum à Deo pœna capitis vetitum comedere-
 ret, quod etiam Adamus ab vxore pelleretur
 & deceptus fecisset. Quæ cū Deus animadu-
 uertisset, illos primos homines ab eo ex loco per-
 petuæ iucundæq; vitæ, in hunc calamitatis mi-
 serieq; plenū expulsos esse supplicij causa. Non
 tamen eos, eorumque posteros à Deo neglectos
 esse, sed tam charos habitos, ut ad extremū Dei
 filius pro singulari eximiatque erga nos beni-
 gnitate, homo fieri diuinitate retenta, minime
 dubitauisset. Natum enim eum esse ex Maria
 virgine, cum Spiritus sancti virtute conceptus
 esset, sicut angelus ei prædixerat fore, ut virgi-
 nalis in ea castimonia quam Deo vouisset, sal-
 ua permaneret. Idq; multò ante, à Salomone
 prædictum fuisse, cum diceret: Sapientiam Dei,
 id est Dei filium, sibi domum edificauisse. Hoc
 etiam consentaneum fuisse, ut quemadmodum
 Adamus fictus cōpositusque fuisset ex terra,

qua virgo esset, cum nec peccato cōtaminata, nec sanguinis effusione polluta, nec mortui ullius sepultura inquinata ante fuisset, sic Dei filius qui Adamum restituere ac redimere voluisset, ex virgine nasceretur. Atque ut ille à diabelo contra Dei praeceptum rescendo victus fuisset, ita hic cunnādo diabolum vinceret. Quinetiam superatum cum esse ab illò patientia, quam ad flagra, ad colaphos, ad sputa, ad coronam spineam, denique ad crucem voluerit peruenire, vicisse mortem oppetendo, ut cælos nobis resurgendo aperiret cum nemini dubiū esse deberet, quin animi sanctorum ex corporibus excedentes illuc conuolarent. Extrema eius oratio fuit, qui vellet, à morte iam ad vitam redire, & ad paradysum, vnde Adamus patēs noster eictus, hic nos procreauerit. Aperuisse nobis Christiū paradisi portas, ut ad patriam reuertamur, in qua mors nihil possit, in qua nullus miseria locus sit, nullus mærori, sed letitia & gaudium, quod nulla tempora nec tollere, nec obruere possint. Cum hac aliāque eiusdem generis Matthæus peroraret, repente tumultus quidam tristitia luctusque plenus exortus est. Efferebatur enim cum gemitu omnium Regis filius, ad cuius funus cum ingenti multitudine duo quoque magi illi conuenerant. Qui cum illum ab inferis excitare frustra conati essent, suadere Regi cœperunt, ut filium qui ad deorum concilium raptus

esset, in deorū numero reponeret, ei que templum
 edificandum curaret, in quo illius statua pone-
 retur. Quod cum Candaces Eunuchus intelle-
 xisset, ad reginam adiens, ei suavit, ut magos in
 custodiam traderet, Matthaeumque accerse-
 ret, qui si filium mortuum à mortuis excitaret,
 magos quorum sceleribus mala omnia in ciui-
 tate euenirent, viuos exuri iuberet. Accersi-
 tur *Matthaeus*, cum honore introducitur, *Eu-
 phinisia* regina supplex eum rogare, ut filium
 suum excitaret. Se enim credere illum à Deo sa-
 lutis hominū causa missum esse, eiusque esse di-
 scipulum, qui & mortuis vitam restituisset, &
 ab omnibus sub imperio morbos omnes depulsi-
 set. Itaque sibi non esse dubium, quin si illius
 nomen appellauisset, filius mortuus reuini-
 ret, *Apostolus* fidē Reginae admiratus hac ei
 dixisse fertur, Eam profiteri se credere, quae nō-
 dum ex ipsius ore verbū ullum audiuisset. Ita-
 que hoc sibi persuaderet, excitatum iri filium
 ab inferis. Cūque in cælum manus tendisset,
Deus, inquit, *Abraham*, *Deus Isaac* & *Ia-
 cob*, qui in mundum salutis nostrae causa filium
 tuum vnigenitum misisti, ut & nos ab errore
 abduceret, & te nobis Deum rerum ostēderet,
 rogo te ac deprecor, ut hūc excites, ut hi Deum
 prater te prepotentem esse nullum credant, &
 quae dixi vera esse intelligant. Cūque hac
 perorasset, manum mortui comprehendit, cum
 his ver-

his verbis, Domini mei Iesu Christi qui cruci
 suffixus est, nomine, Euphrono (erat enim hoc
 nomen regis filio) reuiuifce, & surge. Statimque
 reuixit, cum summa patris regis & voluntate,
 & admiratione. Itaque confestim coronas &
 purpuram ei deferri iussit, praconesque misit,
 qui ex toto imperio suos accerferent, ut Deum
 in hominum specie ac figura latentem cerne-
 rent. Fit concursus hominum innumerabilium,
 qui cum cereos, & lampadas deferrent, thu-
 raque incendere vellent, adhibito vario sacri-
 ficiorum genere, tum Matthaeus ne id facerent
 prohibuit: se enim non Deum esse, sed domini
 sui Iesu Christi seruum, à quo missus esset, ut
 ipsi relictà simulacrorum, quae colerent, super-
 stitione & errore, ad veri Dei cultum religio-
 nemque reuocarentur. Qui si ipsum hominem
 eis similem Deum esse crederent, quanto ma-
 gis eum Deum esse credere deberet, cuius se ipse
 seruum esse predicaret? cuius etiam nomine re-
 gis filium excitasset ab inferis? Itaque cum hac
 ipsi ratione atque animo vera esse perciperent,
 aurum & argentum coronasque aureas e conspe-
 ctu ipsius tollerent, templumque Deo vero adifi-
 carent, in quod ad Dei verbum audiendum cō-
 uenirent. Hac illius verba ut Dei oraculum
 accipientes, tantum architectorum operariorum-
 que numerum adhibuisse dicuntur, ut intra
 dies triginta opus perfectum absolutumque sit.

Templo autem nomen, ut ita dicam, Resurre-
 ctionis imposuit, propterea quod filij regis exci-
 tatio ei edificando occasionem attulisset, tres &
 viginti annos illic praesuisse, atque presbyteros
 & diaconos instituisse, ciuitatibusque episcopos
 praeposuisse, & complura templa fundasse dici-
 tur. Salutari etiam aqua & Aegippum regem
 expiauit, & Euphrosiniam reginam, & Euphro-
 nomum quem excitauit, & Iphigeniam eorum
 filiam, quae, ut mox dicetur, ab eodem Christo
 dicata virgo permansit. Quoniam autem longum
 est exponere, quot caci aspectum reddiderit, quot
 leprosos curauerit, quot paralysi liberauerit,
 quot denique a mortuis excitauerit, quam reli-
 giosus Aegippus rex fuerit, quam proba eius
 uxor regina, hic quam ob causam, quoque mo-
 do mortem pro Christo obierit, narrari melius
 est. Aegippus quidem, cum admodum senex in
 sancto proposito permanens, excessisset e vita,
 Hirtarchus regnum adeptus est. Is Iphigeniam
 Aegypti filiam in matrimonium accipere cu-
 piebat, idque se facile ab Apostolo impetratu-
 rum esse sperabat: quanquam enim eam non so-
 lum Christo consecratam videbat, verum etiam
 iam amplius ducentis virginibus praepositam, ta-
 men eius animam facile Matthaei auctoritate
 commoneri abduci que posse existimabat. Itaque
 hac spe fiduciaque fretus Apostolum adiit, ei-
 que dimidium regni pollicitus est, si hoc virgini
 in ani-

in animū induxisset. Hoc illi *Apostolus* primum nec planè concessit, neque denegavit, sed eum tantū admonuit, ut consuetudinem *Aegypti* seruans, qui omni sabbato eò conueniret, ubi verbū Dei predicaret, ipse virgines omnes quæ cum *Iphigenea* essent cōuocaret: tum illum auditurum, quot coniugium laudibus ornaret, ipsūque Deo gratiam acceptūque esse doceret. Omnes cum conuenissent, *Matthæus* hortatus est, ut & attentè audirent, quæ dicturus esset, & memoria, quæ iam audissent, tenerent. *Hirtarchus*, qui hac *Apostolum* dicere arbitraretur, ut *Iphigenia* animum ad ea quæ de coniugio quod initura esset, prepararet, laudibus eum efferre cœpit, de iisque rebus cum in quos secum adduxerat, communicabat. Facta rursus audientia, ita *Apostolus* exorsus est: Viderent illi, quàm longè oratio progressa esset, ut etiam eadem rectè fieri posse doceret, cum is occiditur, qui si ipse solus interfectus non esset, multos innocentes occideret. Sic *Goliam* occisum esse, sic *Sisaram*, sic *Amanum*, sic *Olefernem*, sic denique interfectos esse, qui eorum sedibus ac regnīs insidias parassent. Itaque coniugia etiam dum inirentur, præclaris honestisque actionibus & officiis ornari, si iustè, si legitime, si sanctè, si integrè inirentur. Quod si sponsam regis eius seruus rursus audeat, non solum peccare, sed etiam tam graue scelus admit-

tere dicitur, ut quam primum viuis exuratur, non quod coniugium omnino ineat, sed quia regis aut domini sui uxorem vsurpet: Sic Hirtarchus rex (ad eum autem orationem conuertisse dicitur) cum Iphigeniam regis cui successisset filiam sciret, Regisque cælorum sponsam, & sacro velamine consecratam, quo tandem modo posset potentiori ereptam, in matrimonio ducere? Hirtarchus qui adhuc Apostoli verba omnia laudauisset, tum iracundia facibus concitatus, discedisse dicitur. Ipse verò multò alacrior cœptum sermonem persecutus est, cum ceteros ad audiendum nō minus quàm antea paratos vidisset. Regem dixit, qui in orbe terrarum dominator alios teneret, haud diuturnum imperium tenere posse, Regis autem qui cælis præisset, æternum esse dominatum & imperium. Eundemque ut latitia gaudiōque maximo eos qui ipsi fidem seruant, perfundit, & afficit, ita eos acerrimis suppliciis afficere, qui ab illius fide deficerent. Quod si regis ira & furor pertimescendus esset, quid de Deo existimare deberent? præsertim cum hominis ira siue tormentis, siue ignibus, siue ferro & sanguine satiatur, ad quoddam tempus duret, diuina autem ultio sempiterni ignis in scelestos supplicium statuerit? Itaque dominum nostrum Iesum Christum suis præcepisse, cum in conspectum regum processissent, ne

cos timerent qui cum verberauissent & interfecissent, nihil quod praterè facerent, haberent: eum metuerent potius, qui cum occidisset, & perdere posset, & in gehennam mittere. Iphigenia tum spectante populo se ad pedes Apostoli misit, orauitque eum eius nomine cuius apostolus esset, ut sibi sociisque virginibus omnibus, quæ domino ipsius sermone consecratae essent, manus imponeret, quod facilius minas regis possent contemnere. Ille eius precibus adductus, Christi præsidio ac spe fretus, contempto regis odio, velum omnium capitibus apposuisse dicitur, Deumque orasse, ut illas famulas suas, quas ex omni numero bonus pastor ad seruandam ornandamque perpetuæ virginittatis castimoniam elegisset, ipse custodiret, atque tueretur, & ad omnia virtutum munera & officia duce sapientia ita excitaret atque prepararet, ut victis carnis illecebris, coniugis non legitimis repudiatis, vinculo quod res nulla soluere posset, cum Christo colligarentur. Hæc atque alia eiusdem generis cum Apostolus virginibus illis bene precatus esset, missæ sacro peracto, ad aram in qua Christi corpus confecerat, reuersus est: ibi cum passus manibus præcaretur, eum libertor ab Hirtarcho rege missus, securi percussit. Quod ut populus accepit, statim ad palatium cum igne proficisci cepit, ut ligna & sarmen-

ea circumdaret, ignemque subiiceret, quo incendio totum deflagraret. Obuiam sunt populo furēti sacerdotes omnes ac clerici, qui hortati sunt ne id facerent, quod voluntatem diuinam offenderet. Petrū enim apostolum cum districto gladio Malchi cuiusdam auriculam pracidisset, à Christo ne par pari referre videretur, obiurgatum esse, atque auriculam suo loco integram sine ullo doloris sensu restitutam. Itaque Apostoli martyrium latis animis celebrarent, & quid Deus constitueret, expectarent. Iphigenia autem Christi virgo, quicquid auri & argenti & gemmarū habuit, id cum ad sacerdotes attulisset, ea omnia se ita conferre dixit, ut cum dignum Christi Apostolo templum adificasset, quod reliquum esset, egentibus erogarent. Sibiq; dixit certamen remque cum Hirtarcho fore. Quod non ita muldō post accidit. Hirtarchus enim omnium nobilium uxores ad eam proficisci iussit, quod earum siue precibus, siue cohortationibus illam flecti adducique posse speraret, ut ipsi in matrimonio collocaretur. Quò cum illa nullo modo deduci posset, magos conuocat, qui eam demonum presidio vsi raperent. Sed nihil ars eorum potuit. Itaque alia via rem aggreditur. Incendere constituit locum in quo Iphigenia vnā cum ceteris virginibus die noctūque Deo seruiebat. Nec verò subiecti ignes nocere potuerunt, flammāque circum domum tantum apparuit.

apparuit. Quin etiam angelus una cum Matthæo visus esse dicitur, qui Iphigeniam bono animo esse iuberet, nec ignem timere, qui in eum à quo paratus erat, reddaturus esset. Vix angelus finem dicendi fecerat, cum ventus ortus est, qui suo impetu flammam à domo virginis ad regis palatium transtulit, ut consumptis omnibus ipse cum filio quem unum habebat, egre potuerit euadere. Quamquam multo illud supplicium leuius ei accidisset, quam quo affectus est. Nam & in illius filium cacodemon inuasit, atque intrauit, cuius impulsu cum ad Apostoli sepulcrum magno impetu cucurrisset, manibus à tergo vinctus, cum paterna crimina & scelera cogebat confiteri: & ipsum elephanta totum infecit, quem morbum cum medici adhibiti curare non possent, ipse vi morbi coactus, in gladium incubuit. Quod ut rescivit populus, magnam ex morte illius cepit voluptatē, fratremque Iphigenie, Beiorium nomine, qui sororis opera à Matthæo aqua saluari expiatus erat, regalem potestatem administrare voluit. Is cum quinque & viginti annis natus regnare cœpisset, ad tres & sexaginta imperium prorogauit. Duobusque susceptis liberis, vnu exercitui prefecit, alterum regni heredem instituit. Ita pace in Ecclesia Aethiopie constituta, Respublica Christiana illic Matthæi meritis ac precibus amplificata est. Scripsit Euangelium, quod eius

nomine circumfertur, *Hebraico sermone. ut ait Hieronymus, quod incertum est quisnam postea in Græcum conuerterit.*

BEATI BARTHO-

LOMAEI APOSTOLI

vita, Ioachimo Perionio Benedi-

ctino Cormæriaceno auctore.

BARTHOLOMAEVS primum Christi discipulus, deinde apostolus fuit. Ei India (neque enim in libris qui Noui testamenti nomine inscripti sunt aliud de eo scriptum est) ei inquã India prouincia, quæ orbis finis & terminus est, obtigit, in quam ut venit, templum quoddã ingressus est, in quo Idolum & simulacrum quod incolæ *Astarotum* nuncupabant, erat eiusmodi, ut se homines quouis morbo afflictatos curaturũ profiteretur. Sed curatio quam adhibebat, non vera erat, sed quadam eius quæ homines captabat, simulatio. Neque enim quemquam curabat, sed cum eos quos in morbum coniecisset, torquere & excruciare desineret, hominibus hoc ipso curare videbatur. Primo autem Bartholomæi aduentu simulachrum, aut potius demon qui in eo latebat, nec responsa dare, nec cuiquam ex iis quos in morbum coniecisset, subuenire poterat. Itaque cum indies maior aggro-

rum

rum multitudo in templum curationis causa
conflueret, quorum nemo vlla ratione remedium
inueniret, coacti sunt sacerdotes ad proximum
oppidum venire, atque à Deo qui ibi coleba-
tur, querere, cur Deus quem ipsi colerent, iam
responsum nullum daret. Respondet Beritus
(hoc enim Deo nomen erat) ob eam causam il-
lum iam loqui non posse, quod ibi esset Bartho-
lomeus Dei Apostolus. Cúmque rogarent
quisnam ille esset, & qua ex re eum possent in-
ternoscere, Amicum veri Dei eum esse ait, ob
eámque causam venisse in illam provinciam, ut
omnia deorum numina euerteret: eius barbam
prolixam esse paucis iam canis distinctam, ni-
grum capillitium, carnem candidam, nares ius-
tas staturam iustam, pallium album. Sex &
viginti annis, vestem eius nec sordes contraxis-
se, nec sensisse vetustatis iniurias. Centies inter-
diu totiesque noctu flexis genibus ab eo Deum
verum rogari. Se ab eis petere, ut eum cum inue-
nissent, rogarent, ne eo migrans eodem suppli-
cij genere se afficeret, quo in Astarotum colle-
gam ipsius animaduertisset. Illi cum deus con-
ticuisset, redierunt, cúmque magna cum dili-
gentia Apostolum quærerent inter peregrinos,
fortè quidam quem daemon agitabat, magno
clamore Bartholomæi nomine appellare cepit,
ac palam dicere, se illius precibus incendi: quod
cum Apostolus audisset, imperauissetque ut

& obmutesceret, & abiret, statim & obtempe-
 ravit ille, & homo curatus est. Erat tum in ea
 prouincia Polimius rex, qui cum à Bartholo-
 mæo ex corpore huius hominis cacodæmonem
 expulsū esse auditione accepisset, filiam quam
 dæmon torquebat ad eum misit, rogans, ut quæ-
 admodum Eustium (ei enim homini quem cu-
 rauerat, hoc nomen fuit) ab eo morbi genere li-
 berasset, sic filia quam clarissimā haberet, sub-
 ueniret. Virgo autem ita à malo genio agita-
 batur, ut præ dolore omnes morderet, & quos
 arripere poterat, discerperet. Itaque catenis rin-
 cta ad Apostolum adducta est, quam ut vi-
 dit, eā solui iussit. Ministri hoc se facturos per-
 negarūt, quòd nemo ad eam accedere, nemo eam
 attingere auderet. Eos ille primum obiurgat
 quòd cum hostem qui in virgine esset, rinctam
 & constrictam teneret, ipsi eam etiam tenerēt.
 deinde eis imperat, ut ad eam accederent, eam-
 que soluerent, ac abluerent, & postridie prima
 luce ad se introferrent. Illi cum dicto audientes
 fuissent, dæmon ita expulsus eiectusque est, ut
 eam postea nunquam agitanterit. Rex ne tanto
 beneficio accepto immemor ingratusque videretur
 ei camelos auro, argento, gemmis, vestitusque
 onustos muneri misit, quæ omnia cum Aposto-
 lus diligenter quesitus, inueniri minimè potuisset,
 reportata sunt in palatium. Postridie prima
 luce oclusis foribus Apostolus in regis cubi-
 culum

culum cum solus esset, introiisse dicitur, ei que dixisse, frustra se ab eo cum auro, & argento quaesitum esse, cum ea omnia illi requirant, & desiderent, qui terrena sapiant & querant, cuiusmodi nihil ipse requireret. Itaque se hoc sibi ipse persuaderet velle, Dei filium nasci voluisse ex virgine, cuius initium ante orbem conditum à Deo patre esset, quiq; naturis omnibus tam iis quæ cernerentur, quam iis quæ aciem oculorum effugerent, principium dedisset. Virginem autem eam, ex qua natus esset, omnem viri concubitum declinasse ac repudiasse semper, primamque omnium Deo virginitatis votum nuncupasse. Ad eandem missum à Deo Gabrielem archangelum in cubiculum quod occlusum esset venisse, eumque cum illam metu percussam cerneret, hortatū esse ne timeret, quod ipsa à Deo gratiam iniisset tantam, tamque ei grata esset, ut filium & cōceptura & paritura esset, quem Iesum vocaret, quique filius summi Dei diceretur. Illa verò iam metu deposito constanter rogasse, quā id fieret, cum Deo virginitatem casti moniamque venisset, ad eamque angelum respondisse, Spiritus sancti illam munere & opere nō viri semine concepturam esse atque parituram. Itaque quod sanctum ex ea nasceretur, id Dei filij vocatum iri nomine. Hac etiam Bartholomæus Polimio regi patefecit, hūc Dei filium cum natus esset, se triginta annos natū, passum

esse tentari à diabolo eo, qui primum homi-
 nem vicisset, cum ei auctor fuisset, ut fructum
 quem Deus retinisset, ederet. Itaque cum ad
 se accedere propterea passum esse, ut quemad-
 modum Adamo, id est primo homini per mi-
 lierem suavisisset, ut resceretur, & comedit ob
 eamque causam ex paradiso in hunc mundum
 exilij supplicijque causa expulsus, omne homi-
 num genus propagavit & genuit: sic huic cum
 suavisisset, ut lapides quos ostenderet, in panes, si
 filius Dei esset, converteretur, & ederet, victo-
 riam qua potitus erat, ieiunantis virtute con-
 stantiâque amitteret, cum ei respondisset. Non
 solo pane hominem, sed omni etiam verbo quod
 ex Dei ore exiret, vivere. Aequum enim fuis-
 se, cum à virginis filio vinci, qui filium virgi-
 nis antè vicisset. Hoc loco Polimius Apo-
 stolum rogat, cur primam virginem vocasset
 eam, ex qua homo & Deus natus esset. Ille
 cum gratias Deo primum egisset, quod regi mē-
 tem ad se audiendum dedisset, ita respondit,
 primum hominem Adamum dictum esse, ter-
 ramque ex qua factus compositusque fuisset, &
 matrem eius, & virginem fuisse, propterea
 quod nec sanguine humano adhuc polluta con-
 taminatâque fuisset, nec ad cuiusquam mortui
 sepulturam aperta. Itaque consentaneum fuis-
 se, id quod iam dixerat, ut qui filium virginis,
 id est terræ, vicisset, is à virginis filio vincere-
 tur.

tur. Vicisse autem illum, quod arte & fraude egisset, ut Adamus contra Dei praeceptum videretur, ob eamque causam expulsus eum esse ex paradiso, quod ei reditus postea non patuisset. Hunc autem virginis filium egisse, ut artem diaboli & experiretur & vinceret, ut caelum homini victoria sua aperiret. Nec vero eius temperantiam ante quadragesimum diem diabolum tentare coepisse, quod ita existimaret, ac secum reputaret, si quadragesimo die minimè esuriret, illud certum fore diuinitatis argumentum: sin intra illud tempus esuriret, hominem eum esse, qui ea quae homines, pateretur. Multaq; alia Apostolus de illa triplici tētatione & victoria commemorauit, eaque omnia eò pertinere voluit, ut doceret ad extremum quemadmodum ij. qui tyrannos vincunt, suos mittere solerent qui in omnibus locis quae illi usurparēt, insignia victoricia ipsorum statuerent: sic Iesum Christum qui diabolum tyrannum superauisset, apostolos suos misisse in omnes prouincias, ut & diabolum eiusque ministros, qui in statuīs tēplorum habitarent expellerent, & homines qui eos colerent, ex illius qui vinctus esset imperio ac potestate eriperent. Itaque argentum & aurum se continere ac pro nihilo putare, sicut Christus ipse contempsisset, quod ibi diuites esse cuperent, ubi solum eius imperium dominaretur, in quo nec languori nec morbo locus esset, nec tristitia, nec

morti, sed contrà vitam ibi, beatitudinem, felicitatem, latitiàmque sempiternam rigere. Quo factum esse dicebat, ut cum primum in eius templum intraſſet, demonem qui reſponſa dare ſolitus eſſet, ab eius angelis qui ipſum miſiſſet, vinctum & conſtrictum teneret. Quòd ſi ſalutari lanacro expiari vellet, fore, ut quanto malo caruiſſet, cerneret. Quod quò facilius comprehendere, & intelligeret poſſet, iubebat eum audire, qua arte eos, qui in templo agrotarent, demon is qui primum hominē viciſſet, curare videretur. Dicebat ergo diabolum arte & fraude ſua agere, ut homines in varios morbos inciderent, ac tum denique eis ſuadere ſolitum, ut ſimulacris idolisſque crederent, atque ut animos eorum dominatu ſuo teneret, tum denique morbos immittendi finem eum facere ſolitum, cum lapidem aut metallū deum ſuum eſſe dixiſſent, quod illi curare nuncuparent. Tum verò quoniam conſtrictum eum ipſe teneret, eſſi eſſent qui deum ſuum illum eſſe profiterentur, eum tamen reſpoſa nulla dare poſſe. Quod quò facilius re intelligere & probare poſſet, promiſit Apoſtolus ſe imperaturū demoni, ut & in ſtatuum rediret, & ſe vinctū eſſe, nec reſponſa dare poſſe fateretur. Rex poſtſe die prima luce pontifices ei ſacrum facturos reſpondit, ſeque adfuturum, ut rem tam mirabilem & inuſitatam cerneret. Poſtſe die conveniunt pōtiffices, prima luce, iiq;

ut pri-

ut primum sacri instituta agere cœperunt, demon magno clamore ne id facerēt prohibere cœpit, se enim catenis igneis vinctum & constrictum ab angelis Iesu Christi teneri, quem Iudæi in crucem sustulissent, cum eum à se morte mulctari existimarent: illum autem de morte eiusmodi triumphum egisse, ut & demonum principem catenis igneis vinxerit, & tertio die victor reuixerit, & discipulis suis crucis signum dederit, eosque in vniuersum orbem miserit, in hisque Bartholomæum qui ipsum constrictum teneret. petere se maiorem in modum, ut illum etiam atque etiam rogarent, ut ipsum aliò proficisci pateretur. Tum apostolus ea omnia cum confiteri cœgit, quæ de morbis & diuinitatis professione illum regi paulo antè pollicitum esse dixi. Quæ cum omnia demon planè confessus esset, tum apostolus omnes qui aderant, hortari monerèque cœpit, ut viderent, quem ipsi Deum coluissent, & à quo se curari putaissent. Itaque eo contempto, iam Deum verum colerēt, qui & ipsos creasset, & in cœlis habitaret. Quod si eū pro ipsis rogare vellent, & ut omnes agri curarentur, impetrare, ipsi simulacrum deiicerent & confringerēt. Sic enim fore, ut & templū Christo consecraret, & eos aqua saluari Christi nomine expiaret. Regis iussu omnes simulacrū funibus aliisque machinis auellendum curaerunt, quo cæterisque minoribus diaboli opera, id

iubente apostolo comminutis, omnes clamare,
*Vnum Deum præpotentem esse, quem Bartho-
 lomæus predicaret. Ipse tum passus sublatisque
 in cælum manibus, Deus inquit, Abraham,
 Deus Isaac, & Deus Iacob, qui filium tuum
 Deum Dominum nostrum misisti, ut nos, qui
 peccati serui eramus, sanguine suo redimeret,
 & tibi filios quæreret, qui idem verus Deus
 ex hoc cognosceris, quod semper idem es, & im-
 mutabilis permanes: Vnus es Deus pater, sine
 origine & ortu, vnus etiam filius tuus vnige-
 nitus, Dominus noster Iesus Christus, & vnus
 Spiritus sanctus illustrator & altor animorū
 nostrorum, hinc Iesus Christus suo nomine hæc
 vim nobis dedit, ut omnis generis morbos cure-
 mus. te vehementer etiam atque etiam rogo, ut
 omnis hæc multitudo hominū salutem assequa-
 tur, teque omnes Deum vnum esse cognoscant,
 qui per Christum salutem restituas. Quæ cū
 dixisset, angelus circumuolasse dicitur, & digito
 in quadrato lapidibus signum crucis sculpsisse,
 cum hac oratione, Hoc Deum à quo missus es-
 set, dicere, quemadmodum illi morbis curarētur,
 sic se templum mundare & expiare omni sorde,
 eoque quem apostolus in solitudinem misisset.
 Polimius rex tum vnā cum vxore & duobus
 liberis, exercitu omni que populo aqua saluari
 expiatus est, abiectoque ornatu regio apostolum
 sequi cœpit. Quod cū Astyages eius frater*

maior

251
maior natu pontificū opera rescuisset, misit unā
cum eis mille armatos qui eum comprehensum ad
se adducerent. perductus autem cum ab eo roga-
retur, isne esset, qui ipsius fratrem euertisset: Nō,
inquit, euerti eum, sed conuerti: & isne esset, qui
deos lares confringendos curasset: se, demonibus
qui in eis erant imperasse respondit, ut ipsi idola
futilia comminuerēt, ut omnes homines relicto
errore Deum verum, qui in cælis esset, agnosce-
rent & colerēt. Cūq; Astyages rex apostolo
dixisset quemadmodum fratri auctor fuisset, ut
Deo suo cōtempso, illius Deum coleret, ita se fa-
cturum, ut ipse relicto Deo suo, ipsius deo crede-
ret & immolaret. Apostolus deum quē illius
frater coleret, se vinctum & constrictum osten-
disse respondit, & fecisse, ut simulacrum suum
confringeret. Itaque si hoc ipsum Deo quem co-
leret facere posset, eadem opera illum facturum,
ut Deo ipsius immolaret: sin nihil tale Deo, cu-
ius seruus esset, facere posset, ipse autem Deum
illius confringeret, ita denique Deo illius crede-
ret. Hac cū Bartholomæus diceret, nuncia-
tum est regi, deum suum cecidisse, atque in mul-
tas partes fractum atque distractū: quo ille nun-
cio adeo cōturbatus est, ut & purpurā qua in-
dutus erat, sciderit, & apostolum fustibus cedi
excoriari primū, deī de securi feriri iusserit. Rex
autē Polimius cū populo veniēs, eius corpus ma-
gno cū honore extulit. Nec vero Astyages diis

scelus hoc inultum tulit. Tricesimo enim à morte die arreptus à demonio, in templum apostoli venit, cumque pontifices eodem morbi genere afflictati & correpti secuti sunt, in quo omnes intra paucos dies ex illo morbo mortui sunt. Corpus autem apostoli diu illic in summo honore fuit, maximaque veneratione, quoad Barbari, id est, qui à nostra religione abhorrent, cum molestè ferrent illud à nostris, ut Gregorius pontifex Turonum scribit, coli, invidia, odióque impulsí, clam è sepulcro sublatum, in aliud quod plumbeum esset, conclusum, in mare eiecerunt cum hac oratione, Populum nostrum iam non decipies. Sed providentia diuina factum est, quemadmodum idem scribit, ut aquis conuehentibus delatum sit ad insulam Siciliæ quæ Lipara dicitur: Quo cum peruenisset, patefactum esse Christianis & imperatum dicit, ut illud colligerent, ac conderent, ab eisque templum eo loco quo situm sit magnificum miróque opere adificatum esse, in quo tum cum hac ipsa proderet, coleretur cum maxima eorum utilitate, qui eius fidem implorarent.

VITA BEATI

THOMÆ APOSTOLI,

Ioachimo Perionio Benedictino Cor-
mariaceno auctore.

252

Thomas quidem qui à Ioanne in Euan- Ioan. 20.
gelio Didymus appellatur, quo primum
tempore se ipse in Christi disciplinam tradide-
rit, aut à Christo vocatus sit, diuinis literis mē-
datum non est. Hoc autem ex iisdem intelligi
licet, cum ex communi Discipulorum ordine ac
numero ad apostolatus dignitatem vna cum a-
liis vndecim euectum & elatū fuisse. Is quan-
to in magistrum amore flagraret, tum declara-
uit, cum languente Lazaro Maria Marthe-
q; fratre, earum rogatu ad illum curandum Ioan. II.
Christus se ire velle discipulis exposuit. Nam
cum ceteri eum à suscepto propositoque consilio
deterrent, quod in Iudæam venire constitue-
ret, vnde vix saluus & incolumis ē Iudæorum
inanibus elapsus esset, multaque alia ipse de
Lazari morte primum obscure, deinde aperte
dixisset, vnus Thomas condiscipulis, vt Ioan-
nes cōmemorat, hæc dixit: Eamus & nos, cum
eoque moriamur. Hoc quidem vnum de Tho-
ma ante Christi mortem scripta diuina comme-
morant. Cum autem tertio quā in crucē actus
esset, die, à mortuis inferisque Christus excita-
tus fuisset, idem penē amoris singularis in eun-

dem documentū ut mihi quidem videtur, dedit. Cum enim eo ipso die quo excitatus est, vespere Christus eo in loco in quem eius discipuli habitandi gratia cōuenissent. & vnde Thomas abesset, ceteris se ostendisset, ei que redeunti discipuli se dominum vidisse narrarent, eis se ille habiturum fidem antè negavit, quàm vulnera, & plagarum cicatrices & vestigia non solum vidisset, verum etiā tractasset. Amantus enim etiam, non solum diffidentis aut dubitantis hæc videtur oratio. Nam eodem nos animo esse solemus, cum rem quæ nobis chara esset, amisimus. Tum enim si recuperatam in luctu inuentamque audiamus, aut nos rideri putamus, aut certè id fieri posse vix tandem aliquando, aut ne vix quidem credimus. Quod si aliqua ex parte culpandus est, accusandusque diffidentia, quippe qui toties à magistro in spem vocatus esset, fore ut tertio die excitaretur, hanc talem siue dubitationem, siue diffidētiam, clarissima illa eius professio quam octauo inde die Christum plagas ei tractandas, manusque videndas dantem, & Dominum, & Deum suum agnouit, non solum compensare, sed multum etiam superare debet. Atque hæc tantum literis diuinis de illo scripta inueni. Quæ autem sequuntur, etsi ex libro cuius author non nominatur, deprompta sunt, tamen quia passim ab Ecclesiis leguntur, comprobare debemus. Igitur cum misso

sancto

sancto Spiritu, apostoli prouincias instinctu diuino docēda religionis veritatisque causa sortirentur, *Thomae India diuinitus hoc modo obtigit. Gundaphorus India rex cū palatiū edificare miro eoque Romano opere instituisse, Abanem qui ad id opus architectum præstantissimum conquireret, Romā misit. Is cū Casaream venisset, à Christo rogatus esse dicitur, quid venisset quare eum illò causa adduxisset. Cū respondisset, missum se à domino Indiae rege, ut architectum peritissimum locaret: Est, inquit ille, mihi seruus, qui ea in arte excellit. Credit primum Abanes, Thomamq; sibi tradi asciscit, deinde eum rogat, num seruus eius esset, à quo esset traditus. Ad hæc Thomas, Ego, inquit, si eius seruus non essem, cū me tibi tradidit, restituissem. Nūc quia seruus illius sum, nō quod mihi libet facio, sed domini voluntati morem gero, eiúsq; præceptis pareo. Nec verò vnus ego seruus eius sum, sed vnus ex millibus, qui omnes illius cōmodis ita inseruimus, eiúsque rem sic pcuramus, ut ex artibus quas quisq; multas variásq; nouit, prouincias omnes obeūtes quicquid lucri fecerimus, id illi sine fraude paremus atq; offeramus. Dum hac inter se ambulantes agunt, ad nauem perueniūt, qua cōscensa rursus sermonē vltro citróq; conferunt. Abanes prior, quid ille in arte præcipui teneret, rogat, quid eum dominus suus ceteris prætulisset. Tum se*

Thomas iacere fundamenta, quae nunquam vetustas consumeret, dixit, parietes construere & erigere quae nunquam collaberentur, facere exedras & speculas eiusmodi, quae lumē deesse aut deficere nunquam paterentur, fabricam totius aedificij ita erigere, ut excelleret. Aedificia autem etsi extrinsecus non magnam speciem pulchritudinēque praeferrent, at intrinsecus mira specie praestare. Quid pluribus, inquit, tibi artē meam praedicem efferamque laudibus? Quicquid marmore aut structura effici potest, in eo me genere excellere & praestare profiteor: & si quos mihi discipulos trades, diligenter erudiam. Cūque Abanes & magnum dominum esse qui huiusmodi servos haberet, dixisset, & quovis rege praestantiorē atque sapientiorē, Est, inquit Thomas, ita ut ais. Est enim vnicus patris filius, qui regnum tenet atq; imperat in excelsis montibus, quo nec hostis ullus, nec morbus, nec paupertas egestasve potest accedere. Hac atque his similia cū Thomas narraret, secundis ventis vsi contento cursu Andranopolin urbem appellunt. Tum fortē rex eius loci, quod filiam suam nuptui tradebat, quod magnificentior celebriorque apparatus esset, per praecoēs omnes omnium ordinum conditionūque homines ad nuptiarum solenne conuiuium conuocabat, hac lege ut si quis abfuiisset, ipsum offenderet. Itaq; Thomas & Abanes cum ceteris

teris peregrinis conueniunt. Mensa omni genere ciborum instruitur, coniciunt ciues oculos in peregrinos quos nunquam viderant. Tibicini-
stria interim quæ Iudæa erat, circūcursabat, vt tibia modis singulos conuiuas oblectaret. Cū-
que ad Thomam veniens, hominem nec edentē, nec bibentem animaduerteteret, diutius aduersa stetit, ex eoque illius habitu statim Hebraum esse intellexit. Quod suum de illo iudiciū aperto testimonio declarauit. nam Hebraicè canere cœpit, Vnum esse Deum Hebraorum, qui omnia creauit, mariâque effuderit. Thomas hac audiens, vehementius orare, admonerēque puellam, vt hæc eadem verba, quæ vera essent repeteret. Tum verò is qui pocula ministrabat, cernens Thomam nec rescentem, nec bibentem, colaphum ei infregit. Thomas autem Hebraico sermone dixit, satius esse, vt ei in futura vita, in qua nullus esset supplicij finis, ignoscetur, & in hac pœnas quæ ad tempus durarent, eiusmodi penderet, vt & ipse interiret, & manus quæ colaphū infregisset, derosa à canibus in medium cōuiuium inferretur. Hanc Thomas Hebraico, vt dixi, sermone vocem misit, quo factū est, vt præter psalteriam nemo intelligeret. Itaq; cū pincerna vt aquam deferret, egressus, & à leone interfectus esset, canisque manum illius in medium cōuiuium intulisset, virgo quæ rem ita vt ab apostolo prædicta erat euemisse animad-

uerteret, conuiuio rem admirantibus, ipsa pedi-
 bus illius prouoluta, *Hic, inquit, propheta est.*
Nam cum pincerna ei colaphum infregit, id fo-
re praedixit, quod euenisse cernitis. Tū clamor ac
strepitus hominum primum à proximo quoque,
deinde à rege etiam exauditus est. Rex quid
rei esset, rogare cepit. Re comperta, Thomam
ad se venire iubet, atque sponso & sponsae bene
precari. Sic enim mihi videtur Latine hoc loco
dici quod nostri dicunt benedicere. Introductus
autem in thalamum apostolus hac usus oratio-
ne dicitur, Deus Abraham, Deus Isaac, Deus
Iacob, benedic his adolescentibus, eorumque in
mentibus vitae aeternae semen consere, ut quicquid
ad salutem suam pertinere didicerint, id perfi-
cere & exequi velint. Hac cum apostolus di-
xisset, salutato rege, abire cepit, cumque spon-
sus deducere: quo in officio cum esset, repente pal-
mae ramus ei visus est, quem manu arreptum le-
tus ad sponsam detulit. Cumque uterque eius fru-
ctum degustasset, somno oppressus est. In somno
visus est rex prepotens, gemmis fulgens, eos am-
plexi, cum hac oratione, Apostolus meus vo-
bis tantum precatus est, ut sempiterna vita per-
fruiamini. Experrecti dum quae visi erant videre,
uterque alteri exponit, ecce Thomas in cubicu-
lum introit, eosque his verbis alloquitur, A do-
mino magistroque suo qui eis visus esset foribus
obstructis introductum esse ait, ut id omne quo
usus

usus esset in eos, benè eis procederet. Eos virgi-
 nitate präditos esse, quæ omnium regina virtu-
 tum esset, soror angelorum, libidinum victrix,
 fidei trophæum, quæ de hoste triūpharet, & ad
 vitam homines æternam tutò perduceret. Tum
 stupri corruptionisq; mala eis exponit, in iisq;
 mortem sempiternam, quam si effugere vellent,
 castimoniam colerent, quæ facilem ad vitam
 sempiternam aditum patefaceret. Vterque eius
 pedibus prouoluitur, orátq; vt se in veritate con-
 firmet, ne quid de doctrina diuina eu desit. Tho-
 mas eis se proxima nocte rediturum pollicetur,
 eaque plenius traditurum, quæ ad vitam rectè
 & ex religione degendam pertinerent. Quod
 cum ille diligenter officiosèq; præstitisset, tum
 denique prospero cursu in Indiam contendit.
 Nec ita multò pòst, Dionysium quendam è di-
 scipulis suis Andranopolin misit, qui instituti-
 tis sacerdotibus, fundatæque Ecclesia, multos in
 ea vrbe ab idolorum cultu ad Christi fidem reli-
 gionemq; deduxit. Ipse verò Dionysius adole-
 scens ab illo pontifex creatus, spòsam suã Pela-
 giam nomine virginis sacris initiauit atque con-
 secrauit. Hæc spòso mortuo duplex martyrium
 pertulisse dicitur, vnum quòd nubere, alterum
 quòd idolis sacra facere noluit. His enim dua-
 bus decansis, securi feriri iussa est. In eius autem
 sepulcro Græcis literis hoc incisum esse dicitur,
 Hic sita est sponsa Dionysii pontificis, Thome

apostoli filia. Sed ad rem reuertendum est. Cum Thomas vnà cū Abane in Indiam peruenisset, Gundaphorus rex eum accersuit, rogauitq; primum quo opere exadificare ades ipse sciret. deinde cum ille ad singula ita prudenter respondisset, vt summam de eius arte opinionem rex conciperet, numerata ingenti vi pecunie ad futurum edificium, ipse ad aliam regni partem profectus est. Thomas autem toto illo biennio, quo rex abfuit, nullum finem fecit docēda Christiana religionis, largiendāq; egentibus pecunie regie. Quo quidem factum est vt innumerabilem multitudinem ad profitendum Christi nomen perduxerit. Rex verò Gundaphorus cū perfecta re qua eum abesse coegerat rediens, hoc totum comperisset, quod fecisset apostolus, eum statim in vincula vnà cum Abano coniecit, vt eos paucis post diebus interficeret. Tū Gaudius regis frater grauiter egrotabat, nec ita multo post vi morbi interiit. Quae apostoli mortem in aliud tempus differre coegerūt. Dum autem in magnifico funeris sumptu atq; apparatu rex occupatus est, quatruiduo quā mortuus erat, Gaudius ab inferis excitatus, renixisse dicitur, qui cū ad Gundaphorum regem fratrem venisset, ei quae vidisset ordine narrauit. Sibi ab Angelis in caelo palatium quod ei Thomas miro magnificoque opere extruxisset, ostensum esse, illius cū pulchritudinem cōsideraret, eāq; laudata

255

laudata & suspecta, angelis qui ostendebant, dixisset, se hoc vnum optare, vt dignus esset, qui vel ianitor eius palatii deligeretur: tum angelos respōdisse, indignum eo se fratrem fecisse, itaque si in eo habitare vellet, se rogasse Dominum Iesum Christum vt reuiuisceret, adirētque regem fratrem qui illud venderet, accepta pecunia quā se profudisse existimaret. Legi Thomæ vitam descriptam in eodem libro, in qua scriptum est, non excitatum esse Gaudium, sed cū grauissimè egrotaret, hæc illi in somnis visa esse omnia. Gaudius cū hæc fratri exposuisset, in carcerem venit, prouolutusque Apostoli pedibus, eum primum rogare cæpit, vt fratri qui imprudens tam graue scelus admisisset, ignosceret, deinde vt vestimenta elegantiora sumeret. Tum apostolus respondit, illum etiam ignorare, eos qui ad cælum aspirarent, re nulla vti quæ terrā carnemque attingeret. Itaque sibi satis esse sciret, colobium quo in humeris vteretur, & pallium atq; sandalia, quæ nunquam omnino antè abiiceret, quàm excederet è vita. Iam vterque è carcere egrediebatur, cū Gundaphorus ipse se mittens ad pedes Apostoli, veniā precatur. Ad vtrunque autem orationem conuertens. Apostolus, Magna, inquit vobis concessit dominus meus Iesus Christus, qui vobis mysteria sua patefecit. Prouincia iam vestra nomen Christo dederunt, facite etiam vos vt expiæmini, expiatique

lauacro sacrosancto, regnum sempiternum consequamini. Cumq; Gaudius Apostolo dixisset, visum à se esse palatiũ, quod regi fratri adificasset, idque vt ab eo emeret, se ab angelo impetrasse, respondiſſetque Thomas, hoc in fratris situm esse potestate, Gundaphorũsque dixisset, id sperare se consecuturum, quod iam ipsi adificatum esset, illi vero alterum ab Apostolo extrueretur: tum hac Thomas oratione vsus est: Hoc vobis persuadeatis velim, innumerabilia iam in cælo constructa esse palatia, eaque à prima mundi origine praparata, qua fidei precio emantur. Itaque si cælestium diuitiarum, si regnorum & palatiorum cupiditate ducimini, diuitia vestra vos antecedere moriētes possunt, sequi migrātes ab hac vita omnino nō possunt. Eas igitur egētibus, peregrinis viduis, pupillis, aliisque indigētibus largimini, freti hac spe, eas vos ibi multo maiores, vbi nullus est finis, cōsecuturos. His ita gestu, cum iam locus esset nullus in India, quo nō fama & sanctissimæ vitæ quam ageret beatus Thomas, & mirabilium operum quæ in quouis morbi genere depellendo ederet, peruaderet, vndiq; ad eum cōcursus fiebat hominum, qui ad eum coronas ex auro & gemmis deferebant, vestēsque regias, eo consilio, vt ei tanquam Deo cultum honorēque præstarent, vitulósque & arietes immolarent. Quod cū Apostolus animaduerteteret, Gundaphorum

phorum regem rogauit, ut res ad tricesimū diem differretur, dum tota provincia conuenisset. Fit igitur maior indies populi concursus, tantūque tricesimo demum die numerus apparuit, ut coactus fuerit Apostolus in campum homines cōuocare. Quo in cœtu quoniā egroti, sine delectu cum valētibus permixti, confusiq; erant, omnibus vnum in locum conuocatus, seiunctisq; à valentibus, ipse medius passus in cælum manibus, precari supplex patrem cœpit, his verbis: Te sanctissime Deus, prapotes verū omnium pater, nomine vnigeniti tui quē ad nos tenebrarū vitiorūmq; expulsorem, luminisq; tui largitorem misisti, precor, ut nunc verba eius cōfirmes, quibus ipse pollicitus est nos laturos esse quicquid à te suo nomine peteremus. Hic populus quē vides, aliqua opinione mirabilium tuorū operum excitus conuenit, hic surdi sunt, hic muti, claudi, hic mille morborū generibus afflictati sunt, ut tua benignitate sani & incolumes redire possint. Hæc illorum spes eos ne fallat, vehemēter te etiā atq; etiā rogo, ut ex mirabilibus tuis operibus te cognoscāt esse solum verū Deum & domini nostri Iesu Christi patrē, per quē omnia condidisti, & vnum spiritum sanctum qui animos illustret, sanctosque efficiat, & hoc tēpore, & futuris seculis. Cūq; y omnes qui sacro laua cro expiati erāt, respōdissent, Amē, tantū repēte fulgur in eos visum est cadere, ut tactos se de

cælo interituros putarent. Cùmque horam ferè dimidiatam prostrati solo iacuisſent, primisq̃ue Apoſtolus ſurgens illis vt conſurgerent imperaſſet, quod dominus Ieſus vt fulgur veniens eos morbis liberaſſet, illique valentes Deo eiùſque Apoſtolo egiſſent gratias: tum demum è ſuperiore loco ita ad eos locutus eſt, ſe à Ieſu Chriſto, cuius ſeruus eſſet, miſſum eſſe, qui omnes agros eorum paulò antè curaſſet, ſe enim hominem quemadmodum ipſi omnes eſſent, eſſe, ac miſſum à Deo, vt eos à cultu vano & falſo ſimulacrorum ad vnus veri Dei omnium conditoris, qui in cælis eſſet, cultum religionemque traduceret. Itaque ſi vitam gloriàmque ſempiternam conſequi vellent, primum omnium in vnum Deum patrem, qui videri non poſſet, nec comprehendì, quiq̃ue immenſus eſſet, crederent: deinde in vnigenitum eius filium dominum Ieſum Chriſtum, per quem effecta eſſent omnia voluntate patris, & quæ ſub aſpectu caderent, & quæ aciem oculorum effugerent, tam terrena quàm cæleſtia. poſtremo in ſpiritum ſanctum conſolatorem, qui ſub cernendi ſenſum non cadens, & initio careret, quemadmodum & pater, & dominus Ieſus Chriſtus eius filius, cum quibus ita eſſent futuri, ſi ſincerè & integrè in Deum crederent, & veterem hominem vnà cum ipſius operibus abiiceret: ſi omnia ſimulacra, & eorum dies feſtos delerent atque conculcarent, ſi

tenebras

tenebras abiicerent, ut eternam lucem inuenirent, si mortem refugerent, ut vita eterna digni essent. Quod ita denique perficere possent, si duodecim virtutibus, quas enumerasset, praediti essent. Primum omnium hortabatur eos, ut recte crederent, deinde, ut credentes saluari aqua expiarentur, tum ut se à stupro abstinerent, tum ut ab auaritia, tum ut gula & edacitati imperarent, sexto loco, ut patientes essent rebus aduersis, septimo, ut perseverarent in bonis actionibus, octauo, ut hospitalitati studerent, nono, ut quid Deus vellet, ac iuberet exquirerent, & cum inuenissent, id diligenter efficerent: decimo, ut quid idem prohiberet ac vetaret exquirerent, quod cum inuenissent, id omnino declinarent: vndecimo, ut non solum amicos, verumetiam inimicos charos haberent. Postremo, ut diu nocturne in custodiendis conseruandisque virtutum diuitiis omnem operam, studium, diligentiamque ponerent. In his enim duodecim integram absolutamque aequitatis cognitionem consistere dicebat. Tum eos monuit, ut ea dona quae contulissent, ipsi pauperibus & egentibus erogarent, (neque enim se Deum esse, sed Dei seruum) & se ipsi compararent, ut propediem saluari aqua expiarentur. His eos verbis dimisit Apostolus. Illi autem cum is dies, quem nos Dominicum dicimus venisset, expiati sunt aqua saluari, numero nonem milia, prater pueros & mulieres. His

ita gestis, diuino instinctu in Indiā superiorem profectus est. Ibi magnus ad eum concursus fiebat populorū, cum orationem illius multa inusitata opera sequerentur. Nam & demones eiciebat, & cecis aspectum restituebat, omniaq; morborum genera curabat. Interea accidit, vt Syntiche quaedam quæ Migdonie Carisii propinqui regis vxori charissima erat, cū caca esset, à Thoma aspectū recuperaret. Quod cum Migdonia animaduertisset, nec vestigium vllum pristini morbi notaret, magna voce clamare cœpit, eum vel Deum esse, vel Dei angelum, qui nulla adhibita medicina ita illam curasset. Illa vero hoc ita Migdoniam mirari dixit, quasi præter ipsam curasset neminem, cum innumerabilium morbos Iesu Christi dei sui nomine profligasset. Migdonie autem summa Thoma videndi cupiditate teneri se dicenti, eum postera die, loqui ad populum constituisse dixit. Itaque si eum videre & audire illi in animo esset, vestem mutaret, ne fortè agnosceretur. Quid multa? Syntiches consilio vititur, mutat vestem, famulari habitu ad constitutum locum inter ancillas suas venit. Thomas tum fortè causam cur Christus Dei filius in mundum venisset, exponebat his verbis: Quoniam vita hæc quam agimus, tot miseriis casibusque oportuna est, vt cū eam se tenere homines putant, ipsa effugiat, atque labatur, repen-

repentinóque casu ita effluit, vt iam inueniri non possit, idcirco veram lucem Dei filium è cælo ad nos descendisse, vt nos alteram vitã esse doceret, quæ omnino immortalis esset, omnisque doloris, gemitus, miseria, & calamitatis expers, contráque, cum summa voluptate, gaudio, letitiáq; degeretur. Fecisse autem hoc eum, vt omnes qui ea conditione nascerentur, vt tandem aliquando morentur, ad vitam quasi renati peruenirent, Dei que filij Apostolorum doctrina ij efficerentur, qui essent peccatores, peccatorumque filij. Neque enim mortalium hominum filios immortales fieri petuisse, nisi aqua & spiritu sancto iterum nati, Dei filij fierent. Atq; eundem, ne forte ea quæ traderent approbarentur, eam vim dedisse omnibus Apostolis, vt ipsius appellato nomine, cæcis oculorũ, surdis auditus vsus munusque redderẽt, demones expellerent mortuos denique excitarent, vt homo qui rationis est particeps, hoc secum reputaret, si vera ea non essent quæ docerent, tam inusitata opera & portenta consecutura non fuisse. Quapropter cũ superiore biduo eò accersiti fuissent, vt eorum corpora prius curarentur, eo ipso die se de animorum salute decreuisse dicere. Quemadmodum oculi malè affecti à medicis nisi collurio inuncti non curantur, sic animos ab Apostolis & doctoribus nisi verbis & veritati quæ docerẽt, assentirentur, castimoniámq; amplecterẽtur,

Et ab auaritia, intemperantiaque, omnibusque
 vitiis se continuerint, non posse curari. Multa-
 que alia Thomas apostolus cum docuisset, omnes
 qui aderant, religionem nostram approbauerunt,
 septemque dierum ieiunio aqua saluari vicissim
 expiati sunt. Migdonia autem cum Carisio vi-
 ro regis, ut dixi, propinquo, coniungi, miscerique
 iam noluit. Quod cum ille propterea euenisse in-
 telligeret, quod illa Thomam concionantem au-
 diuisset, statim a Misdeo rege impetrauit, ut
 ipse in carcerem coniiceretur. Ad eum Synty-
 che Migdoniam in carcerem adduxit, quae sta-
 tim ad pedes eius se mittens, orare cepit, ne se
 cuius causa et culpa ipse tantum mali sentiret,
 poenas diuinas vellet pendere. Apostolus eam
 domum suam redire iussit, quod ipse venturus es-
 set, quod facilius ipsum sponte hac ipsa perpeti in-
 telligeret. Illa ocluso ostio, in cubiculo humi ia-
 tens orabat Deum quem Apostolus predica-
 ret, ut se illius doctrinae participem facere vel-
 let. Nocte autem intempesta ad eam Aposto-
 lus venisse dicitur, admonuisseque ut constans
 esset atque bono animo, quod quemadmodum illa
 ipsius opera et praesidio vitam et gloriam sem-
 pternam consecuta esset, sic ipse per eam cum
 martyrij corona ad Christum esset euolaturus.
 Cumque Migdonia ab eo maiorem in modum
 peteret, ut quemadmodum cecorum oculos ape-
 ruisset, ita animi sui oculos aperiret, ut rectam
 vita

vita viam cerneret, nec in errorem incideret. Apostolus eam septem dierum ieiunium exple-
re iussit, octauoque se ad eam rediturum esse pol-
licitus est, eamque aqua saluari expiaturum,
omnesque qui illius opera essent credituri. Dum
hac geruntur, Carisius Misdem regem qui eius
sororem uxorem habebat, rogat, ut illa uxorem
sua adeat, si forte eam de sententia deiicere, &
à suscepto propositoque consilio abducere posset,
quam omnes quos adhibuisset, nec precibus ab
ea, nec ulla ratione impetrare potuissent, ut ad
viri thorum rediret, vel unum cibum caperet, aut
etiam eum illa intueretur. Impetrat, Treptia
(hoc enim reginae nomen erat) proficiscitur, o-
mnibus modis Migdoniam abstrahere cona-
tur, sed frustra. Quinetiam hac Migdonia hor-
tatur, ut ad Thomam cuius de virtutibus dice-
ret, cognoscendi experiendique causa secum adi-
ret. Thomam in carcere multos egros curantem
offendunt: quod cum regina cerneret, misit se ad
pedes Apostoli petens supplex, ut se vite ater-
na participem faceret. Ipse primū omnium eam
aqua saluari expiauit, cum illi ea omnia quae
ad religionem pertinent tradidisset: deinde cum
aliis dimisit. Treptia cum ad domum regiam se
recepisset, Misdem eam rogauit, cur tam diu ab-
fuiisset. Illa ob eam causam id contigisse dixit,
quod Migdoniam quam antea stultam existi-
masset, summa sapientia praeitam inuenisset.

Quinetiam se Apostolum Dei, qui omnibus
 salubre consilium daret vidisse. Itaque si ipse
 qui rex esset, nec immortalis fieri posset, eum au-
 dire vellet, fore, ut nunquam morte occumberet.
 Ad hanc Treptia regina orationem regis ani-
 mus non solum immutatus est, sed plane obrigit,
 accersitque Carisio, Dum tuam, inquit, uxorem
 recuperare volo, amisi meam. Treptia enim mea
 multo est in me iniquior, quam in te tua Mi-
 gdonia. His quasi furis agitatius Misdeus,
 Thomam ad se vinculis manibus pertrahi iubet.
 Ab eo quarit quisnam Deus illius esset, qui
 eius opera coniuges ipsius & Carisii ab eis se-
 pararet: Thomas eum Regem esse respondit, qui
 indigna seruitia habere nollit, quod si ipse qui
 homo & rex esset, nitidos mundosque seruos ha-
 bere vellet, quanto magis eum credere debere à
 Deo sancta castaque coniugia diligi? Quae nam cul-
 pa ipsius esset, si ea Deo chara esse predicaret,
 quae ille in famulis requireret? Cumque Misdeus
 uxorem suam quam ad Migdoniam proficisci
 voluisset ut eam à precipitio liberaret, in preci-
 pitium ab eo missam diceret, Apostolus non esse
 ruinam dixit, nisi deficere à castimonia & ruere
 in libidine. Eos enim qui se & à libidine sub-
 traherent, & ad virtutem referrent, à ruina qua
 & oppressi fuissent, ad salutem reuocari, & ex
 tenebris ad lumen egredi. Cumque rex ei impe-
 raret, ut quemadmodum verbis artibusque ma-
 gici

gicis suis uxores à coniugum consuetudine separasset, sic eas eodē revocaret: imperium edictū-
que eius iniquum esse dixit, propterea quod ar-
cem quam ipse edificasset, ut destrueret, impera-
ret, & fontem obrueret, quem alia terra fossio-
ne eduxisset. Itaque se Christi verbis ad eas
usurum esse potius, Qui amat patrem, aut ma-
trem, aut uxorem, aut filios plus quam me,
Deo dignus non est. Eum quidem cum rex sit
ad quoddam tempus, tamen si quis eius volun-
tati non paruerit, pœna aliqua quæ ad quoddā
tempus duret, afficere illum solere. Nec posse ta-
men cum corpus occiderit, animum occidere.
Deum autem qui rex sit æternus, si eius volun-
tas contemnatur, æterno supplicio in contempto-
res ita animadvertere, ut occiso corpore, animū
etiā interficere possit. Hac omnia Carissus au-
diebat inuitus. Itaque ira & furore concitatus,
regem admonet, si servus Thomam quem magū
appellaret, interficiendum curaret, fore, ut se ac
illum malè perderet. Itaque rex lanceas ferreas
totas igne incendi iussit, Thomamque aposto-
lum nudis pedibus eis appositum ita vita pri-
uari. Quod ut factum est, aquæ effusione diui-
nitus ignis restinctus est, idque factum esse apo-
stolus dixit non causa sua, sed illius, ut ita tan-
dem aliquando crederet. Quanquam Deus
hanc fortitudinem ipsi dare posset, ut sine aqua
ipse ignem timere non posset. Hinc eundem in

fornacem ardentem Carisii consilio adductus
 coniciendum curat, sed ubi flamma talem ho-
 stiam sensit, vim suam ita repressit, ut postridie
 incolumis sit inuentus. Tum Carisius auctor re-
 gi fuit, ut cum simulacrum solis colere venera-
 rique cogeret. Apostolum ergo virgines eo ritu
 quo solita erant, in templum cum tibiis lyris, tym-
 panis canentes, deducunt. Apostolus ut ingres-
 sus est, primū regem obiurgavit & irrisit, quod
 cum statuam suam sibi postponendam intellige-
 ret, tamen simulacro solis quā ipsi soli plus ho-
 noris tribueret, praesertim qui relicto sole eius
 imaginem ipsi aliisque colendam cēseret. Dein-
 de Christi nomine demoni qui in simulacro la-
 teret, imperavit, ut sine ullius damno & iniu-
 ria abiret, solisque simulacrum confringeret.
 Quam Apostoli orationem mirātibus omni-
 bus & obstupescantibus, utraque res subsequuta
 est. Nam & demon abiit, & simulacrum solis
 instar cera liquefactum solutumque est. Quare
 commoti cum sacerdotes omnes tum vel maxime
 pontifex, arrepto gladio Apostolum interfecit,
 cum hac oratione, Ego deorum iniuriam vlcis-
 scar: cuius corpus magno cum honore ibi primū
 sepultum est, deinde Edissam translatum esse di-
 citur imperatore Alexandro, quam in urbem
 idem Apostolus Taddaeum unum ex duobus

Euseb. in & septuaginta discipulis ad Abagarum re-
 hist. Eccle. gem, ut scriptum est apud Eusebium, misit.

95

VITA BEATI PHI

LIPPI APOSTOLI,

Ioachimo Perionio Benediclinio

Cormæraceno auctore.

262

PHILIPPVS Galileus è vico Bethsai-
da, quæ patria Petri & Andrea fratrum
fuit, originem duxit, quemadmodum Ioannes
principio ferè Euangelij sui commemorat. Is se
Christo postridie quàm Petrus vocatus est, in Ioan. I.
disciplinam tradidit, cum eum Iesus admonuis-
set, ut se ille sequeretur. Sic autem eum secutus
est, ut ipsum, nō hominem solūm, sed Christum,
quem Moses & propheta venturum prædixis-
sent, esse profiteretur. Neque verò eam quam
de Iesu opinionem habebat, dissimulauit, aut
celauit, sed eius Nathanaëlem qui ei primus fa-
ctus est obuiam, participē sociūque fecit. Na-
thanaël enim cum Christum à Philippo Na-
zarenū esse audiisset, & ex eo quasiuisset,
num quid boni ex eo oppido proficisci & prodi-
re posset, Philippus ita ei respondit, ut illi expe-
riendi causa veniendum esse censeret. Ad Ie-
sum ergo vna profecti sunt, qui cum Natha-
naëlem vnā cum Philippo ad se venientem vi-
deret, eum esse professus est Israëlitam in quo
dolus nullus esset, nulla fraus, Nathanaël qui
miraretur quòd hac de ipso Christus quē nun-
quam vidiſſet, prædicaret, enim, qui ipsum nosset

rogavit. Eum se ille vidisse dixit sub ficu, antè
 quam à Philippo vocaretur. Hic autem Phi-
 lippus postea ex communi discipulorum numero
 ad summam Apostolica dignitatis gradum
 Christi benignitate euectus est, id quod ex Mat-
 thei, Marci, & Luca Euangelis perspicui li-
 cet. Paucis ante Christi mortem diebus nonnulli
 eorum qui Gentiles à Iudeis quasi Barbari ap-
 pellabantur, Hierosolymam fortè venerant, ut
 die festo qui pascha dicitur, sacrum solenne age-
 rent. Ii ad Philippum venientes, ei exposuerunt,
 quanta Christi videndi cupiditate ducerentur.
 Philippus hoc primum Andrea condiscipulo
 enuncianit, deinde uterque Iesu narrauit. Ille
 verò cum multis verbis omnes qui aderant hor-
 tatus esset, ut & hanc quam agimus vitam præ
 æterna contemnerent, ac pro nihilo putarent,
 & sibi ministrarent, quod ita futurum esset,
 ut in cælo eis à patre honos tribueretur; pa-
 trem rogare cœpit, ut sibi gloriam tribueret.
 Quam illius orationem vox e cælo subsecuta est
 dicentis se & gloriam ei tribuisse, & rursus
 tributurum. Omnes qui aderant non planè vo-
 cem exaudierunt. Itaque alij tonitru illud fuisse,
 alij angelum cum Christo locatum esse dixe-
 runt. Ipse autem eam vocem non sua, sed illo-
 rum causa fuisse dixit, causamque exposuit
 multis verbis, quæ enumerare longum esset. Idem
 cum è Christo à cæna pridie quam mortem per-
 ferret,

ferret, audiret, neminem ad patrem nisi eius beneficio venire posse, eum rogavit, ut sibi ac discipulis patrem ostenderet: sic enim fore, ut nihil præterea requireretur. Quæ oratione ostendit, quanto sempiternæ gloriæ studio traheretur, etsi nondum plane intelligebat quid diceret, nec de Christo ita ut æquum erat, sentiebat. Itaque eum ille obiurgavit, quod cum tandiu cum ipso versatus esset, tamen nondum eum qui esset cognosceret: præsertim cum videndi patris se cupiditate duci exponeret, quem videret cum ipsum cerne-
ret. Atque hæc quidem tantum literarum sanctarum monumentis de hoc Philippo mandata sunt. Nunc de eius doctrina & morte aliquid dicendum est. Ei Scythiam in partitione provinciarum obtigisse inuenio, in qua cum annos fere viginti Christianæ religionis instituti animos populi imbuisset, innumerabilemque multitudinem à falso cultu ad verum traduxisset, à nonnullis qui à religione nostra abhorrebant, comprehensus est primum, deinde ad statnam Marti ductus, ut ei diuinum honorem & cultum tribueret. Eo ut ventum est, draco inusitatae magnitudinis ex basi statuæ erupisse dicitur, pontificisque filium qui ignem ad sacrificium ministraret, duosque tribunos qui provincie præessent, cuius satellites Philippum comprehensum habebant, certo quodam impetu vulnerasse, multosque flatu oris in gravem morbum præ-

Ioan. 14.

cipit auisse. Philippus autem qui omnia lamentationum, gemitus, morborumque plena cerne-
 ret, omnibus tum exposuit, si consilium ipsius se-
 qui vellent, fore, ut non solum ij qui draconis fla-
 tu in morbum incidissent, conualesceret, verum-
 etiam ij qui iam extincti essent & occidissent,
 ab inferis excitarentur. Quinetiam se Dei sui
 nomine draconem qui eis tam pestifer esset, fu-
 surum atque fugaturum esse promisit. Omnes
 eum tum orare ut consilium daret, quo quam
 primum vteretur. Ille Martis statuam deiicien-
 dam esse dixit, & in eius loco Iesu Christi cru-
 cem figendam quam ipsi venerarentur & cole-
 rent. Cumque agri sibi vires deesse clamarent,
 ostenderentque lachrymis se si possent quam pri-
 mum deiekturos esse statuam, Philippus draco-
 ni Christi nomine ut eo abiret, ubi nocere ne-
 mini posset, imperavit: atque ita eius iussu eua-
 sit. Tum autem & pontificis filium, & duos tri-
 bunos quos paulo antea dixi, ab inferis excita-
 uit, & omnes qui flatu draconis in morbum in-
 ciderant, curauit. Quo factum est, ut omnes qui
 antea Philippo infesti erat, paeniteret scelerum
 suorum, ipsique eum ut Deum hominis specie &
 figura adorarent. Ipse autem annum ibi pre-
 terea commoratus est, totumque illud tempus in
 tradendis docendisque religionis nostrae myste-
 ris institutisque consumpsit. Christum enim do-
 cebat mundo qui in maximum discrimen salu-
 tis dedu-

tu deductus esset, aduentu suo remedium attulisse, eumque liberasse: eundem natum ex Maria virgine, mortem salutis hominū causa perpe-ssum, sepultum, ac tertio die excitatum à mortuis quā ante mortem docuisset, eadem docuisse cū reuixisset: quadragesimo die, in cælum discipulu spectantibus ascendisse, vnde Spiritū sanctū sicuti pollicitus erat, ad suos misisset, à quo specie ignis in singulis insidente, omnium populorum atque nationum sermone & linguis fuissent eruditi. Se ex eorum numero vnum eò missum, docuisse simulacra vana & futilia esse, generique hominū aduersa. Hæc atque alia eiusdem generis cū Philippus doceret, innumera-biles homines ad Christi cultum & religionem traducti baptizatiq; sunt. Institutus autem eorum hominum ordinibus & gradibus, qui rem diuinam procurarent, delectōque pontifice, multisque templis edificatis, ipse oraculo diuino admonitus, in Asiam reuersus est. Ibi in vrbe Hierapoli sectam Ebionitanorum qui Dei filium veram hominis naturam ex Maria virgine sumpsisse negabant, euertisse ac sustulisse, eorūq; inuidia & scelere in crucem actus & lapidibus obrutus esse dicitur. Quanquam in peructuō bibliotheca Cormæriacena volumine non cruci suffixum eum reperio, sed septimo quā excederet è vita die, omnes clericos ad se

accerfisse, eisque exposuisse, septem dies sibi à Deo concessos esse, ut eos hortaretur, ut in Christi doctrina & cultu permanerent: eumque annos natum septem & octoginta in cælum ad Christum migrasse, duasque eius filias virgines post aliquot annos mortuas à dextra laeva-
que eius sepultas fuisse. Quarum etiam mentionem apud Eusebium facit Polycrates in epistola quam ad Victorem Romanum pontificem misit. Sed ne errore labamur, quemadmodum Eusebius, diligenter videndum est. Neque enim Philippus is, quem in actis Apostolorum Cesare visum à Paulo & eius quatuor filias virgines Lucas scribit, apostolus, sed tantum diaconus fuit.

D. IACOBI, IVDAE

APOSTOLIFRAT-

tris vita, Ioachimo Perionio

Benedictino Cormæria-

ceno auctore.

IACOBVS Iudæ ac Simonis frater, Alphæum patrem habuit, & Mariam matrē, quæ interdum in sanctis scripturis, Maria Iacobi, interdum Ioseph mater, interdum etiam Maria Cleopha s. filia dicitur. Hic quidem quando à Christo vocatus fuerit, incertum est, vocatum

vocatum autem eum esse hinc intelligi potest,
 quod apostolatus dignitatem ab eo consecutus
 est, cum nemo ad eum honoris gradum ascenderit,
 qui non se ante in Christi disciplinam tradidisset.
 De eo priuatim ac proprie nihil prorsus ij qua-
 tuor sanctissimi viri, qui libros quatuor q̄ Euā-
 gelia inscripti sunt, scripserūt, literis mandarūt.
 Paulus autem eius mentionē facit multis locis,
 & Lucas in eo libro quē Acta Apostolorū
 inscripsit. Ac Paulus quidem in priore episto- 1. Cor. 15.
 la ad Corinthios, Christum cum excitatus esset
 ab inferis, ei se ostendisse scribit, Deinde, inquit,
 visus est Iacobo. Quod quemadmodum gestum
 sit, Hieronymus in Euangelio quod Hebræo- Hierony.
 rum diceretur, quodque ipse, ut ait, ex Hebræo descrip-
 sit in Græcum & Latinum conuertit, se reperisse Eccles.
 commemorat. Iurauerat ipse, ut Euangelium
 illud exponit, nunquam se cibum esse capturum
 ex ea hora qua cruci Christus suffixus fuerat,
 quoad excitatum eum à mortuis cerneret. Ita-
 que Christus qui quāto ille sui desiderio moue-
 retur, consideraret, venit ad eum, instructaque
 mensa, panem ei porrexit, admonens eum ut
 ederet, quod ipse ab inferis excitatus esset. I-
 demque Paulus in principio epistolæ quam ad
 Galatas scripsit, anno tertio quāto à Christo Galat. 2.
 delectus esset, Hierosolymam se profectum esse
 dicit, ut Petrum videret, apud quem etiam dies

Ibid. 2.

quindecim sit commoratus. Alium autem apostolorum se vidisse negat, prater Iacobum domini fratrem. Anno inde quartodecimo eandem in urbem se venisse scribit, una cum Barnaba & Tito, afflatu divino incitatum, ut de Evangelio cum iis qui in honore erant & precio communicaret. Ibi autem cum Iacobus hic, Petrus & Ioannes qui columnina disciplina nostra esse viderentur, munus ac beneficium quo ipsum Deus affecisset, cognovissent, illos ipsi ac Barnaba dextras societati dedisse, ut illi Gentibus, ipsi Iudeis mysteria religionis nostrae enuntiarent & traderet. Atque hac quidem Paulus de eo scribit. Lucas autem in eo libro quem modo nominavi, scribit, cum Antiochia factione quorundam Iudeorum inter religionis nostrae homines, magna quadam de circumcisione Mosaeica legis orta esset dissensio, nonnullique ei legi hac in parte parendum esse necessario censerent, alij contra, in iis Paulus & Barnabas, negarent, omnibus tandem placuisse, mitti Paulum & Barnabam cum quibusdam aliis alterius factionis Hierosolimam consultum apostolos maioresque natu, quae nam eorum de hac re esset sententia. eosque cum eo ventum esset, curasse convocandos apostolos & maiores natu, quorum Petrus exposuerit sibi a Deo patefactum esse, barbaros quos Gentes vocarent, ad religio-

religionem disciplinamque nostram pertinere. Itaque non esse, quod conarentur iugum imponere cervicibus omnium, quod neque ipsi, neque maiores eorum ferre pati que potuissent. Fide enim eos quemadmodum & Iudæos saluē posse consequi. Quæ cum Petrus dixisset, indicto paulisper silentio, Iacobum censuisse, quoniam Simon ut omnes audirent, diceret, sibi à Deo significatum, barbaros quos Gentes appellaret, ab ipso electos esse, cui etiam cum aliorum prophetarum, tum verò Amos verba & testimonia congruerent, barbaros nō esse ex ordine & loco mouendos, scribendumque ad eos esse, ut se ab iis cibis qui idolis immolati essent, à stupro & fornicatione, à suffocatis animalibus & sanguine abstinere. Hanc verò Iacobi sententiam adeò comprobata esse omnibus & apostolis & maioribus nati, ut epistolam ad Gentes quæ nostræ religionis institutus parerent, in eandem sententiam scribendam censuerint. Atque hæc de Iacobo in scriptis diuinis sola reperiuntur. In quibus quanquam non est scriptum, eum ab Apostolis statim post ascensum Christi Ecclesiæ Hierosolymitana præfectum esse pontificem, tamē & Egesippus & Clemēs Alexandrinus & Eusebius & Hieronymus hoc asserunt, idēque Eccl sia ita comprobatur, ut eam sententiam, cuius paulò ante mentionem feci, ab

Egesip.

eo ut Hierosolymitano pontifice dictam existi-
 met. Quæ sequuntur ex Egesippi commentariis
 Eusebius conquesta & collecta, ut ipse ait, ex-
 posuit: neque enim in iis quinque libris eius qui
 extant, ea reperire potui. Iacobus hic ex utero
 matris suæ sanctus fuit, vino nunquam usus est,
 neque vlla alia potione quæ ebrios reddit nec
 animalium carnibus vnquam vesci voluit, ferro
 & nonacula nunquam rasum est eius caput,
 oleo corpus nunquam perfudit aut unxit. Ei
 vni in templum interius quod Sancta sancto-
 rum dicitur, ingredi licebat, neque enim laneis,
 sed tantum lineis vestibus utebatur. Solus in tem-
 plum venire solitus erat, ibique diu genibus hu-
 mi hæretibus Deum ut populo suo propitius es-
 set, orabat, in eoque tam diu perstitit, ut genua eius
 quasi callo quodam obduruerint. Itaque ex hac
 opinione quam de incredibili eius abstinentia
 & sanctitate omnes habebant, Iusti cognomen
 inuenit. Cum autem multos annos cum hac tali
 opinione Ecclesiam Hierosolymitanam sibi tra-
 ditam & commendam, rexisset, tricesimo anno
 nonnulli qui Phariseorum, Scribarum & Sa-
 duceorum sectas sequebatur, eum rogauerunt quid-
 nam de Iesu sentiret. Ille cum eum seruatorem
 esse predicaret, multi de populo orationi eius fi-
 dem habuerunt, illorum nemo eum nec excita-
 tam ab inferis, nec venturum ut pro suis cuique
 meritis

meritis reddat, credidit. Itaque illi cum in suo errore perstarent, concitare in Iacobum odia populi, miscere sermones, clamare ac vociferari, nihil restare, nisi ut omnes Iesu religionem disciplinamque approbarent. Quod etsi Iacobi maxime opera & crebris concionibus fieri animaduvertebant, hoc tamen non sibi ostendendum sed simulata quadam fronte tegendum censuerunt. Hinc ad eum conuenerunt, petiitum, ut populum qui de Iesu ita sentiret, ut Christum, id est, eum quem expectandum seruatorem prophetae prädixissent, illum esse prädicaret, ab ea tanquam falsa sententia abduceret. Se ac populum de illius probitate ac virtute ita existimare, ei que tantum tribuere, ut nullius rationem eum habiturum existimarét, potius quam veritatis. Diem festum instare qui pascha diceretur, ad quem in vrbe infinitam hominum multitudinem affuturam intelligeret: eo die ipse de loco superiore verba de Iesu ad populum faceret, ne deinceps in eum errorem induceretur. Ipse qui nihil eos fraude agere existimaret, tantam de Iesu dicendi occasionem nactus, cum dies venisset, templi pinnam eorum rogatu conscendit, quò ut venit, cum magno clamore sublato orare cœperunt, ut ipse quem omnium iustissimum & optimum scirent, cuique parere omnes deberent, quid de Iesu sentiret, quem

plebs ut Christum coleret, palam ac publice profiteretur. Iacobus magna tum voce, ut omnes intelligerent, ita exorsus est, Quid? mēne de Iesu rogatis? en in cælo à dextra Dei sedet, venturusque est ut inter omnes diiudicet. Hoc Iacobi de Iesu testimonio variè affecti sunt ij qui aderant. Ii enim, qui disciplina religionisq; nostræ institutus imbuti erant, magna ex eo letitia affecti, Deum laudibus in cælum ferre cæperunt. Scribæ autem & Pharisei tantis iracundia invidiaq; facibus inflammati sunt, se ut peccasse in eo faterentur, quod eiusmodi testimonium Iesu ipsorum opera dictum esset. Itaque alij alios hortari, ut ascenderent, & ex pinna Iacobum præcipitem darent, cuius supplicio & morte ceteri à fide & professione Christianæ religionis deterrerentur, & abducerentur: Iustum etiam errasse dicebant, Iustum lapidibus obrui oportere. Quod etiam perfecerunt: nam cum ad pinnam ventum esset, non solum præcipitem vimagna & impetu dederunt, verumetiam lapidatione. Nec tamen eo supplicio extinguipotuit, sed conuersus atque in genna erectus, rogare Deum cæpit, ne tale facinus eis noxa ac fraudi esse vellet, eos enim ignorare quid facerent. Cumque talia orantem ex superiore loco lapidibus obruerent, Rechabius quidam sacerdos Rechabimi filius, orare eos cæpit ut ignosceret, ac desi-

ac desineret eum lapidibus obruere, qui pro ipsis
 precaretur. Illi nec tanta viri in ipsos charitate,
 nec Rechabij consilio & precibus ducti: finem
 eum interficiendi fecerunt, quoad vnus eorum
 arreptum fustem fullonum, cerebro eius illisit.
 Talique morte Iacobus ad Christum migravit.
 Eam autem de eius sanctitate omnium Iudeo-
 rum opinionem etiam Iosephus qui à nostra di-
 sciplina abhorrui, fuisse scribit, vt morte eius
 causam datam Hierosolymitanæ oppugnationi
 atque aded euersioni & cladi sapientissimus
 quisque & optimus iudicauerit.

D. SIMONIS ET

IUDÆ APOSTOLO-

rum vita, Ioachimo Perionio

Benedictino Cormæria-
 ceno auctore.

Simonis & Iudæ Christi Apostolorum vi-
 tam vno sermone concludere constitui, pro-
 pterea quod eodem in loco & religionis nostræ
 mysteria tradidisse, & mortem pro Christo eo-
 dem etiam die pertulisse reperiuntur. Ii quidem
 Alphao patre, & Maria matre nati sunt.
 Maria autem eorum mater in Euangelis mo-
 do Maria Cleophae. s. filia dicitur, modo Io-
 sephi mater qui fuit Christi discipulorum vnus,

alias Maria Iacobi s. mater, alias Maria Iacobi & Iosephi mater. Quod si Iudas hic de cuius rebus gestis scribimus, principio Epistolæ quam unam eamque perbreuem scripsit, Iacobi se fratrem nominat, profecto iam tres illos, Iacobum, Iudam & Iosephum fratres fuisse intelligimus. Restat ut Simonem de quo sermo est, eorum fratrem fuisse doceamus, quod nisi Ecclesiæ auctoritate quæ hos duos de quibus loquimur, semper ut fratres venerata est, non possumus. Iacobum autem horum fratrem eum intelligimus, qui post ascensum Christi ab apostolis Hierosolimitanus pontifex prefectus est. Alter enim Iacobus qui Zebedæi filius fuit, Ioannem fratrem habuit. Atque hi quidem quo tempore se in Christi disciplinam tradiderint, literarum sanctarum monumētū proditum non est. Apostolos autem eos delectos esse aut potius selectos ex communi discipulorū numero Matthæus, Marcus & Lucas docēt. Eos verò in Galileæ oppido quod Cana dicitur, natos esse, hinc sciri potest, quod Simon hic interdum Cananæus, interdum Zelotes nūcupatur. Quoniam enim Cana Zelus ab Hebræis appellatur, duo eorum qui Euangelia scripserunt, Cananæum, Lucas verò Zelotem eum nominant, illi verbū Hebraicum secuti, hic Græcam interpretationem. Nihil de eis in diuinis literis scriptum

scriptum reperio duntaxat quod ad illos privatum pertineat, nisi quod in illo prolixo sermone, quē à cœna extrema Christus ad apostolos habuerit, cum ipse Christus dixisset, Qui praecepta ipsius haberet, eisq; pareret, eum esse qui ipsum diligeret, eum autem qui ipsum diligeret, Patri charum futurū, seq; ipsum ac Patrem illi ostensurum: Ioannes scribit tum Iudam hunc quasiuisse à Christo quamobrem ipsi atq; cōdiscipulis se ostensurum esse, non mundo diceret, Christū inque ei respondentein facit, Si quis ipsum diligeret, fore, ut ipsius praeceptis obediret, eiusque Pater illum charum haberet, & ad illum venirent, & apud eum manerent atque habitarent, & quae apud illum sequuntur. Iis autem in partitione provinciarum Persis obtigit, ad quā ut venerūt, magos duos Zaroen & Arphaxatium qui Matthaei apostoli conspectū fugerāt, inuenerūt. Horū doctrina ita falsa erat, ut Deum verum qui Abrahami & ceterorū veterum Deus diceretur, tenebrarū Deum vocarent, Moſen veneficum esse dicerent, prophetas omnes à Deo tenebrarū missos dicerēt, homines animos à Deo delibatos habere, corpora à Deo prapostere facta. Itaque contrariis diversisq; rebus corpus gaudere, iisdemque animū offendi solitum. contrāq; quibus ex rebus animus voluptatem caperet, eas corpori dolorem afferre

& molestiam. Solem etiam, lunam & aquam
 in deorum numero reponebant. Dei autem fi-
 lium Iesum Christum dominum nostrum, nec
 verum hominem ex vera virgine natum, nec
 verè tentatum, passum, nec vere ab inferis exci-
 tatum esse tradebant. Ac Magorum quidem
 talis disciplina & doctrina erat, eaque Persa-
 rum animos magna ex parte inbuerant, aut po-
 tius infecerant. Simon autem & Iudas tum
 Persidis fines attigerunt, cum Xerxes regis Ba-
 byloniorum exercitus, cui Varada dux praeerat,
 contra Indos qui Persidis fines inuaserant, edu-
 cebatur. Habebat autem in comitatu suo Va-
 rada dux aruspices, ariolos & magos, quorum
 opera & artibus deos consulebat, ut quidnam
 agendum esset, eorum oracula patefaceret. Cum
 verò eo ipso die, quo apostoli venerant, nulla re-
 sponsa dare possent, coacti sunt ad finem finiti-
 mi oppidi consulendi causa proficisci, ubi demon-
 respondit deos qui se illis ad prelium properan-
 tibus comites praeberent, nihil omnino responsi
 dare posse, propterea quòd Dei apostoli ibi es-
 sent, quorum vnus Simon, alter Iudas dicere-
 tur. Eos tantam vim à Deo consecutos esse, ut
 nullus Deus illis presentibus loqui audeat. Va-
 rada dux diligenter conquisitos apostolos ad se
 adducendos curauit, praesentisque rogauit, unde,
 & qui essent, quaeque eorum aduentus causa esset.

Simon

Simō si genus quæreretur, Hebraeos se ac fratrem esse respondet: si cōditionem, Iesu Christi seruos: si causam tanti itineris, illius omniumque salutis causa venisse, ut relicto simulacrorum errore, Deum qui in cœlis esset, possent cognoscere. Negat ille sibi tū ocium esse plura ab eis de his rebus audiendi, quod Indi ascitis sociis Mediis in Persidem impetū fecissent. Itaque eos se cū victor redisset, studiosius auditurum esse dixit. Iudas contrā confirmabat consentaneum esse iam in animo ipsius notitiā aliquā illius imprimi, cuius ope & auxilio vel victoriā obtineret, vel certē eos qui defecissent, pacatissimos redderet. Quæ Iudæ oratio fecit, ut Varada dīci veniret in mentem quod dī respōdissent. Itaque eos rogauit, ut quoniam dī patrij nihil illis presentibus respondere ausi essent, ipsi quē belli euentum & exitum habiturus esset, prædicerēt. Simon se ac fratrem illis pristinam facultatem respondendi dare dixerunt, quō facilius eorum errorem quos futura prædicere putaret, coarguere posset. Cūque ille vnum hoc se optare, ut loquerentur, dixisset, apostoli eis potestatem Christi nomine fecerunt. Illi autem graue ac diuturnum bellum futurum esse dixerunt, & ex utraque parte magnum militum numerum interfectum iri. Quæ illorum oratio risum Apostolis mouit tātum, ut Varada eos accusarit, quod in-

tanto metu suo ipsi tamen viderent. Apostoli
 metum illius depulsum esse dixerunt, quod secum
 in eam provinciam pacem inuexissent. Itaque
 si eo die longius minimè progredieretur, postri-
 die eos quos pramisset redituros esse cum In-
 dorum legatis, qui & loca capta redderent, &
 ad conditiones pacis quas vellet, Indos descen-
 suros nunciarent. Pontifices eodem modo in ri-
 sum soluti, ducem admonuerunt, ut ne ignotorum
 & externorum hominum plus apud eum, quàm
 deorum valeret auctoritas. Illos enim fallendo
 loqui aliquid, ne speculatores esse videantur,
 & illum bono esse animo iubere, ut dum mi-
 nus cautus esset, posset nec opinato circumue-
 niri, & opprimi. Deos autem veros esse, dedis-
 seque responsum eiusmodi, quod ipsum admo-
 neret ut prouideret. Simon externos, ignotos &
 egentes se ac fratrem fateri: sed tamen cum ipsi
 non mensem vnum expectandum esse censue-
 rint, verum vnum diem, cumque posterum quo
 euentura ea essent quae ipsi praedixissent, non id
 longum aut molestum videri debere. Pontifices
 tum furere, ac dicere, Quid? inter aureas &
 gemmis distinctas vestes, inter purpuram &
 auro textas tunicas, deos patrios mentiri posse?
 quamprimum eam deorum iniuriam omni sup-
 plicio vindicari oportere. Varada cum hoc mi-
 rum videri dixisset, quod externi & ignoti ho-
 mines

mines tam constantè assenerarèt quod ab oraculis deorum discreparet, illique eum hortarentur, ut Apostolos in custodiam traderet, ne fugerent. At verò, inquit non ù solum, sed vos etiam in custodia eritis, ut rerum exitus doceat, utrorum testimoniū sit verius. Tum videbitur, utri honoribus merito affici, utri supplicii debeant. Postero die hora tertia ea omnia acciderunt quæ Apostoli prædixerāt. Itaque dux ignem excitari iussit, in quem viui pontifices conicerentur: quod cū Apostolus nuntiātum esset, se ad illius pedes miserunt, ab eo petentes ne id faceret, ne ipsi qui salutis hominum causa venissent, ut mortuos ab inferis excitarent, viuos occidere viderētur. Mirari se tū dixit dux, quod pro illis precatōres accederent, qui nihil aliud egissent per præfectos & tribunos pretio etiam adiecto, nisi ut ipsi viui exurerētur. Apostoli autē cū disciplina nostra instituta postulare dicerent, ut nō solum malum pro malo non referrent, sed etiam bonum pro malo, hoc ille ab eis contendit, ut vel hoc paterētur, omnes eorum facultates sibi tribui. Tum censa sunt bona omnium, quorum quisque quoque mense de fisco libram vnā capiebat, cū centū viginti pontifices templorum essent præter eum qui principatum obtinebat, cui quadruplum pendeatur. Adduxit postea dux ad regem Apostolos,

eosque deos esse dixit, specie ac figura hominum,
 eique exposuit ea omnia quæ accidissent, victo-
 riam, pontificum insaniam, eorum in pontifices
 misericordiam & charitatem singularem, quã-
 ta in eis esset diuitiarum despicientia & con-
 temptio, quod cum facultates pontificum eis vel-
 let tradere, ipsi sibi quicquam possidere in terra
 nefas dicerent: esse enim eorum possessionem æter-
 nam in cælo, ubi regnaret immortalitas. Itaque
 eos dicere se non posse vlla ratione aurum acci-
 pere, vel argentum, vel domos, vel pradia, vel
 seruos, vel ancillas, quippe cum hac omnia ter-
 rena sint, & morientem hominem non sequan-
 tur. Hoc etiam addidit, cum eos admoneret, ut
 vel pauxillum acciperent, quod essent exteri &
 egentes, se egentes esse negasse, quod diuitias cæ-
 lestes haberent. Quinetiam eos ipsi hoc consilij
 dedisse exposuit, si censum sibi saluti esse vellet,
 erogaret debilibus, largiretur viduis & pupil-
 lis, conferret in egentes & agrotos: multa-
 que ab eis didicerat, regi exposuit. Interea Za-
 roës & Arphaxatius magi, de quibus initio
 multa dixi, quia aderant cum hac Varada de
 Apostolis regi narraret, coniurasse eos contra
 deos & regnum illius dixerunt, quod ut verum
 esse intelligeret, prohiberet eos loqui, nisi ante
 deos adorassent. Cumque Varada Apostolo-
 rum patrocinium suscepisset, magisque diceret
 ut fac

ut facerent, si auderent, artibus suis, ut deos Babyloniorum adorarent: illi contenderunt ab eo, ut si quid posset experiri vellet, accersiri iuberet homines qui plurimum dicendo posset: tum fore, ut omnino muti redderentur. Placuit conditio, homines accersuntur, qui & copia dicendi, & disputandi acumine præstabant. Cumque magi illi (huic autem spectaculo rex, dux, clarissimi que Babylonij interfuerunt) primi verba fecissent, repente illi disertissimi homines ita muti effecti sunt, ut ne nutu quidem quod verbis non poterant, significare posset. Quod cum regi mirum videretur, magi paulò post ei exponunt, se tam disertis viris illius ita loquendi potestatem facere, ut tamen se ipsi penitus loco mouere non posset. Quò facilius nos, inquit, ex numero deorum esse intelligas. Nec verò hoc unum se facturos, sed hoc etiam ut iterum illis mouendi se loco facultate ipsorum nutu & voluntate concessa, apertis oculis nihil cernerent: utrunque horum regis, ducisque animis terrorem stuporemque tantum iniecit, ut & ipsi quod contrà dicerent, non haberent, & amici eorum asseuerarent, non esse illorum vim tantam, quantam cernerent, contemnendam, ne ipsis idem quod iis quos viderent, magorum artibus contingeret. Dux qui Apostolos charos haberet, hac omnia eis exposuit, quæ cum audissent, ab eo contenderunt,

ut eloquentes illos homines, ad se prius adduce-
 rent, quàm ad magos, ut eodem certaminis ge-
 nere dimicarent. Sic enim perspecturum eum,
 quàm imbecillia sint vanitatis arma si cum
 veritate congregiantur. Dux hac Apostolo-
 rum oratione adductus, viros illos qui summa
 dicendi facultate præditi erant, adit, eisque nar-
 rat quanta molestia affectus esset ex ea igno-
 minia & infamia quam superiore certamine
 suscepissent. Itaque ex eo tempore nihil aliud à
 se actum esse, nisi quemadmodum maculam il-
 lam obliterare & delere possent. Neque verò
 se antè destituisse, quàm excogitavit quod huic
 malo remedium afferret. Esse enim homines
 à se inuentos, quorum præceptis instructi, fa-
 cile magos vincerent. Gratias illi maximas
 Varada cum se ad illius pedes abiiecissent, ege-
 runt, eumque rogarunt, ut rem maturare vel-
 let. Producit ille Apostolos, quos cum illi sor-
 didis vestibus indutos aspexissent, eos ferè con-
 tempserunt, ac pro nihilo putarunt. Simon qui
 hoc ex vultu eorum intelligeret, ferè dixit fieri,
 ut in aureis & argenteis thecis res minimi præ-
 tij recondantur, contràque, ut in ligneis patera,
 scyphi, candelabraque aurea gemmisque distin-
 cta reponantur. Solere etiam vasa pulcherrima
 in quibus acetum sit, contemni, dolia vero vini
 præstantissimi plena, quanquam aspectui in-
 grata.

grata essent, tamen homines odoris & saporis sensu ita afficere, ut degustare velint, nec eos de aspectu qui offendit, sed de sapore tantum cogitare. Itaque omnes qui alicuius rei cupiditate ducantur, non magnopere de eo in quo inclusa sit laborare, dummodo re ipsa perfruantur. Nihil ergo esse quod eos habitus ipsorum servilis offenderet, cum intus laterent ea, quae facere possent, ut & gloriam & vitam consequerentur sempiternam. Omnes enim homines iisdem parentibus natos esse, eos cum à Deo in loco amœno, in quo tantum vite, nullus morti locus erat, collocati essent, consilio impulsique angeli qui hominis felicitati tanta inuideret, legem quam à Deo acceperant, violasse ob eamque causam servos eius effectos esse, cui parere voluissent. Hinc factum esse, ut ex illo tam amœno fortunatoque loco in hanc terram tanquam in exilium quoddam expulsi sint. Ipsos autem atque eorum posteros, quãquam in hoc quasi exilium missi essent, tamẽ non neglectos esse à Deo, sed tam charos habitos, ut si Deum effectorem solum colere venerarique velint, nihil eis angelus ille nocere & obesse possit. Egisse tamen hoc inimicum illum angelum, ut homo à conditore suo desciscens, idola coleret, elemẽta adoraret, lignumque quod ipse dolauerat deum suum appellaret. Hunc autem errorem illum in homi-

nibus ob eam causam fouere, vt eos imperio suo dominatūq; cohibeat, eisque arbitrati suo abutatur. Itaque illum fecisse magorum suorum artibus, vt ipsi quandiu voluisset, primum tacerent, deinde oculorum munere non fungerentur, postremo vt moueri loco non possent. Quod si idolorum cultum repudiaturos se esse promitterent, & eum qui solus esset Deus veneraturos atque adoraturos, fore vt ipsi manus capitibus eorum imponderent, & Christi signum in eorum frōtibus imprimerēt, quibus illi rebus & quasi armis instructi, nisi magos refellerēt, ac superarent, falsa omnia & futilia quæ ab ipsis assererentur, crederent. Omnes tum se ad Apostolorum pedes miserunt, pollicitique sunt si impedirēt quò minus magi nihil ipsis obesse possent, fore, vt ab idolis discederent. Apostoli cum Deum orassent, vt magis quanta posset ostenderet, quemadmodum Zambri & Mambri ostendisset, illōsque qui religionem fidēque ipsius se accepturos pollicerentur, tanta constantia & fortitudine armaret, vt omnes præpotentem eum cognoscerent, eos ad regē abire permisit. Magi eodem venerunt: qui cum maximè conarentur, idem quod antea facere non potuerūt. Prouocabant etiam illi, quos pridie vicerant, vt si possent eadem agerent, illi cum nihil aliud possent, serpentum ingentem vim excitarunt.

Accer-

272
Accersendos omnes Apostolos censent. Ii primo aduentu suo congeserunt in pallia sua serpentes, quas in magos concitarunt, ita tamen, et morderi illos ab eis tantum sinerent, non morsibus etiam interfici. Itaque rex ceterique omnes agebant cum Apostolis, ut serpentum morsibus eos necari sinerent. Illi vero missos se esse, non ut à vita quenquam in mortem precipitem darent, sed ut omnes ad vitam à morte reuocarēt. Proinde Christi nomine serpentibus imperarunt, ut veneno quod in corpore magorum diffuderant collecto, loca sua repeterent. Inssu autem eorum ita abierunt, ut maiorem cruciatum surgendo veneno, quam infundendo, magi sentirēt. Liberatos Apostoli monuerūt, ut scripturam audirent, quæ diceret, eum qui alteri foueam pararet, in eam priorem casurū. Eos quidem ipsis mortem parauisse, se contra, Christum rogasse, ut eos à morte seruaret: neq; hoc solum, sed cum id sceleribus eorum deberetur, ut multos annos ex serpentum morsu ac vulneribus laborarent, se tamen impetrasse, ut tertio die pristinam valetudinem recuperarent. Eos fortassis ab impietate discessuros, cum Dei voluntatem in se experirentur. Se enim illos triduum illud ob eam causam ex cruciari velle, ut eos errorū scelerūque suorum pæniteret. Ita admonitos domum duci iusserunt. Illi autem triduo illo nec cibum,

nec somnum capere potuerunt, sed sensu doloris
 coacti, nullum finem vociferandi clamandique
 fecerunt. Iamq; spes salutis omnis propè ademp-
 ta erat cum Apostoli venientes, ita eos allo-
 cuti sunt Deum coacta seruitia respuere, itaque
 salui & incolumes itaurgerent, ut si vellent,
 se à malo ad bonum conuerterent, tenebrisque
 relictis, lucem sequerentur. Illi autem in perfidi-
 dia erroreque perstātes, quemadmodum Mat-
 thæi Apostoli, sic horum conspectum fugerūt,
 vniuersamque Persidem peragrantes, omnium
 qui idola colebāt, inuidiam & odium in eos con-
 citarunt. Apostoli regis aliorumq; rogatu Ba-
 byloniæ diu commorati sunt, cum interea miris
 operibus editis, curandis morbis omnium innu-
 merabiles ad Christi religionem traduxerunt.
 Post autem peragrata vniuersa Perside ad vr-
 bem quandam, Sunirum nomine peruenerunt.
 In ea magi pontifices admonuerūt, venturos es-
 se duos Hebraeos, qui illorum deos & ipsi con-
 temnerent, & alios contēnendos relinquendosq;
 censerent, quod si obtinerent, fore ut ipsi sine ho-
 nore, sine gloria, sine re viuerent. Apostoli cum
 eo venissent, à ciue quodam cui nomen Semni
 erat, quemq; primo suo aduentu Christi religio-
 ne ac fide imbuerāt, hospitio accepti sunt. Quod
 ut primum pontifices rescīuerunt, omnes eò cum
 populo quem concitassent, venerunt, Semni que
 impera-

imperarunt, ut inimicos deorum suorum produ-
ceret, ac si cum eis non sacrificaret, deosque cole-
ret, se illum ac domum ipsius cum eis incensuros
esse minati sunt. Comprehenduntur Apostoli,
& ad templum Solis deducuntur. Illi cum in
primo etiā templi aditu essent, daemones per eos
homines in quibus erant, clamare coeperunt,
quid eis cum ipsis rei esset, cum Apostolos Dei
vivi eos appellassent, se enim aduentu eorū exu-
ri. Erat in ea tēpli parte quæ ad orientem per-
tinebat, currus fusilis ex auro, in quo sol cū ra-
diis fusilis ex auro, erat collocatus. Ex altera
parte stabat luna fusilis ex argento cum currus
boum fusili ex argento. Eos ut colerēt Aposto-
li, pōtiffices cum magis duobus quos fugisse dixi,
& populo, cogeabant. Interea Apostoli inter
se Hebraico sermone colloquebantur: prior Iu-
das cernere se Iesum dixit, à quo vocarentur.
Simon eundem se etiam iamdiu videre dixit,
angelum enim sibi cum oraret, hoc prædixisse,
se utrūque emissurum è templo, ac tum denique
templum casurum, cuius ruina illi omnes oppri-
merētur. Se tamē orasse, ne ita fieret, quòd non-
nulli fortasse Deū relictis idolis secuturi essent.
Hac dum illi Hebraico, ut dixi, sermone in-
ter se colloquuntur, angelus eis se ostendit, eisque
potestatem alterutrum eligendi fecit, ut vel v-
nus aliquis eorum qui aderant interiret, vel ipsi

martyres ad Christum migrarent. Illi Deum
 se orare responderunt, ut pro sua misericordia
 eximiaque bonitate & illis ignosceret, & se ad
 coronam martyrii perduceret, Hæc cum soli
 Apostoli & vidissent & audissent, eos pon-
 tifices Solem & Lunam colere cogebant. Ipsi
 verò indicto silentio, Solem & Lunam seruos
 Dei esse scire se professi sunt, qui tamen in cælo
 essent collocati. Itaque eos non sine iniuria, in
 templo includi, quos in cælo collucere ab orbe
 condito constaret. Atque ut intelligerent non
 Solem & Lunam in simulacris inesse, sed da-
 monia, ipsi imperaturos se demonibus professi
 sunt, ut ex simulacris exirent, atque ea commi-
 nuerent. Hæc inter eos officia diuisa sunt, ut
 uno eodemque puncto temporis Simon demoni
 qui in Solis, Iudas ei qui in Lune simulacro
 inclusus erat, imperaret. Quod cum ab eis factum
 esset, statim duo Aethiopes nigri, nudi, horri-
 bilique specie visi sunt egredi, qui simulacris in-
 frustra concisis, cum magno clamore abierunt.
 Hoc cum moleste acerbèque ferrent pontifices,
 impetu facto Apostolos interfecerunt. Ea ipsa
 hora cum summa esset serenitas, & tranquilli-
 tas, repente templum illud de cælo tactum tres in
 partes discissum est, magi autem etiam de cælo
 tacti sunt, cum nullam speciem nisi prunarum
 eorum corpora gererent. Xerxes autem rex non
 ita

ita multò post de pontificibus supplicium sumpsit,
 Apostolorum verò corpora Babyloniam trās-
 ferenda curauit, eisque templum miro magnifi-
 cōque opere exadificauit. Hac ex veteri quo-
 dam Cormæriacena bibliotheca volumine de-
 scripsi, quæ auctor vacās nomine ex Africani
 veteris scriptoris libris se excerpisse confirmat.

BEATI MATHIÆ

APOSTOLI VITÆ,

Ioachimo Perionio Benedictino

Cormæriaceno auctore.

Mathias Christi Apostolus, Bethlee-
 mitanus ex tribu Iuda originem ha-
 buisse dicitur. Is quemadmodum ex libro Lu-
 cæ, qui Acta Apostolorum inscriptus est, in- Act. 1.
 telligi potest, Christum ab initio doctrinæ, ac
 predicationis secutus, nunquam ab eo postea di-
 scessit: nec tamen vnà cum ceteris ex communi
 discipulorum numero ad apostolicæ dignitatis
 arcem elatus est, sed in locum Iudæ qui magi-
 strum discipulus prodidit ac vendidit, post Chri-
 sti ascensum successit. Quod quemadmodum eue-
 nerit aut factum sit, quoniam ad eius laudem
 pertinet, non erit alienum exponere. Cum Chri-
 stus Apostolis spectantibus in cælum ascen-
 disset, apostolique & alij qui vnà aderant


Hierosolymam domum in qua habitabant, rediissent, non ita multò post Petrus Apostolus surgens, omnes qui circumstabant numero ferè centum & viginti condiscipulos conuenit, his verbis, Scripturam impleri oportere, quam spiritus sanctus ore Davidis pradixisset de Iuda, qui dux fuisset eorum qui Iesum Christum comprehenderant. Eum quidem eundem gradum honoris adeptum esse, quem ipsi cõsecuti essent, sed præmium scelere dignissimum consecutum esse eiusmodi, vt suspensus medius crepuerit, diffusis intestinis omnibus. Idq; omnibus Hierosolymitanis ita compertum exploratumque fuisse, vt ager lingua eorum Ager sanguinis nominaretur. Scriptum enim esse in libro Psalmorum: Fiat domicilium eorum desertum, nec sit qui in eo habitet: episcopatumq; eius alter accipiat. Proinde in eius locum sufficiendum cooptandumque esse vnum ex iis qui semper Christum vnà cum ipsis iam ex eo tempore secuti essent, cum à Ioanne baptizatus esset, ad eum quò in cælum ascendisset, qui vnà cum eis palam ac publicè Christum à mortuis excitatum esse testificaretur. Hac Petri oratione ceteri adducti duos constituerunt ac proposuerunt, Iosephum qui Barsabas diceretur, & Mathiam de quo dicimus: oraueruntque Deum in commune vt doceret ac patefaceret, & vnum eo-

277
rum vellet in Iudæa locum succedere. Cúmque
eis sortes dedissent. Mathias sorte Apostolus
delectus est. Nec vero hoc gradu honoris in-
dignum hoc præstitit. Nam cum in partitio-
ne provinciarum Iudæa è nutu diuino obtigis-
set, multos partim doctrina, partim vita quam
integerrimam ageret, partim miris inusitatis-
que operibus quæ in agrotorum morbis proflig-
andis ederet, ad Christianam religionem fi-
démque traduxit. Quod cum Iudæi quos ad
sanam mentem à praua deducere non potuit,
acerbè ferrent, eum ad Pontificem pertraxe-
runt, doctrinamque ac religionem ei vt crimen
obiicere cæperunt. Ille magna fiducia præsen-
tique animo fretus, hoc statim respondisse di-
citur, ea quæ ipsi vt probra & crimina obie-
ctarent, non longavi desiderare orationem.
Christianum enim esse non criminofum esse,
sed gloriosum. Cúmque Pontifex ex eo quasi-
nisset, si tempus pœnitentiæ daretur, mutarène
consilium vellet? Deum, inquit, prohibeat, ne
à veritate quam semel inueni ac secutus sum,
aliquando quasi transfuga deficiam. Tum con-
citati populi furore Pontifex præter priuatum
odium impulsus, eum sententia sua lapidibus
primo obruendum, deinde securi feriendum es-
se pronunciauit. Duo autem testes quos subor-
nauerant, primi in eum lapides iaculati sunt.

B. MATHIAE VITA.

Ille vero lapides testimonij causa ut secum sepelirentur, rogavit: sic beatus Apostolus ad Christum migravit VII. Calend. Martij. Eius autem corpus ex Iudea Romam primum, deinde Roma Treuiros translatum esse dicitur.

F I N I S.



FINE